

ओं नमः परमात्मने, श्री महागणपतये नमः,

श्री गुरुभ्यो नमः, हरिः ओं ॥

# कृष्ण यजुर्वेदीय तैत्तिरीय संहिता

## द्वितीयं काण्डं

**Note: Please refer to the book, TS Kandam 1 for notes and conventions used in this Compilation.**

---

## Contents

2	कृष्ण यजुर्वेदीय तैत्तिरीय संहितायं द्वितीयं काण्डं	3
2.1	द्वितीयकाण्डे प्रथमः प्रश्नः – पशुविधानं	3
2.1.1	Appendix	34
2.2	द्वितीयकाण्डे द्वितीयः प्रश्नः – इष्टिविधानं	36
2.2.1	Appendix	70
2.3	द्वितीयकाण्डे तृतीयः प्रश्नः – इष्टिविधानं	74
2.3.1	Appendix	102
2.4	द्वितीयकाण्डे चतुर्थः प्रश्नः – इष्टिविधानं	105
2.4.1	Appendix	128
2.5	द्वितीयकाण्डे पञ्चमः प्रश्नः – इष्टिविधानं	129
2.5.1	Appendix	164
2.6	द्वितीयकाण्डे षष्ठः प्रश्नः – अवशिष्टकर्माभिधानं	171
2.6.1	Appendix	205

ओं नमः परमात्मने, श्री महागणपतये नमः, श्री गुरुभ्यो नमः

हरिःओं

## 2 कृष्ण यजुर्वेदीय तैत्तिरीय संहितायं द्वितीयं काण्डं

### 2.1 द्वितीयकाण्डेप्रथमः प्रश्नः – पशुविधानं

#### 2.1.1.1

वा॒यव्य॑ श्वेत॑मा ल॒भेत॑ भू॒ति॒कामो॑ वा॒युर्वे॑ क्षे॒पिष्ठा॑ दे॒वता॑वा॒युमे॒व स्वेन॑  
भा॒गधे॑येनोप॒ धाव॑ति स ए॒वैनं॑ भू॒तिं ग॑मयति॒ भव॑त्ये॒वा-ति॑क्षिप्रा  
दे॒वते॑त्याहुः सैन॑मीश्वरा प्र॒दह॑ इत्ये॒तमे॒व सन्तं॑ वा॒यवे॑ नि॒युत्व॑त  
आ ल॒भेत॑ नि॒युद्धा॑ अस्य॒ धृति॑र्धृत ए॒व भू॒तिमु॑पैत्य प्र॒दाहा॑य  
भव॑त्ये॒व - [ ] 1

#### 2.1.1.2

वा॒यवे॑ नि॒युत्व॑त आ ल॒भेत॑ ग्रा॒मका॑मो वा॒युर्वा इ॒माः प्र॒जा न॑स्यो॒ता ने॑नीयते  
वा॒युमे॒व नि॒युत्व॑न्तः स्वेन॑ भा॒गधे॑येनोप॒ धाव॑ति स ए॒वास्मै॑ प्र॒जा न॑स्यो॒ता

नियच्छति ग्राम्येव भवति नियुत्वते भवति ध्रुवा एवास्मा अनपगाः करोति  
वायवे नियुत्वत आ लभेत प्रजाकामः प्राणो वै वायुरपानो नियुत्  
प्राणापानौ खलु वा एतस्य प्रजाया- [ ] 2

### 2.1.1.3

अप क्रामतो योऽलं प्रजायै सन् प्रजां न विन्दते वायुमेव नियुत्वन्तः  
स्वेन भागधेयेनोप धावति स एवास्मै प्राणापानाभ्यां प्रजां प्र जनयति  
विन्दते प्रजां वायवे नियुत्वत आ लभेत ज्योगामयावी प्राणो वै  
वायुरपानो नियुत् प्राणापानौ खलु वा एतस्मा दपक्रामतो यस्य  
ज्योगामयति वायुमेव नियुत्वन्तः स्वेन भागधेयेनोप - [ ] 3

### 2.1.1.4

धावति स एवास्मिन् प्राणापानौ दधात्युत यदीतासुर्भवति जीवत्येव  
प्रजापतिर्वा इदमेक आसीत् सोऽकामयत प्रजाः पशून् सृजेयेति स  
आत्मनो वपामुदक्खिदत् तामग्नौ प्रागृह्णात् ततोऽजस्तूपरः  
समभवत् तः स्वायै देवताया आ ऽलभत ततो वै स प्रजाः  
पशूनसृजत यः प्रजाकामः - [ ] 4

**2.1.1.5**

प॒शु॒का॒मः॑ स्या॒त् स ए॒तं प्रा॒जाप॒त्यम॒जं तू॒पर॒मा ल॒भेत॑ प्र॒जाप॒तिमे॒व  
स्वे॒न भा॒गधे॒येनो॒प धा॒वति॑ स ए॒वास्मै॑ प्र॒जां प॒शून् प्र॒जन॑यति  
यच्छ॑म॒श्रुण॑स्तत् पु॒रुषा॑णां रू॒पं य॑त् तू॒पर॑स्तद॒श्वा॒नां य॑दन्यतो॒दन्  
तद्-ग॒वां य॑दव्या इ॒व श॒फास्त॑द॒वी॒नां य॑दजस्त-द॒जाना॑-मे॒ताव॑न्तो  
वै ग्रा॒म्याः प॒शव॑स्तान् - [ ] 5

**2.1.1.6**

रू॒पेणै॒वाव॑ रु॒न्धे सो॒मापौ॑ष्णं त्रै॒तमा ल॒भेत॑ प॒शुका॑मो॒द्वौ वा अ॒जायै॑ स्तनौ  
ना॒नैव॑ द्वा॒वभि॑ जा॒येते॑ ऊ॒र्जं पु॒ष्टिं तृ॒तीयः॑ सो॒मापू॑षणा॒वेव॑ स्वे॒न  
भा॒गधे॒येनो॒प धा॒वति॑ ता॒वेवा॑स्मै प॒शून् प्र॒जन॑यतः सो॒मो वै रे॒तो॒धाः पू॒षा  
प॒शूनां॑ प्र॒जन॑यिता सो॒म ए॒वास्मै॑ रे॒तो द॑धाति पू॒षा प॒शून् प्र  
ज॒नय॑त्यौ॒दुम्ब॑रो यू॒पो ( ) भ॒वत्यू॑र्वा उ॒दुम्ब॑र ऊ॒र्क् प॒शव॑ ऊ॒र्जैवा॑स्मा  
ऊ॒र्जं प॒शून्व॑ रु॒न्धे । 6

(अप्रदाहाय भवत्येव – प्रजाया – आमयति वायुमेव नियुत्वतः स्वेन  
भागधेयेनोप – प्रजाकाम – स्तान् – यूप – स्त्रयोदश च ) (A1)

### 2.1.2.1

प्रजापतिः प्रजा असृजत ता अस्मात् सृष्टाः पराचीरायन् ता  
वरुणमगच्छन् ता अन्वैत् ताः पुनरयाचत ता अस्मै न पुनरददात्  
सोऽब्रवीद्-वरं वृणीष्वथ मे पुनर्देहीति तासां वरमाऽलभत स कृष्ण  
एकशितिपाद-भवद्यो वरुण गृहीतः स्यात् स एतं वारुणं  
कृष्ण-मेकशितिपादमा-लभेत वरुण - [ ] 7

### 2.1.2.2

-मेव स्वेन भागधेयेनोप धावति स एवैनं वरुणपाशान् मुञ्चति  
कृष्ण एकशितिपाद-भवति वारुणो ह्येष देवतया समृद्ध्यै सुवर्भानुरासुरः  
सूर्यं तमसाऽविद्ध्यत तस्मै देवाः प्रायश्चित्ति-मैच्छन् तस्य यत् प्रथमं  
तमोऽपाघ्नन्त्सा कृष्णाऽविरभवद्-यद् द्वितीयं सा फल्गुनी यत् तृतीयं  
सा बलक्षी यदध्यस्था-दपाकृन्तन्त्साऽविर्वशा - [ ] 8

**2.1.2.3**

सम॑भवत् ते दे॒वा अ॒ब्रुवन् दे॒वप॒शुर्वा अ॒यञ् सम॑भूत् कस्मा॑ इ॒ममा  
ल॒फस्याम॑ह इत्यथ॒ वै तर्ह्य॑ल्पा पृथि॒व्यासी॒-दजा॑ता ओष॑धयस्तामविं  
ँव॒शामा॑दित्येभ्यः॒ कामा॑याऽल॒भन्त॑ ततो॒ वा अ॒प्रथ॑त  
पृथि॒व्य-जा॑यन्तौष॑धयो॒ यः का॒मये॑त प्रथे॒य प॒शुभिः॒ प्र प्र॒जया॑ जा॒येयेति॑  
स ए॒तामविं॑ ँव॒शामा॑दित्येभ्यः॒ कामा॑या - [ ] 9

**2.1.2.4**

ऽऽ ल॒भेता ऽऽदि॒त्याने॒व का॒मञ् स्वे॒न भा॒गधे॑येनोप॒ धाव॑ति त ए॒वैनं॑  
प्रथ॑यन्ति प॒शुभिः॒ प्र प्र॒जया॑ जन॒यन्त्य॒-सा॒वादि॒त्यो न व्य॑रोचत॒ तस्मै॑  
दे॒वाः प्रा॒यश्चि॑त्तिमैच्छन् तस्मा॑ ए॒ता म॒ल्हा आ॒लभ॑न्ताऽऽ\*ग॒नेयीं॑  
कृ॒ष्णाग्री॒वीञ् सञ्हि॑तामै॒न्द्रीञ् श्वे॒तां बा॒र्हस्प॑त्यां ताभि॒रेवा॒स्मिन्  
रुच॑मदधु॒र्यो ब्र॑ह्मवर्च॒स-का॒मः स्या॑त् तस्मा॑ ए॒ता म॒ल्हा आ  
ल॒भेता - [ ] 10

**2.1.2.5**

ऽऽग्नेयीं कृष्णग्रीवीं संहितामैन्द्रीं श्वेतां बार्हस्पत्यामेता  
 एव देवताः स्वेन भागधेयेनोप धावति ता एवास्मिन् ब्रह्मवर्चसं दधति  
 ब्रह्मवर्चस्येव भवति वसन्ता प्रातराग्नेयीं कृष्ण ग्रीवीमा लभेत  
 ग्रीष्मे मध्यन्दिने संहितामैन्द्रीं शरद्वपराह्णे श्वेतां बार्हस्पत्यां  
 त्रीणि वा आदित्यस्य तेजांसि वसन्ता प्रातर्ग्रीष्मे मध्यन्दिने शरद्वपराह्णे  
 यावन्त्येव तेजांसि तान्येवा - [ ] 11

**2.1.2.6**

ऽव रुन्धे सँवत्सरं पर्यालभ्यन्ते सँवत्सरो वै ब्रह्मवर्चसस्य प्रदाता  
 सँवत्सर एवास्मै ब्रह्मवर्चसं प्र यच्छति ब्रह्मवर्चस्येव भवति गर्भिण्यो  
 भवन्तीन्द्रियं वै गर्भ इन्द्रियमेवास्मिन् दधति सारस्वतीं मेषीमा लभेत  
 य ईश्वरो वाचो वदितोः सन् वाचं न वदेद्-वाग्वै सरस्वती सरस्वतीमेव  
 स्वेन भागधेयेनोप धावति सैवास्मिन् - [ ] 12



**2.1.2.7**

वाचं॑ दधाति॑ प्रवदिता॑ वाचो॑ भवत्यपन्नदती॑ भवति॑ तस्मान्॑ मनुष्याः॑ सर्वा॑  
 वाचं॑ वदन्त्याग्नेयं॑ कृष्णाग्रीवमा॑ लभेत॑ सौम्यं॑ बभ्रुं॑ ज्योगामयाव्यग्निं॑ वा  
 एतस्य॑ शरीरं॑ गच्छति॑ सोमो॑ रसो॑ यस्य॑ ज्योगामयत्यग्नेरेवास्य॑ शरीरं॑  
 निष्क्रीणाति॑ सोमाद् रसमु॑त यदीतासु॑र्भवति॑ जीवत्येव॑ सौम्यं॑ बभ्रुमा॑  
 लभेताऽऽग्नेयं॑ कृष्णाग्रीवं॑ प्रजाकामः॑ सोमो॑ – [ ] 13

**2.1.2.8**

वै॑ रेतो॑धा अग्निः॑ प्रजानां॑ प्रजनयिता॑ सोम॑ एवास्मै॑ रेतो॑ दधात्यग्निः॑ प्रजां॑  
 प्रजनयति॑ विन्दते॑ प्रजामाग्नेयं॑ कृष्णाग्रीवमा॑ लभेत॑ सौम्यं॑ बभ्रुं॑ यो॑  
 ब्राह्मणो॑ विद्यामनूच्य॑ न विरोचेत॑ यदाग्नेयो॑ भवति॑ तेज॑ एवास्मिन्॑ तेन॑  
 दधाति॑ यथ् सौम्यो॑ ब्रह्मवर्चसं॑ तेन॑ कृष्णाग्रीव॑ आग्नेयो॑ भवति॑ तम॑  
 एवास्मादप॑ हन्ति॑ श्वेतो॑ भवति॑ – [ ] 14

**2.1.2.9**

रुचमे॑वास्मिन् दधाति॑ बभ्रुः॑ सौम्यो॑ भवति॑ ब्रह्मवर्चसमे॑वास्मिन् त्विषिं॑  
 दधात्या-ग्नेयं॑ कृष्णाग्रीवमा॑ लभेत॑ सौम्यं॑ बभ्रुमाग्नेयं॑ कृष्णाग्रीवं॑

पुरो॒धाया॑ꣳ स्पर्ध॑मान आ॒ग्नेयो॑ वै ब्रा॒ह्मणः॑ सौ॒म्यो रा॒जन्योऽभि॑तः  
 सौ॒म्यमा॒ग्नेयौ॑ भवत॒-स्तेज॑सैव ब्र॒ह्मणो॑भयतो रा॒ष्ट्रं परि॑ गृ॒ह्णात्ये॒कधा  
 समा॑ वृ॒द्धे पुर॑ ए॒नं दध॑ते । 15 (ल॒भेत॑ वरु॒णं - वै॒शौ - ताम॑विं  
 वै॒शामा॑दित्ये॒भ्यः कामा॑य - म॒ल्हा आ ल॑भेत - तान्ये॒व - सैवा॑स्मिन्  
 - सोमः॑ - स्वे॒तो भ॑वति - त्रिच॑त्वारि॒ंशच्च॑ ) (A2)

### 2.1.3.1

दे॒वासुरा॑ एषु लो॒केष्वस्पर्ध॑न्त स ए॒तं वि॑ष्णु-वाम॒नम॑पश्यत्  
 तꣳ स्वा॒यै दे॒वता॑या आऽल॑भत ततो॒ वै स इ॒मां लो॒कान॑भ्यजयद्-  
 वैष्ण॑वं वा॒मन॑मा ल॒भेत॑ स्पर्ध॑मानो वि॒ष्णुरे॒व भू॒त्वेमां॑ लो॒कान॑भि जयति  
 वि॒षम॑ आ ल॒भेत॑ वि॒षमा॑ इ॒व ही॒मे लो॒काः समृ॑द्ध्य॒ इन्द्रा॑य म॒न्युम॑ते  
 म॒नस्व॑ते ल॒लामं॑ प्राशृ॒ङ्गमा॑ ल॒भेत॑ संग्रामे - [ ] 16

### 2.1.3.2

सँय॑त्त इन्द्रि॒येण॑ वै म॒न्युना॑ म॒नसा॑ संग्रामं जय॒तीन्द्र॑मे॒व म॒न्युम॑न्तं  
 म॒नस्व॑न्तꣳ स्वे॒न भा॒गधे॒येनो॑प धावति स ए॒वास्मि॑न्निन्द्रि॒यं म॒न्युं मनो॑

दधाति॑ जयति॑ त॒ꣳ संग्राम॑मिन्द्राय॑ मरुत्वते॑ पृ॒श्नि॒सक्थ॑मा ल॒भेत॑  
 ग्राम॑काम॒ इन्द्र॑मेव मरुत्वन्त॑ꣳ स्वेन॑ भा॒गधे॑येनोप॒ धाव॑ति स ए॒वास्मै॑ स  
 जा॒तान् प्र॑यच्छति॒ ग्राम्ये॑व भवति॒ यदृष॑भस्तेनै – [ ] 17

### 2.1.3.3

–न्द्रो॑ यत् पृ॒श्नि॒स्तेन॑ मा॒रुतः॑ समृ॒द्ध्यै॑ प॒श्चात् पृ॒श्नि॒सक्थो॑ भवति  
 प॒श्चाद॑न्व–वसा॒यिनी॑मे॒वास्मै॑ वि॒शं करो॑ति सौ॒म्यं ब॒भ्रुमा॑ ल॒भेतान्न॑कामः  
 सौ॒म्यं वा॑ अन्न॒ꣳ सोम॑मेव स्वेन॑ भा॒गधे॑येनोप॒ धाव॑ति स ए॒वास्मा॑ अन्नं  
 प्र॑यच्छत्यन्नाद॒ एव॑ भवति ब॒भ्रुर्भ॑वत्येतद्वा अन्नस्य॒ रूप॑ꣳ समृ॒द्ध्यै॑ सौ॒म्यं  
 ब॒भ्रुमा॑ ल॒भेत॑ यमल॒ꣳ – [ ] 18

### 2.1.3.4

रा॒ज्याय॑ सन्त॒ꣳ रा॒ज्यं नो॑पन॒मेत् सौ॒म्यं वै॑ रा॒ज्यꣳ सोम॑मेव स्वेन॑  
 भा॒गधे॑येनोप॒ धाव॑ति स ए॒वास्मै॑ रा॒ज्यं प्र॑यच्छत्यु॒पै नꣳ रा॒ज्यं न॑मति  
 ब॒भ्रुर्भ॑वत्येतद् वै सोमस्य॒ रूप॑ꣳ समृ॒द्ध्यै॑ इन्द्राय॑ वृ॒त्रतु॑रे ल॒लामं॑  
 प्रा॒शृङ्ग॑मा ल॒भेत॑ ग॒तश्रीः॑ प्र॒तिष्ठा॑कामः पा॒प्मान॑मेव वृ॒त्रं ती॒र्त्वा प्र॒तिष्ठां॑

गच्छ॑तीन्द्रा॒याभि॑माति॒घ्ने ल॒लामं॑ प्राशृङ्ग॒मा – [ ] 19

### 2.1.3.5

ल॒भेत॑ यः पा॒प्मना॑ गृही॒तः स्या॑त् पा॒प्मा वा अ॒भिमा॑तिरिन्द्र॒मेवा-  
भि॑माति॒हन॑ स्वेन॑ भा॒गधे॑येनोप॑ धावति॒ स ए॒वास्मा॑त् पा॒प्मान॑मभि॒मातिं॑  
प्र॒णुद॑त इन्द्रा॒य वज्रि॑णे ल॒लामं॑ प्राशृङ्ग॒मा ल॒भेत॑ यमल॑ राज्य॒ाय सन्त॑  
राज्यं॑ नोप॒नमे॑दिन्द्र॒मेव वज्रि॑ण स्वेन॑ भा॒गधे॑येनोप॑ धावति॒ स ए॒वास्मै॑  
वज्रं॑ प्र यच्छति॒ स ए॒नं ( ) वज्रो॑ भूत्या॒ इन्ध॑ उपै॒न राज्यं॑ नमति॒ ललामः॑  
प्राशृङ्गो॑ भवत्येतद्वै वज्रस्य॒ रूपं॑ समृद्ध्यै । 20

(संग्रामे - तेना - ल - मभिमातिघ्ने ललामं प्राशृङ्गमै - नं दृ  
पञ्चदश च ) (A3)

### 2.1.4.1

अ॒सावा॑दि॒त्यो न व्य॑रोचत॒ तस्मै॑ दे॒वाः प्राय॑श्चित्तिमच्छन् तस्मा॒ एतां॑  
द॒शर्ष॑भा॒माऽल॑भन्त॒ तयै॑वास्मिन् रुच॒मद॑धुर्यो ब्र॒ह्मव॑र्चस॒कामः॑ स्यात्  
तस्मा॒ एतां॑ द॒शर्ष॑भा॒मा ल॑भेता-मु॒मेवाऽऽदि॒त्य स्वेन॑ भा॒गधे॑येनोप॑

धा॒वति॑ स॒ ए॒वा॒स्मिन् ब्र॒ह्मव॑र्चसं दधाति ब्र॒ह्मव॑र्चस्ये॒व भ॒वति॑ व॒सन्ता॑  
प्रा॒तस्त्रीन् ल॑लामा॒ना ल॑भेत ग्री॒ष्मे म॒ध्यन्दि॑ने – [ ] 21

#### 2.1.4.2

त्री॒ञ्छि॑ति पृ॒ष्ठाञ्छर॑द्यपरा॒ह्णे त्री॒ञ्छि॑तिवा॒रान् त्री॒णि वा आ॑दि॒त्यस्य॑  
ते॒जा॒सि व॒सन्ता॑ प्रा॒तर्ग्री॑ष्मे म॒ध्यन्दि॑ने शर॒द्यपरा॒ह्णे या॑वन्त्ये॒व ते॒जा॒सि  
ता॒न्ये॒वाव रु॒न्धे त्र॑यस्त्रय॒ आ ल॑भ्यन्ते-ऽभि॒ पूर्वे॑मे॒वास्मिन् ते॒जो द॑धाति  
सँव॑त्सरं प॒र्याल॑भ्यन्ते सँव॑त्सरो॒ वै ब्र॒ह्मव॑र्चसस्य प्र॒दा॒ता सँव॑त्सर  
ए॒वास्मै॑ ब्र॒ह्मव॑र्चसं प्र य॑च्छति ब्र॒ह्मव॑र्चस्ये॒व भ॒वति सँव॑त्सरस्य॒ पर॑स्तात्  
प्रा॒जाप॑त्यं क॒द्रु – [ ] 22

#### 2.1.4.3

-मा ल॑भेत प्र॒जाप॑तिः सर्वा॑ दे॒वता॑ दे॒वता॑स्वे॒व प्र॑ति॒तिष्ठ॑ति यदि  
बि॒भी॒याद्-दु॒श्च॒र्मा भ॑विष्यामीति सो॒मापौ॑ष्णं श्याम॒मा ल॑भेत सौ॒म्यो वै  
दे॒वत॑या पु॒रुषः॑ पौ॒ष्णाः प॒शवः॑ स्वयै॒वास्मै॑ दे॒वत॑या प॒शुभि॑स्त्वचं॒ करो॑ति  
न दु॒श्च॒र्मा भ॑वति दे॒वाश्च॑ वै य॒मश्चा॒स्मिन् लो॒केऽस्पर्ध॑न्त स य॒मो

दे॒वाना॑मिन्द्रि॒यं वी॒र्य॑मयुव॒त तद् य॒मस्य॑ – [ ] 23

#### 2.1.4.4

य॒मत्वं ते॑ दे॒वा अ॑मन्यन्त॒ यमो॑ वा इ॒दम॑भूद्-यद्-व॒यः॑ स्म इति॒  
ते प्र॒जाप॑तिमुपा॒धाव॑न्थ॒ स ए॒तौ प्र॒जाप॑तिरात्म॒न उ॒क्षव॑शौ निर॒मिमी॑त॒  
ते दे॒वा वै॒ष्णावरु॑णीं व॒शामा॑-ऽल॒भन्तै॑न्द्रमु॒क्षाणं॑ तं व॒रुणे॑नैव ग्राहयित्वा  
विष्णु॑ना य॒ज्ञेन॑ प्राणुदन्तै॒न्द्रेणै॑-वा॒स्येन्द्रि॑यम॒-वृ॒ज्जत॑ यो भ्रातृ॒व्यवा॑न्थ॒  
स्याथ॑ स स्पर्ध॒मानो॑ वैष्णावरु॑णीं – [ ] 24

#### 2.1.4.5

व॒शामा॑ ल॒भेतै॑न्द्रमु॒क्षाणं॑ व॒रुणे॑नैव भ्रातृ॒व्यं ग्रा॑हयित्वा विष्णु॑ना  
य॒ज्ञेन॑ प्राणुद॒त ऐ॒न्द्रेणै॑वा॒स्येन्द्रि॑यं वृ॒द्धे भ॑वत्यात्म॒ना परा॑स्य  
भ्रातृ॒व्यो भ॑वतीन्द्रो वृ॒त्रम॑हन् तं वृ॒त्रो ह॑तः षोड॒शभि॑-भो॒गैर॑सिनात्  
तस्य॑ वृ॒त्रस्य॑ शीर्ष॒तो गा॒व उ॒दाय॑न् ता वैदे॒ह्योऽभ॑वन् ता॒सामृ॑षभो  
ज॒घने॑ऽनूदैत् तमिन्द्रो – [ ] 25

**2.1.4.6**

ॐ॒चा॒य॒थ् सो॒ऽम॒न्य॒त यो॒ वा इ॒म॒मा॒ल॒भे॒त मु॒च्ये॒ता॒स्मा॒त् पा॒प्म॒न इति॒ स  
 आ॒ग्ने॒यं कृ॒ष्ण॒ग्री॒व॒मा ल॒भे॒तै॒न्द्र॒मृ॒ष॒भं त॒स्या॒ग्नि॒रे॒व स्वे॒न  
 भा॒ग॒धे॒ये॒नो॒प सृ॒तः षो॒ड॒श॒धा वृ॒त्र॒स्य भो॒गा॒न॒प्य॒द॒ह॒दै॒न्द्रे॒णो॒न्द्रि॒य-  
 मा॒त्म॒न्न॒ध॒त्त यः पा॒प्म॒ना गृ॒ही॒तः स्या॒थ् स आ॒ग्ने॒यं कृ॒ष्ण॒ग्री॒व॒मा  
 ल॒भे॒तै॒न्द्र॒मृ॒ष॒भ-म॒ग्नि॒रे॒वा॒स्य स्वे॒न भा॒ग॒धे॒ये॒नो॒प॒सृ॒तः - [ ] 26

**2.1.4.7**

पा॒प्मान॒म॒पि द॒ह॒त्यै॒न्द्रे॒णो॒न्द्रि॒य॒मा॒त्म॒न् ध॒त्ते मु॒च्य॒ते पा॒प्म॒नो  
 भ॒व॒त्ये॒व द्या॒वा॒पृ॒थि॒व्यां धे॒नु॒मा ल॒भे॒त ज्यो॒ग॒प॒रु॒द्धो ऽन॒यो॒र्हि वा  
 ए॒षो॒ऽप्र॒ति॒ष्ठि॒तो॒ऽथै॒ष ज्यो॒ग॒प॒रु॒द्धो द्या॒वा॒पृ॒थि॒वी ए॒व स्वे॒न भा॒ग॒धे॒ये॒नो॒प  
 धा॒व॒ति ते ए॒वैनं॑ प्र॒ति॒ष्ठां ग॒म॒य॒तः प्र॒त्ये॒व ति॒ष्ठ॒ति पर्या॒रि॒णी भ॒व॒ति पर्या॒री॒व  
 ह्ये॒त॒स्य रा॒ष्ट्रं यो॒ ज्यो॒ग॒प॒रु॒द्धः स॒मृ॒द्ध॒यै वा॒य॒व्यं - [ ] 27

**2.1.4.8**

व॒थ्स॒मा ल॒भे॒त वा॒यु॒र्वा अ॒न॒यो॒र्व॒थ्स इ॒मे वा ए॒त॒स्मै लो॒का अ॒प॒शु॒ष्का  
 वि॒ड॒प॒शु॒ष्का॒ऽथै॒ष ज्यो॒ग॒प॒रु॒द्धो वा॒यु॒मे॒व स्वे॒न भा॒ग॒धे॒ये॒नो॒प धा॒व॒ति

स ए॒वास्मा॑ इ॒मां लो॒कान् वि॒शं प्र॒दाप॑यति प्रा॒स्मा इ॒मे लो॒काः  
स्नु॒वन्ति॑भु॒ञ्जत्ये॑नं वि॒दुप॑तिष्ठते । 28

(म॒ध्यन्दि॑ने - क॒द्रुं - य॑मस्य - स्पर्ध॑मानो वैष्णा॒वरु॑णीं -  
तमि॒न्द्रो - ऽस्य॑ स्वे॒न भा॒गधे॑ये॒नोप॑सृतो - वा॒यव्यं॑ -  
द्वि॒चत्वारि॑ञ्च) (A4)

#### 2.1.5.1

इन्द्रो॑ वलस्य॒ बिल॑मपौर्णो॒थ स॒ य उत्त॑मः पशु॒रासी॑त् तं पृ॒ष्ठं प्रति॑  
संगृ॒ह्योद॑क्खिदत् तञ् सह॒स्रं प॑शवोऽनू॒दाय॑न्थ स उ॒न्नतो॑ऽभवद्यः  
पशु॒कामः॑ स्याथ् स ए॒तमै॒न्द्रमु॒न्नत॑मा ल॒भेते॑न्द्रमे॒व स्वे॒न भा॒गधे॑ये॒नोप॑  
धाव॑ति स ए॒वास्मै॑ प॒शून् प्र॑यच्छति पशु॒माने॑व भवत्यु॒न्नतो॑ -[ ] 29

#### 2.1.5.2

भवति॑ साहस्री॒ वा ए॒षा ल॒क्ष्मी यदु॒न्नतो॑ लक्ष्मि॒यै व प॒शून् व रु॒न्धे  
यदा॑ सह॒स्रं प॑शून् प्राप्नु॒यादथ॑ वैष्णा॒वं वा॒मन॑मा ल॒भेते॑तस्मिन्  
वै तथ् सह॒स्रम॑ध्यतिष्ठत् तस्मा॒देष॑ वा॒मनः॑ समी॒षितः॑ प॒शुभ्य॑ ए॒व



प्रजातेभ्यः प्रतिष्ठां दधाति कोऽहति सहस्रं पशून् प्राप्तुमित्याहु-  
रहोरात्राण्येव सहस्रं सम्पाद्याऽऽलभेत पशवो - [ ] 30

### 2.1.5.3

वा अहोरात्राणि पशूनेव प्रजातान् प्रतिष्ठां गमय-त्योषधीभ्यो वेहतमा  
लभेत प्रजाकाम ओषधयो वा एतं प्रजायै परिबाधन्ते योऽलं प्रजायै  
सन् प्रजां न विन्दत ओषधयः खलु वा एतस्यै सूतुमपि घ्नन्ति या  
वेहद्-भवत्योषधीरेव स्वेन भागधेयेनोप धावति ता एवास्मै स्वाद्योनेः  
प्रजां प्र जनयन्ति विन्दते - [ ] 31

### 2.1.5.4

प्रजामापो वा ओषधयोऽसत् पुरुष आप एवास्मा असतः सददति  
तस्मादाहुर्यश्चैवं वेद यश्च नापस्त्वावासतः सददती-त्यैन्द्रीं  
सूतवशामा लभेत भूतिकामोऽजातो वा एष योऽलं भूत्यै सन् भूतिं न  
प्राप्नोतीन्द्रं खलु वा एषा सूत्वा वशाऽभव - [ ] 32

**2.1.5.5**

–दिन्द्रमे॒व स्वे॑न॒ भा॒ग॒धे॒ये॒नो॒प॒ धा॒वति॒ स ए॒वैनं॑ भू॒तिं ग॒मय॑ति  
 भव॑त्ये॒व य॒ऽसू॒त्वा व॒शा स्या॑त् त॒मैन्द्र॑मे॒वाऽऽ\* ल॒भेतै॑तद्वा॒व तदिन्द्रि॑य॒ऽ  
 सा॒क्षादे॒वेन्द्रि॑यम॒व रु॒न्ध ऐन्द्रा॑ग्नं पु॒नरु॑थ् सृष्ट॒मा ल॒भेत॑ य आ तृती॒यात्  
 पु॒रुषा॑थ् सोमं॒ न पि॒बेद्–वि॒च्छि॒न्नो वा ए॒तस्य॑ सोमपी॒थो यो ब्रा॒ह्मणः॑

सन्ना – [ ] 33

**2.1.5.6**

तृती॒यात् पु॒रुषा॑थ् सोमं॒ न पि॒बेतीन्द्रा॑ग्नी ए॒व स्वे॑न॒ भा॒ग॒धे॒ये॒नो॒प॒ धा॒वति॒  
 तावे॒वास्मै॑ सोमपी॒थं प्र॑यच्छ॒त उपै॑न॒ऽसोम॑पी॒थो न॑मति॒ यदैन्द्रो॑  
 भव॑तीन्द्रि॒यं वै सोम॑पी॒थ इन्द्रि॑यमे॒व सोम॑पी॒थम॒व रु॒न्धे यदा॑ग्ने॒यो  
 भव॑त्याग्ने॒यो वै ब्रा॒ह्मणः॑ स्वा॒मे॒व दे॒वता॑मनु॒ संत॑नोति पु॒नरु॑थ् सृष्टो भवति॒  
 पु॒नरु॑थ् सृष्ट इ॒व ह्ये॒तस्य॑ – [ ] 34

**2.1.5.7**

सोम॑पी॒थः स॒मृद्ध्यै॑ ब्रा॒ह्मण॑स्प॒त्यं तू॒पर॑मा ल॒भेता॑–भि॒चर॑न्  
 ब्रा॒ह्मण॑स्प॒तिमे॒व स्वे॑न॒ भा॒ग॒धे॒ये॒नो॒प॒ धा॒वति॒ तस्मा॑ ए॒वैन॑मा वृ॒श्चति॑

ता॒जगा॒र्ति-मा॒च्छ॒ति तू॒परो॒ भव॑ति क्षु॒रप॒विर्वा॒ एषा॒ लक्ष्मी॒ यत् तू॒परः॑  
समृ॒द्ध्यै॒ स्फ्यो॒ यू॒पो भव॑ति वज्रो॒ वै स्फ्यो॒ वज्रमे॒वास्मै॒ प्रहर॑ति शर॒मयं॑  
बर्॒हिः शृ॒णात्ये॒वैनं॑ वै॒भीद॑क इ॒ध्मो ( ) भि॒नत्ये॒वैनं॑ ॥ 35

(भवत्युन्नतः - पशवो - जनयन्ति विन्दते - ऽभवथ - सन्नै - तस्ये  
- धम - स्त्रीणि च) (A5)

### 2.1.6.1

बा॒र्हस्प॒त्यञ् शि॒तिपृ॒ष्ठमा॒ लभे॑त ग्रा॒मका॒मो यः॒ काम॑येत पृ॒ष्ठञ्  
समा॒नाना॑ स्यामि॒ति बृ॒हस्प॑तिमे॒व स्वेन॑ भा॒गधे॑येनोप॒ धाव॑ति स ए॒वैनं॑  
पृ॒ष्ठञ् समा॒नानां॑ करो॒ति ग्रा॒म्येव॑ भव॒ति शि॒तिपृ॒ष्ठो भव॑ति बा॒र्हस्प॒त्यो ह्येष॑  
दे॒वत॑या॒ समृ॒द्ध्यै पौ॒ष्णाञ् श्या॒ममा॒ लभे॑तान्नका॒मोऽन्नं॑ वै पू॒षा पू॒षण॑मे॒व  
स्वेन॑ भा॒गधे॑येनोप॒ धाव॑ति स ए॒वास्मा॒ - [ ] 36

### 2.1.6.2

अ॒न्नं प्र॒ यच्छ॑त्यन्ना॒द ए॒व भव॑ति श्या॒मो भव॑त्येतद्वा अ॒न्नस्य॑ रू॒पञ्  
समृ॒द्ध्यै मा॒रुतं॑ पृ॒श्निमा॒ लभे॑ताऽन्न-का॒मोऽन्नं॑ वै म॒रुतो॑म॒रुत॑ ए॒व स्वेन॑

भाग॒धेये॒नोप॑ धावति॑ त ए॒वास्मा॑ अन्नं॑ प्रयच्छन्त्यन्नाद॑एव॑ भवति॑  
 पृ॒श्नि॑ भवत्येतद्वा॑ अन्नस्य॑ रू॒पञ् समृ॑द्ध्य॒या ऐ॒न्द्रम॑रुणमा॒  
 ल॒भेते॑न्द्रि॒यका॑म॒ इन्द्र॑मेव – [ ] 37

### 2.1.6.3

स्वेन॑ भा॒गधेये॒नोप॑ धावति॑ स ए॒वास्मि॑न्निन्द्रि॒यं द॑धातीन्द्रि॒याव्ये॑व  
 भवत्य॑रुणो भू॒मान् भवत्ये॒तद्वा॑ इन्द्रस्य॑ रू॒पञ् समृ॑द्ध्यै  
 सावि॑त्रमुपध्वस्तमा॒ ल॒भेत॑ स॒निका॑मः स॒विता॑ वै प्र॒सवा॑नामी॒शे  
 स॒वितार॑मेव॒ स्वेन॑ भा॒गधेये॒नोप॑ धावति॑ स ए॒वास्मै॑ स॒निं प्र॑सुवति॒  
 दा॒नका॑मा अ॒स्मै प्र॑जा भवन्त्युपध्वस्तो॒ भवति॑ सावि॒त्रो ह्ये॑ष – [ ] 38

### 2.1.6.4

दे॒वत॑या॒ समृ॑द्ध्यै वैश्वदे॒वं बहु॑रूपमा॒ ल॒भेताऽन्न॑कामोवैश्वदे॒वं वा॑ अन्नं॑  
 वि॒श्वाने॒व दे॒वान्थ्-स्वेन॑ भा॒गधेये॒नोप॑ धावति॑ त ए॒वास्मा॑ अन्नं॑  
 प्रयच्छन्त्यन्नाद॑ एव॑ भवति॑ बहु॒रूपो॑ भवति॑ बहु॒रूपञ् ह्यन्न॑ञ् समृ॑द्ध्यै  
 वैश्वदे॒वं बहु॑रूपमा॒ ल॒भेत॑ ग्रा॒मका॑मो वैश्वदे॒वा वै स॒जा॒ता वि॒श्वाने॒व

दे॒वान्त्स्व॑ेन भा॒ग॒धे॒येनो॒प॒ धा॒वति॑ त ए॒वास्मै॑ – [ ] 39

### 2.1.6.5

स॒जा॒तान् प्र॑ य॒च्छन्ति॑ ग्रा॒म्ये॒व भ॑वति बहु॒रूपो॑ भ॒वति॑ बहु॒दे॒व॒त्यो॑ (1) ह्ये॒ष  
स॒मृ॒द्ध्यै॑ प्र॒जाप॑त्यं तू॒पर॒मा ल॑भेत यस्याना॒ज्ञात॑मिव  
ज्यो॒गा॒म॒येत् प्रा॒जाप॑त्यो वै पु॒रुषः॑ प्र॒जाप॑तिः खलु॒ वै तस्य॑ वे॒द  
यस्याना॒ज्ञात॑मिव ज्यो॒गा॒म॒यति॑ प्र॒जाप॑तिमे॒व स्वे॑न भा॒ग॒धे॒येनो॒प॒ धा॒वति॑ स  
ए॒वैनं॑ तस्मा॒त् स्रा॒मान्-मु॒ञ्चति॑ तू॒परो॑ भ॒वति॑ प्रा॒जाप॑त्यो ह्ये ( ) -ष  
दे॒व॒तया॑ स॒मृ॒द्ध्यै॑ । 40

(अ॒स्मा - इ॒न्द्र॒मे॒वै - ष - स॒जा॒ता वि॒श्वा॒ने॒व दे॒वान्त्स्व॑ेन भा॒ग॒धे॒येनो॒प॒  
धा॒वति॑ त ए॒वास्मै॑ - प्रा॒जाप॑त्यो हि - त्री॒णि च॑) (A6)

### 2.1.7.1

व॒षट्का॑रो वै गा॒य॒त्रि॒यै शि॒रोऽच्छि॑नत् तस्यै र॒सः प॑रा॒प॒तत् तं बृ॒ह॒स्प॒ति  
रूपा॒ऽगृ॒ह्णा॒त्सा शि॒ति॒पृ॒ष्ठा व॒शाऽभ॑वद्यो द्वि॒तीयः॑ प॒राऽप॑तत् तं  
मि॒त्रा॒व॒रु॒णा-वु॒पा॒गृ॒ह्णी॒तां सा॑ द्वि॒रूपा॑ व॒शाऽभ॑वद्-यस्तृ॒तीयः॑

पराप॒तत् तं॑ वि॒श्वे दे॒वा उपा॑गृह्णन्थ॒ सा बहु॑रूपा व॒शा भव॑द्य-श्चतु॒र्थः  
पराप॒तत् स पृ॑थि॒वीं प्रा॑वि॒शत् तं बृ॑हस्पति॒रभ्य॑ - [ ] 41

### 2.1.7.2

-गृ॒ह्णा-दस्त्वे॒वायं॑ भो॒गाये॒ति स उ॑क्षव॒शः सम॑भवद्-यल्लो॒हितं  
पराप॒तत् तद्-रु॒द्र उपा॑गृह्णन्थ॒ सा रौ॒द्री रो॑हिणी व॒शाऽभव॑द्-  
बा॒र्हस्प॒त्याऽ॒ शि॒तिपृ॑ष्ठामा ल॒भेत॑ ब्रह्मवर्चस॒कामो॑ बृहस्पति॒मेव॑ स्वेन  
भा॒गधे॑येनोप॒ धाव॑ति स ए॒वास्मिन्॑ ब्रह्मवर्चसं॒ दधा॑ति ब्रह्मवर्च॒स्येव॑ भवति  
छन्द॑सां वा ए॒ष रसो॑ यद्व॒शा रस॑ इव खलु- [ ] 42

### 2.1.7.3

वै ब्रह्मवर्चसं॑ छन्द॒सामे॒व रसे॑न रसं॒ ब्रह्मवर्च॑समव॒ रुन्धे॑ मैत्रावरु॒णीं  
द्वि॒रूपा॒मा ल॒भेत॑ वृष्टि॒कामो॑ मैत्रं वा अ॒हर्वा॒रुणी॑ रा॒त्रिर॒होरा॒त्राभ्यां॑ खलु  
वै पर्जन्यो॑ वर्ष॒ति मि॒त्रावरु॑णावेव स्वेन॒ भा॒गधे॑येनोप॒ धाव॑ति तावे॒वास्मा॑  
अ॒होरा॒त्राभ्यां॑ पर्जन्यं॒ वर्ष॑यतः छन्द॒सां वा ए॒ष रसो॑ यद्व॒शा रस॑ इव  
खलु॑ वै वृष्टिः॒ छन्द॑सामे॒व रसे॑न - [ ] 43

**2.1.7.4**

रसं॑ वृष्टि॑मव॒ रुन्धे॑ मै॒त्रावरु॑णीं द्वि॒रूपामा॑ ल॒भेत॑ प्र॒जाका॑मो  
 मै॒त्रं वा॑ अ॒हर्वा॑रुणी रा॒त्रिरहो॑रा॒त्राभ्यां॑ खलु॒ वै प्र॒जाः प्र॒जाय॑न्ते  
 मि॒त्रावरु॑णावे॒व स्वेन॑ भा॒गधे॑येनोप॒ धाव॑ति तावे॒वास्मा॑ अ॒होरा॑त्राभ्यां॑  
 प्र॒जां प्र॒जन॑यतः छ॒न्दसां॑ वा ए॒ष रसो॑ यद्व॒शा रस॑ इ॒व खलु॑ वै  
 प्र॒जा छ॒न्दसामे॒व रसे॑न रसं॑ प्र॒जाम॑व – [ ] 44

**2.1.7.5**

रुन्धे॑ वै॒श्वदे॑वीं बहु॒रूपामा॑ ल॒भेता॑न्नका॒मो वै॒श्वदे॑वं वा अ॒न्नं  
 वि॒श्वाने॑व दे॒वान्थ् स्वेन॑ भा॒गधे॑येनोप॒ धाव॑ति त ए॒वास्मा॑ अ॒न्नं  
 प्र॒यच्छ॑न्त्यन्ना॒द ए॒व भ॑वति छ॒न्दसां॑ वा ए॒ष रसो॑ यद्व॒शा रस॑ इ॒व खलु॑  
 वा अ॒न्नं छ॒न्दसामे॒व रसे॑न रसम॒न्नम॑व रुन्धे॑ वै॒श्वदे॑वीं बहु॒रूपामा॑ ल॒भेत॑  
 ग्रा॒मका॑मो वै॒श्वदे॑वा वै – [ ] 45

**2.1.7.6**

स॒जा॒ता वि॒श्वाने॑व दे॒वान्थ् स्वेन॑ भा॒गधे॑येनोप॒ धाव॑ति त ए॒वास्मै॑ स॒जा॒तान्  
 प्र॒ यच्छ॑न्ति ग्रा॒म्ये॒व भ॑वति छ॒न्दसां॑ वा ए॒ष रसो॑ यद्व॒शा रस॑ इ॒व खलु॑

वै सजा॒ताः छ॒न्द॒सामे॒व र॒सेन॒ रस॑ꣳ सजा॒तान॒व रु॒न्धे बा॒र्ह॒स्पत्य॑-  
मु॒क्षव॒शमा॑ ल॒भेत॑ ब्र॒ह्मव॒र्चस॒कामो॑ बृ॒हस्प॑ति॒मेव॒ स्वेन॑ भा॒गधे॑ये॒नोप॑  
धा॒वति॒ स ए॒वास्मि॑न् ब्र॒ह्मव॒र्चसं॑ - [ ] 46

### 2.1.7.7

दधा॑ति ब्र॒ह्मव॒र्चस्ये॑व भ॒वति॒ वशं॑ वा ए॒ष च॑रति॒ यदु॒क्षाव॑श इ॒व ख॒लु वै  
ब्र॒ह्मव॒र्चसं॑ वा॒शेनै॒व व॑शं ब्र॒ह्मव॒र्चस॒मव॑ रु॒न्धेरौ॒द्रीꣳरो॒हिणी॑मा  
ल॒भेता॒भिच॑रन् रु॒द्रमे॒व स्वेन॑ भा॒गधे॑ये॒नोप॑ धा॒वति॒ तस्मा॑ ए॒वैन॒मा वृ॑श्चति  
ता॒जगा॑र्ति॒माच्छ॑ति रो॒हिणी॑ भ॒वति॒ रौद्री॑ ह्ये॒षा दे॒वत॒या स॒मृद्ध्यै॑ स्फ्यो॒ यूपो॑  
( ) भ॒वति॒ वज्रो॑ वै स्फ्यो॒ वज्र॑मे॒वास्मै॑ प्र॒हर॑ति श॒रम॑यं ब॒र्हिः  
शृ॒णात्ये॒वैनं॑ वैभी॒दक॑ इ॒ध्मो भि॑न॒त्येवैनं॑ । 47

(अ॒भि - ख॒लु - वृ॒ष्टिः छ॒न्द॒सामे॒व र॒सेन॑ - प्र॒जाम॑व - वै॒श्वदे॒वा वै  
- ब्र॒ह्मव॒र्चसं॑ - यू॒प - ए॒कान्न॑विꣳशतिश्च) (A7)



**2.1.8.1**

अ॒सावा॒दि॒त्यो न व्य॑रो॒चत॑ तस्मै॑ दे॒वाः प्रा॑यश्चि॒त्ति॒मैच्छन्॑ तस्मा॑ ए॒ताꣳ  
सौरीꣳ श्वे॒तां व॑शा॒माऽल॑भन्त॒ तयै॑वास्मिन् रुच॑मदधु॒र्यो ब्र॑ह्मवर्च॒सका॑मः  
स्यात् तस्मा॑ ए॒ताꣳ सौरीꣳ श्वे॒तां व॑शा॒मा ल॑बेतामु॒मेवा ऽऽ\*दि॒त्यꣳ स्वे॑न  
भा॒गधे॑ये॒नोप॑ धावति॒ स ए॒वास्मिन्॑ ब्र॒ह्मवर्च॑सं दधाति ब्र॒ह्मवर्च॑स्ये॒व भ॑वति  
बै॒ल्वो यू॒पो भ॑वत्यसौ – [ ] 48

**2.1.8.2**

वा आ॒दि॒त्यो यतो॑ऽजायत॒ ततो॑ बि॒ल्व उ॑दतिष्ठथ् स॒यो न्ये॑व ब्र॒ह्मवर्च॑सम॒व रु॑न्धे  
ब्रा॒ह्मण॑स्प॒त्यां ब॑भ्रुक॒र्णीमा॑ ल॒भेता॑-भि॒चरन्॑ वा॒रुणं॑ द॒शक॑पालं  
पु॒रस्ता॑न्-निर्व॑पेद्-व॒रुणे॑नै॒व भ्रा॑तृव्यं ग्रा॒हयि॑त्वा ब्र॒ह्मणा॑ स्तृणुते॒ बभ्रुक॑र्णी  
भ॒वत्ये॑तद्वै ब्र॒ह्मणो॑ रू॒पꣳ स॒मृद्ध्यै॑ स्फ्यो॒ यूपो॑ भ॒वति॑ वज्रो॒ वै स्फ्यो॑  
वज्र॑मे॒वास्मै॑ प्र॒ हर॑ति श॒रम॑यं ब॒र्हिः शृ॒णा – [ ] 49

**2.1.8.3**

-त्ये॒वैनं॑ वैभी॒दक॑ इ॒ध्मो भि॑नत्ये॒वैनं॑ वैष्ण॒वं वा॑मन॒मा ल॑भेत  
यं य॒ज्ञो नो॑प॒नमे॑द्-विष्णु॒र्वै य॒ज्ञो वि॑ष्णुमे॒व स्वे॑न भा॒गधे॑ये॒नोप॑ धावति॒

स॒ ए॒वा॒स्मै॑ य॒ज्ञं प्र॑ य॒च्छत्यु॑पैनं॒ य॒ज्ञो न॑मति॒ वाम॑नो॒ भव॑ति॒ वैष्ण॑वो ह्येष  
दे॒वत॑या॒ समृ॑द्ध्यै॒ त्वाष्ट्रं॑ व॒ड॒ब॒मा ल॑भेत॒ पशु॑काम॒स्त्वष्टा॑ वै प॒शूनां॑  
मि॒थु॒ना॒नां॑ – [ ] 50

#### 2.1.8.4

प्र॒ज॒न॒यि॒ता त्व॑ष्टारमे॒व स्वे॑न॒ भा॒ग॒धे॒ये॒नो॒प धा॑वति॒ स ए॒वा॒स्मै॑  
प॒शून् मि॒थु॒नान् प्र॑ ज॒नय॑ति॒ प्र॒जा हि॒ वा ए॒तस्मि॑न् प॒शवः॑ प्र॒विष्टा॑ अथैष  
पु॒मा॒न्त्सन् व॒ड॒बः सा॒क्षादे॑व॒ प्र॒जां प॒शून् व॑ रु॒न्धे मै॒त्रञ् श्वे॑त॒मा ल॑भेत  
सं॒ग्रा॒मे सँ॑य॒त्ते स॒म॒य॒का॒मो मि॒त्रमे॑व॒ स्वे॑न॒ भा॒ग॒धे॒ये॒नो॒प धा॑वति॒ स ए॒वैनं॑  
मि॒त्रे॒ण सं॑ न॒यति॑ – [ ] 51

#### 2.1.8.5

वि॒शा॒लो भ॑वति॒ व्य॒व॒सा॒य॒य॒त्ये॒वैनं॑ प्रा॒जाप॑त्यं कृ॒ष्ण॒मा ल॑भेत॒ वृष्टि॑कामः  
प्र॒जाप॑तिर्वै॒ वृष्ट्या॑ ई॒शो प्र॒जाप॑तिमे॒व स्वे॑न॒ भा॒ग॒धे॒ये॒नो॒प धा॑वति॒ स  
ए॒वा॒स्मै प॑र्जन्यं॒ वर्ष॑यति॒ कृ॒ष्णो भ॑वत्येत॒द्वै वृष्ट्या॑ रू॒पञ् रू॒पेणै॑व  
वृष्टि॑म॒व रु॒न्धे श॒ब॒लो भ॑वति॒ वि॒द्यु॒तमे॑वा॒स्मै ज॒नयि॑त्वा वर्ष॒यत्य॑वा॒शृङ्गो॑

भवति वृष्टिमेवास्मै नि यच्छति ( ) । 52

(असौ – शृणाति – मिथुनानां – नयति – यच्छति) (A8)

### 2.1.9.1

वरुणं सुषुवाणमन्नाद्यं नोपानमथ् स एतां वारुणीं कृष्णां  
 वशामपश्यत् तां स्वायै देवताया आलभत ततो वै  
 तमन्नाद्-यमुपानमद्-यमलमन्नाद्याय सन्तमन्नाद्यं नोपनमेथ् स एतां  
 वारुणीं कृष्णां वशामा लभेत वरुणमेव स्वेन भागधेयेनोप धावति  
 स एवास्मा अन्नं प्र यच्छत्यन्नाद – [ ] 53

### 2.1.9.2

एव भवति कृष्णा भवति वारुणी ह्येषा देवतया समृद्ध्यै  
 मैत्रं श्वेतमा लभेत वारुणं कृष्णमपां चौषधीनां च संधावन्नकामो  
 मैत्रीर्वा ओषधयो वारुणीरापोऽपां च खलु वा ओषधीनां च रसमुप  
 जीवामो मित्रावरुणावेव स्वेन भागधेयेनोप धावति तावेवास्मा अन्नं  
 प्रयच्छतोऽन्नाद एव भव – [ ] 54

**2.1.9.3**

–त्यपां चौषधीनां च संधावा लभत उभयस्या–वरुद्ध्यैविशाखो यूपो  
 भवति द्वे ह्येते देवते समृद्ध्यै मैत्र७ श्वेतमा लभेत वारुणं कृष्णं  
 ज्योगामयावीयन् मैत्रो भवति मित्रेणैवास्मै वरुण७ शमयति  
 यद्–वारुणः साक्षादेवैनं वरुणपाशान् मुञ्चत्युत यदीतासुर्भवति  
 जीवत्येव देवा वै पुष्टिं नाविन्दन् – [ ] 55

**2.1.9.4**

तां मिथुने ऽपश्यन् तस्यां न समराधयन्ता–वश्विना–वब्रूता–मावयोर्वा  
 एषा मैतस्यां वदध्वमिति साऽश्विनोरेवाऽभवद्यः पुष्टिकामः स्यात् स  
 एतामाश्विनीं यमीं वशामा लभेताऽश्विनावेव स्वेन भागधेयेनोप  
 धावति तावेवास्मिन् पुष्टिं धत्तः पुष्यति प्रजया पशुभिः । 56

(अन्नादौ – ऽन्नाद एव भवत्य – विन्दन् – पञ्चचत्वारिंशच्च)  
 (A9)

**2.1.10.1**

आ॒श्विनं॑ धू॒म्रल॑लाम॒मा ल॑भेत॒ यो दु॒र्ब्रा॑ह्मणः॒ सोमं॑ पि॒पासे॑द॒श्विनौ॑ वै  
 दे॒वाना॑-म॒सोम॑पा॒वास्तां॑ तौ प॒श्चा सो॑मपी॒थं प्रा॑प्नु॒ता-म॒श्विना॑वे॒तस्य॑  
 दे॒वता॑ यो दु॒र्ब्रा॑ह्मणः॒ सोमं॑ पि॒पास॑त्य॒श्विना॑वे॒व स्वे॑न भा॒गधे॑ये॒नोप॑  
 धा॒वति॑ता॒वेवा॑स्मै सो॒मपी॒थं प्र॑ य॒च्छत॑ उपै॒नꣳ सो॑मपी॒थो न॑मति  
 यद्-धू॒म्रो भ॑वति धू॒म्रिमा॑ण-मे॒वास्मा॑दप॒ हन्ति॑ ल॒लामो॑ - [ ] 57

**2.1.10.2**

भ॒वति॑ मु॒खत॑ ए॒वास्मि॑न् ते॒जो द॑धाति वा॒यव्यं॑ गो॒मृग॑मा ल॑भेत  
 यम॑ज॒घ्निवाꣳ स॑म॒भि॒शꣳ सै॑यु॒रपू॑ता वा ए॒तं वा॑गृ॒च्छति॑ यम॑ज॒घ्निवाꣳ  
 स॑म॒भि॒शꣳ स॑न्ति नैष॒ ग्राम्यः॑ प॒शुर्नार॑ण्यो यद्-गो॒मृगो॑ ने॒वैष॑ ग्रा॒मे  
 ना॑रण्ये यम॑ज॒घ्निवाꣳ स॑म॒भि॒शꣳ स॑न्ति वा॒युर्वै दे॒वानां॑ प॒वित्रं॑ वा॒युमे॒व  
 स्वे॑न भा॒गधे॑ये॒नोप॑ धा॒वति॑ स ए॒वै - [ ] 58

**2.1.10.3**

-नं॑ प॒वय॑ति प॒राची॑ वा ए॒तस्मै॑ व्यु॒च्छन्ती॑ व्यु॒च्छति॑ तमः॑ पा॒प्मानं॑  
 प्र॒वि॒शति॑ यस्या॒श्विने॑ श॒स्यमा॑ने सूर्यो॑ ना\*ऽऽवि॒र्भव॑ति सौ॒र्यं बहु॑रूप॒मा

ल॒भेता॒मु॒मे॒वादि॒त्य॒७ स्वे॒न भा॒ग॒धे॒ये॒नो॒प धा॒वति॒ स ए॒वास्मा॒त् तमः॑

पा॒प्मान॒मप॒ हन्ति॑ प्र॒तीच्य॑स्मै व्यु॒च्छन्ती॑ व्यु॒च्छत्य॑प॒ तमः॑

पा॒प्मान॒॑ हते॑ । 59 (ल॒लामः॑ – स॒ ए॒व – षट्च॑त्वारि॒७श॑च्च) (A10)

### 2.1.11.1

इ॒न्द्रं॑ वो॒ विश्व॑त॒स्परी॑ >[1], न्द्रं॑ नरो॒ >[2],

मरु॑तो॒ यद्ध॑ वो॒ दि॒वो॒ >[3], या॒ वः॒ शर्म॑ >[4] ।

भ॒रे॒ष्विन्द्र॒॑ सु॒हव॒॑ ह॒वाम॑हे ऽ॒हो॒मु॒च॑ सु॒कृतं॑ दै॒व्यं॑ ज॒नं॑ ।

अ॒ग्निं मि॒त्रं वो॒रु॒ण॑ सा॒तये॑ भ॒गं द्या॑वापृ॒थिवी॑ मरु॑तः स्व॒स्तये॑ ।

म॒मत्तु॑ नः॒ परि॑ज्मा व॒सर्॒हा म॒मत्तु॑ वा॒तो अ॒पां वो॑ष॒ण्वान् ।

शि॒शी॒तमि॑न्द्रा॒पर्व॑ता यु॒वं न॒स्तन्नो॑ वि॒श्वे व॑रि॒वस्य॑न्तु दे॒वाः ।

प्रि॒या वो॒ नाम॑ – [ ] 60

### 2.1.11.2

हु॒वे तु॒राणां॑ । आ॒ यत् तृ॒पन्म॑रुतो॒ वाव॑शानाः ।

श्रि॒यसे॒ कं भा॒नुभिः॑ सं मि॒मिक्षि॑रे ते र॒श्मि॒भिस्त॑ ऋ॒क्भिः॑ सु॒खाद॑यः ।

ते वा॒शी॒मन्त॑ इ॒ष्मि॒णो॑ अ॒भी॒रवो॑ वि॒द्रे प्रि॒यस्य॑ मा॒रुत॑स्य धा॒मनः॑ ।  
 अ॒ग्निः प्र॑थ॒मो व॑सु॒भिर्नो॑ अ॒व्याथ् सो॒मो रु॒द्रेभि॑र॒भि र॑क्षतु त्मना॑ ॥  
 इन्द्रो॑ म॒रुद्भिर् ऋ॒तुधा॑ कृ॒णो॒त्वादित्यै॑र्नो॒ वरु॑णः सꣳ शि॒शातु॑ ।  
 सं नो॑ दे॒वो व॑सु॒भिर्ग॒निः सꣳ - [ ] 61

### 2.1.11.3

सोम॑स्त॒नूभी॑ रु॒द्रिया॑भिः । स॒मिन्द्रो॑ म॒रुद्भि र्य॒ज्ञियैः॑ स॒मादि॒त्यैर्नो॑ वरु॒णो  
 अ॒जि॒ज्ञिप॑त् । यथाऽऽदि॒त्या व॑सु॒भिः सं॒बभू॑वुर्म॒रुद्भी रु॒द्राः  
 स॒मजा॑नताभि । ए॒वा त्रि॑णाम॒न्न-ह॑णीय॒माना॑ वि॒श्वे दे॒वाः स॒मन॑सो  
 भव॑न्तु । कु॒त्रा चि॒द्यस्य॑ स॒मृतौ॑ र॒ण्वा न॑रो नृष॒दने॑ ।  
 अ॒र्हन्त॑श्चिद्-य॒मिन्ध॑ते सं॒जन॑यन्ति ज॒न्तवः॑ । सं य॑दिषो वना॒महे सꣳ  
 ह॒व्या मा॑नुषाणां । उ॒त द्यु॒म्नस्य॑ श॒वस - [ ] 62

### 2.1.11.4

ऋ॒तस्य॑ र॒श्मिमा॑ ददे । य॒ज्ञो दे॒वाना॑म् प्र॒त्येति॑ सु॒म्नमा॑दि॒त्यासो॑ भव॒ता  
 मृ॒डय॑न्तः । आ वो॒र्वाची॑ सु॒मति॑र्वृ॒त्यादꣳ हो॒श्चिद्या॑ व॒रिवो॑वि॒त्तरा॑ऽसत् ।

शुचिरपः सूयवसा अदब्ध उप क्षेति वृद्धवयाः सुवीरः । नकिष्टं घनन्त्यन्तितो  
न दूराद्य आदित्यानां भवति प्रणीतौ । धारयन्त आदित्यासो जगत्स्था देवा  
विश्वस्य भुवनस्य गोपाः । दीर्घाधियो रक्षमाणा - [ ] 63

**2.1.11.5**

असुर्यमृतावान-श्चयमाना ऋणानि । तिस्रो भूमीर्धारयन् त्रीं रुत द्यून् त्रीणि  
व्रता विदथे अन्तरेषां । ऋतेनाऽऽदित्या महि वो महित्वं तदर्यमन् वरुण  
मित्र चारु । त्यान्तु क्षत्रियां अव आदित्यान् याचिषामहे । सुमृडीकां  
अभिष्टये । न दक्षिणा विचिकिते न सव्या न प्राचीनमादित्या नोत पश्चा ।  
पाक्या चिद्वसवो धीर्या चिद् - [ ] 64

**2.1.11.6**

-युष्मानीतो अभयं ज्योतिरश्यां । आदित्यानामवसा नूतनेन सक्षीमहि  
शर्मणा शन्तमेन । अनागास्त्वे अदितित्वे तुरास इमं यज्ञं दधतु  
श्रोषमाणाः । इमं मे वरुण श्रुधी हवमद्या च मृडय ।  
त्वामवस्युरा चके । तत्त्वा यामि ब्रह्मणा वन्दमान-स्तदा शास्ते यजमानो  
हविर्भिः । अहेडमानो वरुणेह बोध्युरुशंस मा न आयुः प्रमोषीः । 65



(ना॒मा - अ॒ग्निः स॒ - श॒वसो॑ - र॒क्षमा॑णा - धी॒र्या॑ चिदे - का॒न्न  
पञ्चा॑शच्च) (A11)

**Prasna Korvai with starting Padams of 1 to 11 Anuvaakams :-**

(वा॒यव्यं॑ - प्रा॒जप॑तिस्ताव॒रुणं॑ - दे॒वासु॑राए॒ष्व -  
सा॒वादि॑त्योद॒शर्ष॑भा - मि॒न्द्रो॒वल॑स्य - बा॒र्हस्प॑त्यं - व॒षट्का॑रो -  
ऽसौ॒सौरि॑ - व॒रुण॑ - मा॒श्विन॑ - मि॒न्द्रं वो॑ न॒र - ए॒काद॑श)

**Korvai with starting Padams of 1, 11, 21 Series of Panchaatis :-**

(वा॒यव्यं॑ - मा॒ग्नेयी॑ कृ॒ष्णाग्री॑वी - म॒सावादि॑त्यो - वा अ॒होरा॑त्राणि -  
व॒षट्का॑रः - प्र॒जन॑यिता - हु॒वे तु॒राणां॑ - पञ्च॑षष्टिः )

**First and Last Padam of First Prasnam of Kandam 2:-**

(वा॒यव्यं॑ - प्र॒मोषीः॑)

॥ हरिः ओं ॥

॥ कृष्ण यजुर्वेदीय तैत्तिरीय संहितायां द्वितीयकाण्डे प्रथमः प्रश्नः समाप्तः ॥

## 2.1.1 Appendix

2.1.11.1 – इन्द्रं॑ वो॒ विश्व॑तस्परि॒ >[1]

इन्द्रं॑ वो॒ विश्व॑तस्परि॒ हवामहे॑ जने॒भ्यः॑ ।

अ॒स्माक॑मस्तु॒ के॒वलः॑ ॥ (Appearing in TS 1.6.12.1)

---

2.1.11.1 – न्द्रं॑ नरो॒ >[2]

इन्द्रं॑ नरो॒ नेम॑धिता हवन्ते॒ यत्पार्या॑ युन॒जते॑ धियस्ताः ।

शूरो॑ नृषा॒ता शव॑सश्चकान॒ आ गो॑मति॒ व्रजे॑ भ॒जा त्वन्नः॑ ॥

(Appearing in TS 1.6.12.1)

---

2.1.11.1 - मरु॑तो॒ यद्ध॑ वो॒ दिवो॑ >[3]

मरु॑तो॒ यद्ध॑ वो॒ दिवः॑ सु॒म्ना यन्तो॑ हवामहे ।

आ तू॒ न उप॑ गन्त॒न ॥ (Appearing in TS 1.5.11.4)

---

2.1.11.1 – या वः शर्म><sup>4</sup>

या वः शर्म शशमानाय सन्ति त्रिधातूनि दाशुषे यच्छताधि ।  
अस्मभ्यं तानि मरुतो वि यन्त रयिं नो धत्त वृषणः सुवीरं ॥

(Appearing in TS 1.5.11.5 )

---

ओं नमः परमात्मने, श्री महागणपतये नमः, श्री गुरुभ्यो नमः

हरिः ओं

## 2.2द्वितीयकाण्डे द्वितीयः प्रश्नः – इष्टिविधानं

### 2.2.1.1

प्रजापतिः प्रजा असृजत ताः सृष्टा इन्द्राग्नी अपागूहताꣳ सोऽचायत्  
प्रजापतिरिन्द्राग्नी वै मे प्रजा अपाघुक्षतामिति स एतमैन्द्राग्न-  
मेकादशकपाल-मपश्यत् तं निरवपत् तावस्मै प्रजाः प्रासाधयता-  
मिन्द्राग्नी वा एतस्य प्रजामप गूहतो योऽलं प्रजायै सन् प्रजां न विन्दते  
ऐन्द्राग्न-मेकादशकपालं निर्वपेत्-प्रजाकाम इन्द्राग्नी-[] 1

### 2.2.1.2

एव स्वेन भागधेयेनोप धावति तावेवास्मै प्रजां प्र साधयतो विन्दते  
प्रजा-मैन्द्राग्न-मेकादशकपालं निर्वपेत् स्पर्धमानः क्षेत्रे वा सजातेषु  
वेन्द्राग्नी एव स्वेन भागधेयेनोप धावति ताभ्यामेवेन्द्रियं वीर्यं भ्रातृव्यस्य  
वृद्धे वि पाप्मना भ्रातृव्येण जयतेऽप वा एतस्मादिन्द्रियं वीर्यं क्रामति यः

संग्राम-मुपप्रयात्यैन्द्राग्न-मैकादशकपालं नि - [ ] 2

### 2.2.1.3

-र्वपेथ् संग्राम-मुपप्रयास्यन्निन्द्राग्नी एव स्वेन भागधेयेनोप धावति  
तावेवास्मिन्निन्द्रियं वीर्यं धत्तः सहेन्द्रियेण वीर्येणोप प्र याति  
जयति त् संग्रामं वि वा एष इन्द्रियेण वीर्येणध्यते यः संग्रामं  
जयत्यैन्द्राग्न-मैकादशकपालं निर्वपेथ् संग्रामं जित्वेन्द्राग्नी एव स्वेन  
भागधेयेनोप धावति तावेवास्मिन्निन्द्रियं वीर्यं - [ ] 3

### 2.2.1.4

धत्तो नेन्द्रियेण वीर्येण व्यध्यतेऽप वा एतस्मादिन्द्रियं वीर्यं क्रामति  
य एति जनतामैन्द्राग्न-मैकादशकपालं निर्वपे-ज्जनतामेष्यन्निन्द्राग्नी  
एव स्वेन भागधेयेनोप धावति तावेवास्मिन्निन्द्रियं वीर्यं धत्तः सहेन्द्रियेण  
वीर्येण जनतामेति पौष्णं चरुमनु निर्वपेत् पूषा वा इन्द्रियस्य  
वीर्यस्यानुप्रदाता पूषणमेव - [ ] 4

**2.2.1.5**

स्वेन॑ भा॒ग॒धे॒ये॒नो॒प॒ धा॒वति॑ स ए॒वा॒स्मा॑ इन्द्रि॒यं वी॒र्य॑मनु॒ प्रय॑च्छति  
क्षेत्र॑पत्यं चरुं॒ निर्व॑पे-ज्जन॑तामा॒गत्ये॒यं वै क्षेत्र॑स्य पति॒रस्या॑मेव प्रति॑  
तिष्ठ॑त्यैन्द्रा॒ग्न-मे॒काद॑शकपाल-मु॒परि॑ष्ठा-निर्व॑पेदस्यामे॒व प्रति॑ष्ठायैन्द्रि॒यं  
वी॒र्यमु॒परि॑ष्ठा-दा॒त्मन् ध॑त्ते । 5

(प्र॒जाका॑म इन्द्रा॒ग्नी - उप॑प्रयात्यैन्द्रा॒ग्नमे॒काद॑शकपालं नि- वी॒र्यं -  
पू॒षण॑मे॒ वै - का॒न्नच॑त्वारि॒ंशच्च॑ ) (A1)

**2.2.2.1**

अ॒ग्नये॑ पथि॒कृते॑ पु॒रोडा॑श-म॒ष्टाक॑पालं निर्व॑पेद्यो द॒र्.श॑पूर्णमा॒सया॑जी  
सन्न॑मावास्यां वा पौ॒र्णमा॑सीं वा॒ऽति॑पादयेत् पथो॒ वा ए॒षो॒ध्यप॑थेनैति यो  
द॒र्.श॑पूर्णमा॒सया॑जी सन्न॑मावास्यां वा पौ॒र्णमा॑सीं वा॒ति॑पादयत्यग्निमे॒व  
पथि॑कृतं स्वेन॑ भा॒ग॒धे॒ये॒नो॒प॒ धा॒वति॑ स ए॒वैन॑मपथात् पन्था॒मपि॑  
नय॑त्यन॒ड्वान् दक्षि॑णा वही॒ ह्येष॑ समृद्ध्य॒ अ॒ग्नये॑ व्रत॒पत॑ये - [ ] 6

**2.2.2.2**

पु॒रो॒डा॒श॒म॒ष्टा॒क॒पा॒लं॑ नि॒र्व॒पे॒द्य॑ आ॒हि॒ता॒ग्निः॑ स॒न्न॒व्र॒त्य॒मि॒व॑ च॒रे॒द॒ग्नि॒मे॒व॑  
व्र॒त॒प॒ति॑ꣳ स्वे॒न॑ भा॒ग॒धे॒ये॒नो॒प॑ धा॒व॒ति॑ स ए॒वैनं॑ व्र॒त॒मा॒ लं॑भ॒य॒ति॑ व्र॒त्यो॑  
भ॒व॒त्य॒ग्नये॑ रक्षो॒घ्ने॑ पु॒रो॒डा॒श॒म॒ष्टा॒क॒पा॒लं॑ नि॒र्व॒पे॒द्यꣳ रक्षाꣳसि॑  
स॒चे॒र॒न्न॒ग्नि॒मे॒व॑ रक्षो॒ह॒णꣳ स्वे॒न॑ भा॒ग॒धे॒ये॒नो॒प॑ धा॒व॒ति॑ स  
ए॒वा॒स्मा॒द्-रक्षाꣳस्य॑प॒ ह॒न्ति॑ नि॒शि॒ता॒यां॑ नि॒र्व॒पे - [ ] 7

**2.2.2.3**

-नि॒शि॒ता॒याꣳ हि॑ रक्षाꣳसि॑ प्रे॒र॒ते॑ संप्रे॒र्णान्ये॒वैनानि॑ ह॒न्ति॑  
प॒रि॒श्रि॒ते॑ या॒ज॒ये॒द्-रक्ष॑सा-म॒न॒न्व॒व॒चा॒रा॒य॑ रक्षो॒घ्नी॑ या॒ज्या॒नु॒वा॒क्ये॑ भ॒व॒तो॑  
रक्ष॑साꣳ स्तृ॒त्या॑ अ॒ग्नये॑ रु॒द्र॒व॒ते॑ पु॒रो॒डा॒श॒म॒ष्टा॒क॒पा॒लं॑  
नि॒र्व॒पे॒द॒भि॒च॒र॒न्ने॒षा॑ वा अ॒स्य॑ घो॒रा॒ त॒नू॒र्य॒द्-रु॒द्र॒स्त॒स्मा॑ ए॒वैन॑मा  
वृ॒श्च॒ति॑ ता॒ज॒गा॒र्ति॑-मा॒र्च्छ॑त्य॒ग्नये॑ सु॒र॒भि॒म॒ते॑ पु॒रो॒डा॒श॒म॒ष्टा॒क॒पा॒लं॑  
नि॒र्व॒पे॒द्य॒स्य॑ गा॒वो॑ वा पु॒रु॒षा - [ ] 8

**2.2.2.4**

वा प्र॒मीये॒रन् यो वा बि॒भीया॑दे॒षा वा अ॒स्य भे॒षज्या॑ त॒नूर्य॑थ्  
सुर॑भि॒मती॒तयै॒वास्मै॑ भे॒षजं॑ करोति सुर॑भि॒मते॑ भवति पू॒तीग॒न्धस्या॑-  
प॒हत्या॑ अ॒ग्नये॑ क्षा॒मव॑ते पु॒रोडा॑शम॒ष्टाक॑पालं निर्व॑पेथ् संग्रामे सँय॑त्ते  
भा॒गधे॑ये॒नैवैन॑श् श॒मयि॑त्वा प॒रान॑भि निर्दि॑शति यम॑वरे॒षां वि॑ध्यन्ति  
जी॒वति॑ स यं प॑रे॒षां प्र स॑ मी॒यते॑ ज॒यति॑ तश्च॑ संग्राम - [ ] 9

**2.2.2.5**

-म॒भि वा ए॒ष ए॒तानु॑च्यति येषां॑ पूर्वा॒परा॑ अ॒न्वञ्चः॑ प्र॒मीय॑न्ते  
पु॒रुषा॑हु॒तिर्ह्यस्य॑ प्रि॒यत॑मा॒ग्नये॑ क्षा॒मव॑ते पु॒रोडा॑शम॒ष्टाक॑पालं  
निर्व॑पेद्-भा॒गधे॑ये॒नैवैन॑श् श॒मय॑ति नैषां॑ पु॒राऽऽ\*यु॒षोप॑रः प्र॒मीय॑तेऽभि  
वा ए॒ष ए॒तस्य॑ गृ॒हानु॑च्यति यस्य॑ गृ॒हान् द॑हत्य॒ग्नये॑ क्षा॒मव॑ते  
पु॒रोडा॑शम॒ष्टाक॑पालं निर्व॑पेद्-भा॒गधे॑ये॒नैवैन॑श् श॒मय॑ति ना ( )-स्या॑प॒रं  
गृ॒हान् द॑हति । 10 (व्र॒तप॑तये - नि॒शि॒तायां॑ निर्व॑पेत् - पु॒रुषाः॑ - संग्रामं  
- न - च॒त्वारि॑ च) (A2)



**2.2.3.1**

अ॒ग्नये॑ का॒माय॑ पु॒रोडा॑शम॒ष्टाक॑पालं॒ निर्व॑पेद्यं॒ कामो॑ नो॒पन॑मे॒दग्नि॑मेव  
 का॒मः॒ स्व॑ेन॒ भा॒गधे॑येनो॒प धा॑वति॒ स ए॒वैनं॑ का॒मेन॑ स॒मर्ध॑यत्यु॒पैनं॑  
 का॒मो न॑मत्य॒ग्नये॑ य वि॒ष्टाय॑ पु॒रोडा॑शम॒ष्टाक॑पालं॒ निर्व॑पेथ् स्पर्ध॑मानः  
 क्षे॒त्रे वा॑ स॒जाते॑षु॒ वाऽग्नि॑मेव॒ यवि॑ष्ठः॒ स्व॑ेन॒ भा॒गधे॑येनो॒प धा॑वति  
 तेनै॒वेन्द्रि॑यं॒ वी॒र्यं॑ भ्रातृ॒व्यस्य॑ – [ ] 11

**2.2.3.2**

यु॒वते॑ वि॒पाप्म॑ना॒ भ्रातृ॑व्येण॒ जय॑ते॒ऽग्नये॑ यवि॒ष्टाय॑ पु॒रोडा॑शम॒ष्टाक॑पालं॒  
 निर्व॑पेद॒भिच॑र्यमाणो॒ऽग्नि॑मेव॒ यवि॑ष्ठः॒ स्व॑ेन॒ भा॒गधे॑येनो॒प धा॑वति॒ स  
 ए॒वास्मा॑द्-र॒क्षाऽ॒सि य॑वयति॒ नैन॑-म॒भिच॑रन्थ् स्तृ॒णुते॑ऽग्नय॒ आयु॑ष्मते  
 पु॒रोडा॑शम॒ष्टाक॑पालं॒ निर्व॑पेद्यः॒ का॒मये॑त॒ सर्व॑मायु॒रिया॑-मि॒त्यग्नि॑-  
 मे॒वाऽऽ\*यु॑ष्मन्तः॒ स्व॑ेन॒ भा॒गधे॑येनो॒प धा॑वति॒ स ए॒वास्मि॑ – [ ] 12

**2.2.3.3**

–नायु॑र्दधा॑ति सर्व॑मायु॑रेत्य॑ग्नये॑ जा॒तवे॑दसे॑ पु॒रोडा॑श–म॒ष्टाक॑पालं  
 निर्व॑पेद्–भू॒तिकामो॑ऽग्निमे॒व जा॒तवे॑दसः॒ स्वेन॑ भा॒गधे॑येनोप॑ धावति॒ स  
 ए॒वैनं॑ भू॒तिं ग॑मयति॒ भव॑त्ये॒वाग्नये॑ रु॒क्मते॑ पु॒रोडा॑श–म॒ष्टाक॑पालं  
 निर्व॑पेद्–रु॒क्मामो॑ऽग्निमे॒व रु॒क्मन्तः॑ स्वेन॑ भा॒गधे॑येनोप॑ धावति॒ स  
 ए॒वास्मिन्॑ रुचं॑ दधा॑तिरो॒चत॑ ए॒वाग्नये॑ ते॒जस्व॑ते पु॒रोडा॑श – [ ] 13

**2.2.3.4**

–म॒ष्टाक॑पालं॒ निर्व॑पेत् ते॒जस्कामो॑ऽग्निमे॒व ते॒जस्व॑न्तः॒ स्वेन॑ भा॒गधे॑येनोप॑ धावति॒ स ए॒वास्मिन्॑ ते॒जो द॑धाति ते॒जस्व्ये॑व  
 भव॑त्य॒ग्नये॑ सा॒हन्त्या॑य पु॒रोडा॑शम॒ष्टाक॑पालं॒ निर्व॑पेथ् सी॒क्षमाणो॑ऽग्निमे॒व  
 सा॒हन्त्यः॑ स्वेन॑ भा॒गधे॑येनोप॑ धावति ते॒नैव॑ स॒हते॑ यः सी॒क्षते॑ । 14

(भ्रातृ॑व्यस्या –स्मिन् – ते॒जस्व॑ते पु॒रोडा॑श – म॒ष्टात्रिं॑शच्च) (A3)

**2.2.4.1**

अ॒ग्नये॑ऽन्नव॑ते पु॒रोडा॑शम॒ष्टाक॑पालं॒ निर्व॑पेद्यः  
 का॒मये॑तान्न॒वान्थ्–स्या॑मित्य॒ग्नि–मे॒वा–न्न॑वन्तः॒ स्वेन॑ भा॒गधे॑येनोप॑

धा॒वति॑ स॒ ए॒वैन॑म॒न्नव॑न्तं॒ करो॑त्य॒न्नवा॑ने॒व भ॑वत्य॒ग्नये॑ऽन्ना॒दाय॑  
 पु॒रो॒डा॒शम॑ष्टाक॒पालं॑ नि॒र्वपे॑द्यः॒ काम॑ये॒तान्ना॑दः॒ स्या॑मित्य॒ग्नि-मे॒वान्ना॑दः॒  
 स्वे॒न भा॒गधे॑ये॒नोप॑ धा॒वति॑ स॒ ए॒वैन॑म॒न्नादं॑ करो॒त्यन्ना॑द - [ ] 15

#### 2.2.4.2

ए॒व भ॑वत्य॒ग्नये॑ऽन्न॒पत॑ये॒ पु॒रो॒डा॒शम॑ष्टाक॒पालं॑ नि॒र्वपे॑द्यः॒ काम॑ये॒तान्न॑पतिः  
 स्या॑मित्य॒ग्नि-मे॒वान्न॑पतिः॒ स्वे॒न भा॒गधे॑ये॒नोप॑ धा॒वति॑ स॒ ए॒वैन॑म॒न्नप॑तिं  
 करो॑त्य॒न्नप॑तिरे॒व भ॑वत्य॒ग्नये॑ प॒वमा॑नाय॒ पु॒रो॒डा॒शम॑ष्टाक॒पालं॑ नि॒र्वपे॑द्य॒ग्नये॑  
 पा॒वका॑या॒ग्नये॑ शु॒चये॑ ज्यो॒गाम॑या॒वी य॑द॒ग्नये॑ प॒वमा॑नाय॒ निर्व॑पति  
 प्रा॒णमे॒वास्मि॑न् ते॒न द॑धाति॒ यद॒ग्नये॑ - [ ] 16

#### 2.2.4.3

पा॒वका॑य॒ वाच॑मे॒वास्मि॑न् ते॒न द॑धाति॒ यद॒ग्नये॑ शु॒चये॑ आ॒युरे॒वास्मि॑न् ते॒न  
 द॑धात्यु॒त य॑दी॒तासु॑र्भवति॒ जी॒वत्ये॒वैता॑मे॒व नि॒र्वपे॑च्चक्षु॒ष्कामो॑ य॒दग्नये॑  
 प॒वमा॑नाय॒ निर्व॑पति प्रा॒णमे॒वास्मि॑न् ते॒न द॑धाति॒ यद॒ग्नये॑ पा॒वका॑य

वा॒चमे॒वास्मिन् तेन॑ द॒धाति॑ यद॒ग्नये॑ शु॒चये॑ चक्षु॒रेवास्मिन्॑  
तेन॑ द॒धा - [ ] 17

#### 2.2.4.4

-त्यु॒त यद्य॑न्धो भव॑ति प्रै॒व पश्य॑त्य॒ग्नये॑ पु॒त्रव॑ते पु॒रोडा॑शम॒ष्टाक॑पालं  
निर्व॑पेदिन्द्राय पु॒त्रिणे॑ पु॒रोडा॑शमेकादशकपालं प्र॒जाका॑मोऽग्नि॒रेवास्मै॑  
प्र॒जांप्र॑जनयति वृ॒द्धामिन्द्रः॑ प्र यच्छ॑त्य॒ग्नये॑ रस॒वते॑ऽजक्षी॒रे चरुं॑ निर्व॑पेद्यः  
का॒मये॑त रस॒वान्थ्-स्या॑मित्य॒ग्निमे॒व रस॑वन्त॒ऽस्वेन॑ भा॒गधे॑येनोप  
धा॒वति॑ स ए॒वैन॑ऽ रस॒वन्तं॑ करोति - [ ] 18

#### 2.2.4.5

रस॒वाने॒व भव॑त्यजक्षी॒रे भव॑त्या॒ग्नेयी॑ वा ए॒षा यद॑जा साक्षादे॒व  
रस॑मव रु॒न्धेऽग्नये॑ वसु॒मते॑ पु॒रोडा॑शम॒ष्टाक॑पालं निर्व॑पेद्यः का॒मये॑त  
वसु॒मान्थ्-स्या॑मित्य॒ग्नि-मे॒व वसु॑मन्त॒ऽस्वेन॑ भा॒गधे॑येनोप धा॒वति॑ स  
ए॒वैनं॑ वसु॒मन्तं॑ करोति वसु॒माने॒व भव॑त्य॒ग्नये॑ वाज॒सृते॑  
पु॒रोडा॑शम॒ष्टाक॑पालं निर्व॑पेथ् संग्रा॒मे सं य॑त्ते वाजं - [ ] 19

**2.2.4.6**

ॐ॑ वा॒ ए॒ष॒ सि॒सी॒र्ष॒ति॒ यः॑ सं॒ग्रा॒मं॑ जि॒गी॒ष॒त्य॒ग्निः॑ ख॒लु॒ वै दे॒वानां॑  
 वा॒ज॒सृ॒द॒ग्नि॒मे॒व वा॒ज॒सृ॒तः॑ स्वे॒न भा॒ग॒धे॒ये॒नो॒प धा॒वति॑ धा॒वति॑  
 वा॒जः॑ ह॒न्ति वृ॒त्रं ज॒यति॑ तः॑ सं॒ग्रा॒म॒म॒थो अ॒ग्नि॒रिव॑ न प्र॒ति॒धृ॒षे  
 भ॒व॒त्य॒ग्नये॑ऽग्नि॒व॒ते पु॒रो॒डा॒श॒म॒ष्टा॒क॒पा॒लं नि॒र्व॒पे॒द्-य॒स्या॒ग्ना- व॒ग्नि-  
 म॒भ्यु॒द्ध॒रे॒यु-नि॒र्दि॒ष्ट॒भा॒गो वा ए॒तयो॑र॒न्योऽनि॒र्दि॒ष्ट॒भा॒गोऽन्य॑स्तौ  
 सं॒भव॑न्तौ यज॒मान - [ ] 20

**2.2.4.7**

-म॒भि सं॑ भ॒वतः॑ स ई॒श्वर॑ आ॒र्ति॒मा॒र्तो-र्य॒द॒ग्नये॑ऽग्नि॒व॒ते नि॒र्व॒पति॑  
 भा॒ग॒धे॒ये॒नै॒वैनौ॑ श॒म॒यति॑ नाऽऽ\*र्ति॒मा॒च्छ॑ति यज॒मानो॑ऽग्नये॒ ज्योति॑ष्म॒ते  
 पु॒रो॒डा॒श॒म॒ष्टा॒क॒पा॒लं नि॒र्व॒पे॒द्-य॒स्या-ग्नि॒रु॒द्धृ॒तोऽहु॑ते-ऽग्नि॒हो॒त्र उ॒द्वा॒ये  
 द॒पर आ॒दी॒प्या॒नू॒द्धृ॒त्य इ॒त्याहु॑स्तत् त॒था न का॒र्यं॑ यद्-भा॒ग॒धे॒य॒म॒भि पू॒र्व  
 उ॒द्दि॒ध्र॒यते॑ कि॒म॒परो॑ऽभ्यु - [ ] 21

**2.2.4.8**

–द॒ध्रिये॑तेति॒ तान्ये॑वा॒ वक्षा॑णानि॒ सन्नि॑धाय॒ मन्थे॑दितः॒ प्रथ॑मं॒ जज्ञे॑  
 अ॒ग्निः स्वा॑द्योने॒रधि॑ जा॒तवे॑दाः । स गाय॑त्रिया॒ त्रिष्टु॑भा जग॑त्या  
 दे॒वेभ्यो॑ ह॒व्यं व॑हतु प्र॒जान॑न्निति॒ छन्दो॑भिरे॒वैन॑ स्वा॑द्योनेः प्र॒जन॑यत्येष  
 वा व सो॑ऽग्निरित्याहु॒ ज्योति॑स्त्वा अस्य॒ परा॑पति॒तमि॑ति॒ यद॑ग्नये  
 ज्योति॑ष्मते॒ निर्व॑पति॒ यदे॒वाऽस्य॑ ( ) ज्योतिः॒ परा॑पति॒तं तदे॒वाव॑ रुन्धे । 22  
 (करो॑त्यन्नादो – द॒धाति॑ यद॒ग्नये॑ – शु॒चये॑ चक्षु॒रेवा॑स्मिन् तेन॑  
 द॒धाति॑ –करो॑ति – वा॒जं – य॑ज॒मान॑ – मु – दे॒वास्य॑ – षट्च॑) (A4)

**2.2.5.1**

वैश्वान॑रं द्वाद॑शकपालं॒ निर्व॑पेद्-वा॒रुणं॑ चरुं॒ दधि॑क्राव्णो  
 चरु॑मभि॒शस्य॑मानो॒ यद्-वै॑श्वान॒रो द्वाद॑शकपालो॒ भव॑ति सँव॒थ्सरो॑ वा  
 अ॒ग्निर्वै॑श्वान॒रः सँव॒थ्सरे॑णै॒वैन॑ स्वा॑द्यत्यप॒ पापं॑ वर्ण॑ हते  
 वा॒रुणे॑नै॒वैनं॑ व॒रुण॑पा॒शान् मु॑ञ्चति॒ दधि॑क्राव्णो पुनाति॒ हिर॑ण्यं॒ दक्षि॑णा  
 पवि॑त्रं वै॒ हिर॑ण्यं पुनात्ये॒वैन॑माद्य-मस्यान्नं॒ भव॑त्ये॒तामे॒व निर्व॑पेत्  
 प्र॒जाका॑मः सँव॒थ्सरो॑ – [ ] 23

**2.2.5.2**

वा ए॒तस्या॑ शा॒न्तो यो॒निं प्र॒जायै॑ प॒शूनां॑ निर्द॒हति॑ योऽ॒लं प्र॒जायै॑ सन् प्र॒जां  
न वि॒न्दते॑ यद्-वै॒श्वान॑रो द्वा॒दश॑क॒पालो॑ भव॒ति सँव॑त्सरो वा अ॒ग्नि  
वै॒श्वान॑रः सँव॑त्सरो॒मेव भा॑ग॒धेये॑न श॒मय॑ति सोऽ॒स्मै शा॒न्तः स्वा॒द्योनेः॑ प्र॒जां  
प्र॒ज॒नय॑ति वा॒रुणे॑नै॒वैनं॑ व॒रुण॑पा॒शान् मु॒ञ्चति॑ दधि॒क्राव्ण॑णा पु॒नाति॑ हि॒रण्यं  
दक्षि॑णा प॒वित्रं॑ वै हि॒रण्यं पु॒नात्ये॑वैनं- [ ] 24

**2.2.5.3**

वि॒न्दते॑ प्र॒जां वै॒श्वान॑रं द्वा॒दश॑क॒पालं॑ निर्व॒पेत् पु॒त्रे जा॑ते॒यद॑ष्टाक॒पालो॑ भव॒ति  
गा॒य॒त्रि॒यैवैनं॑ ब्र॒ह्मव॑र्च॒सेन॑ पु॒नाति॑ यन्न॒वक॑पाल-स्त्रि॒वृ॒तैवा॑स्मिन् ते॒जो द॑धाति  
यद्-द॒शक॑पालो वि॒राजै॑वास्मिन्न॒न्नाद्यं॑ द॒धाति॑ यदे॒काद॑शक॒पाल-  
स्त्रि॒ष्टुभै॑वास्मिन्नि॒न्द्रियं॑ द॒धाति॑ यद्-द्वा॒दश॑क॒पालो॑ जग॒त्यैवा॑स्मिन्  
प॒शून् द॑धाति यस्मिन् जा॒त ए॒तामि॑ष्टिं निर्व॒पति॑ पू॒त-[ ] 25

**2.2.5.4**

ए॒व ते॒जस्व्य॑न्नाद इ॒न्द्रिया॑वी प॒शु॒मान् भव॑त्य॒व वा ए॒ष  
सु॒वर्गा॑ल्लो॒काच्छि॑द्यते यो द॒र्श॑पूर्ण॒मास॑या॒जी सन्न॑मा॒वास्यां॑ वा

पौ॒र्णमा॒सीं वा॒तिपा॒दय॑ति सु॒वर्गा॒य हि लो॒काय॑ दर्॒शपूर्ण॑मा॒सा वि॒ज्येते॑  
 वैश्वा॒नरं॑ द्वा॒दश॑क॒पालं॑ निर्व॒पेद॑मावास्यां॑ वा पौ॒र्णमा॒सीं वा॒तिपा॒द्य  
 सँव॑त्सरो वा अ॒ग्नि वै॒श्वा॒नरः॑ सँव॑त्सरमेव प्रीणात्यथो  
 सँव॑त्सरमेवास्मा उप दधाति सु॒वर्गस्य॑ लो॒कस्य॑ सम॒ष्ट्या - [ ] 26

### 2.2.5.5

अथो दे॒वता॑ ए॒वान्वा॒रभ्य॑ सु॒वर्गं॑ लो॒कमे॑ति वी॒रहा॑ वा ए॒ष दे॒वानां॑  
 यो॒ऽग्नि॑-मु॒द्वास॑यते न वा ए॒तस्य॑ ब्रा॒ह्मणा॑ ऋ॒ताय॑वः  
 पु॒राऽन्न॑मक्ष॒ना-ग्ने॒यम॑ष्टाक॒पालं॑ निर्व॒पेद्-वै॒श्वा॒नरं॑  
 द्वा॒दश॑क॒पाल-म॒ग्निमु॒द्वास॑यिष्यन् यद॑ष्टाक॒पालो॑ भवत्यष्टाक्षरा  
 गा॒यत्री॑गा॒यत्रो॑ ऽग्नि॒र्यावा॑नेवा॒ग्निस्त॑स्मा आ॒तिथ्यं॑ करोत्यथो यथा ज॒नं  
 य॒तेऽव॑सं करोति तादृ - [ ] 27

### 2.2.5.6

-गो॒व तद्-द्वा॒दश॑क॒पालो॑ वैश्वा॒नरो॑ भवति द्वा॒दश॑ मा॒साः सँव॑त्सरः  
 सँव॑त्सरः खलु वा अ॒ग्नेर्यो॒निः स्वा॑मे॒वैनं॑ यो॒निं ग॑मय-त्याद्यमस्यान्नं



भवति वैश्वानरं द्वादशकपालं निर्वपेन्मारुतं सप्तकपालं ग्रामकाम  
 आहवनीये वैश्वानरमधि श्रयति गार्हपत्ये मारुतं पापवस्यसस्य विधृत्यै  
 द्वादशकपालो वैश्वानरो भवति द्वादश मासाः सँवत्सरः  
 सँवत्सरेणैवास्मै सजाताञ्श्रयावयति मारुतो भवति - [ ] 28

### 2.2.5.7

मारुतो वै देवानां विशो देवविशेनैवास्मै मनुष्य विशमव रुन्धे  
 सप्तकपालो भवति सप्त गणा वै मारुतो गणश एवास्मै सजातानव रुन्धे  
 ऽनूच्यमान आ सादयति विशमेवास्मा अनुवर्त्मानं करोति । 29  
 (प्रजाकामः सँवत्सरः - पुनात्येवैनं - पूतः - समष्ट्यै -  
 तादृङ् - मारुतो भव - त्येकान्न त्रिञ्शच्च । ) (A5)

### 2.2.6.1

आदित्यं चरुं निर्वपेथ् संग्राम-मुपप्रयास्यन्नियं वा अदितिरस्यामेव पूर्वे  
 प्रतितिष्ठन्ति वैश्वानरं द्वादशकपालं निर्वपेदायतनं गत्वासँवत्सरो वा  
 अग्निं वैश्वानरः सँवत्सरः खलु वै देवाना-मायतनमेतस्माद्वा

आ॒य॒त॒नाद्-दे॒वा अ॒सु॒रा॒न॒ज॒यन् यद्-वै॒श्वान॒रं द्वा॒द॒श॒क॒पा॒लं नि॒र्व॒प॒ति  
 दे॒वा॒ना॒मे॒वा॒य॒त॒ने य॒त॒ते ज॒य॒ति त॒ꣳ सं॒ग्रा॒म॒मे॒त॒स्मिन् वा  
 ए॒तौ मृ॒जा॒ते - [ ] 30

### 2.2.6.2

यो वि॒द्विषा॒णयो॒रन्न॑म॒त्ति वै॒श्वान॒रं द्वा॒द॒श॒क॒पा॒लं नि॒र्व॒पे॒द्-वि॒द्विषा॒णयो॒रन्नं  
 ज॒ग्ध्वा सँ॒व॒थ्स॒रो वा अ॒ग्नि-वै॒श्वान॒रः सँ॒व॒थ्स॒र स्व॑दि॒तमे॒वा॒त्ति ना॒स्मिन्  
 मृ॒जा॒ते सँ॒व॒थ्स॒राय॑ वा ए॒तौ स॒म॒मा॒ते यौ स॒म॒मा॒ते तयो॑र्यः पू॒र्वोऽभि॑द्रु॒ह्यति  
 तं वँ॒रु॒णो गृ॒ह्णा॒ति वै॒श्वान॒रं द्वा॒द॒श॒क॒पा॒लं नि॒र्व॒पे॒थ् स॒म॒मा॒न॒योः  
 पू॒र्वोऽभि॑द्रु॒ह्य सँ॒व॒थ्स॒रो वा अ॒ग्नि॒वै॒श्वान॒रः सँ॒व॒थ्स॒रमे॒वाऽऽ\*प्त्वा  
 नि॒र्व॒रु॒णं - [ ] 31

### 2.2.6.3

पर॒स्ता॒द॒भि द्रु॒ह्यति॑ नै॒नं वँ॒रु॒णो गृ॒ह्णा॒त्यायं॑ वा ए॒ष प्र॒ति गृ॒ह्णा॒ति  
 योऽविं॑ प्र॒तिगृ॒ह्णा॒ति वै॒श्वान॒रं द्वा॒द॒श॒क॒पा॒लं नि॒र्व॒पे॒द॒विं प्र॒तिगृ॒ह्ण  
 सँ॒व॒थ्स॒रो वा अ॒ग्नि॒वै॒श्वान॒रः सँ॒व॒थ्स॒र-स्व॑दि॒तामे॒व प्र॒तिगृ॒ह्णा॒ति

नाऽऽव्यं प्रतिगृह्णात्यात्मनो वा एष मात्रामाप्नोति य उभयादत्  
प्रतिगृह्णात्यश्वं वा पुरुषं वा वैश्वानरं द्वादशकपालं  
निर्वपेदुभयादत् - [ ] 32

#### 2.2.6.4

प्रतिगृह्य संवत्सरो वा अग्निर्वैश्वानरः सँवत्सर-स्वदितमेव  
प्रति गृह्णाति नात्मनो मात्रामाप्नोति वैश्वानरं द्वादशकपालं  
निर्वपेथ्-सनिमेष्यन्थ्-सँवत्सरो वा अग्निर्वैश्वानरो यदा खलु वै  
सँवत्सरं जनतायां चरत्यथ स धनार्घो भवतियद्-वैश्वानरं द्वादशकपालं  
निर्वपति सँवत्सर-सातामेव सनिमभि प्रच्यवते दानकामा अस्मै प्रजा  
भवन्ति यो वै सँवत्सरं - [ ] 33

#### 2.2.6.5

प्रयुज्य न विमुञ्चत्यप्रतिष्ठानो वै स भवत्येतमेव वैश्वानरं पुनरागत्य  
निर्वपेद्यमेव प्रयुङ्क्ते तं भागधेयेन वि मुञ्चति प्रतिष्ठित्यै यया रज्ज्वोत्तमां  
गामाजेत् तां भ्रातृव्याय प्र हिणुयान्निर्ऋतिमेवास्मै प्रहिणोति । 34

(मृ॒जाते - निर्व॑रुणं - व॑पेदु॒भयाद॑द् - यो॒ वै स॑व॒थ्सर॑ -  
षट्त्रिं॑शच्च ) (A6)

### 2.2.7.1

ऐ॒न्द्रं च॒रु॑ निर्व॑पेत् प॒शुकाम॑ ऐ॒न्द्रा वै प॒शव॑ इन्द्र॑मे॒व स्वे॑न भा॒गधे॑येनोप॒  
धा॒वति॑ स ए॒वास्मै॑ प॒शून् प्र॑यच्छति प॒शुमा॑ने॒व भ॑वति च॒रुर्भ॑वति  
स्वादे॒वास्मै॑ यो॒नेः प॒शून् प्र॑जनयतीन्द्रा॒येन्द्रि॑यावते  
पु॒रोडा॑शमे॒काद॑शकपालं निर्व॑पेत् प॒शुकाम॑ इन्द्रि॒यं वै प॒शव॑  
इन्द्र॑मे॒वेन्द्रि॑यावन्तः स्वे॑न भा॒गधे॑येनोप॒ धा॒वति॑ स - [ ] 35

### 2.2.7.2

ए॒वास्मा॑ इन्द्रि॒यं प॒शून् प्र॑यच्छति प॒शुमा॑ने॒व भ॑वतीन्द्रा॒य-ध॑र्मवते  
पु॒रोडा॑शमे॒काद॑शकपालं निर्व॑पेद्-ब्र॒ह्मव॑र्चस॒कामो॑ ब्र॒ह्मव॑र्चसं वै ध॒र्म  
इन्द्र॑मे॒व ध॑र्मवन्तः स्वे॑न भा॒गधे॑येनोप॒ धा॒वति॑ स ए॒वास्मिन् ब्र॒ह्मव॑र्चसं  
द॒धाति॑ ब्र॒ह्मव॑र्चस्ये॒व भ॑वतीन्द्रा॒यार्क॑वते पु॒रोडा॑शमे॒काद॑शकपालं  
निर्व॑पेदन्न॒कामोऽर्को॑ वै दे॒वाना॑मन्नमिन्द्र॑मे॒वार्क॑वन्तः स्वे॑न  
भा॒गधे॑येनो - [ ] 36

**2.2.7.3**

—प॒ धा॒वति॑ स॒ ए॒वा॒स्मा॒ अन्नं॑ प्र॒यच्छ॑त्यन्नाद॒ ए॒व भ॑वतीन्द्रा॒य घ॑र्मवते  
 पु॒रो॒डा॒श॒मे॒का॒द॒श॒क॒पा॒लं॑ निर्व॒पेदिन्द्रा॑ये—न्द्रि॒या॒वत॑ इन्द्रा॒याऽर्क॑वते  
 भू॒ति॒का॒मो॒ य॒दिन्द्रा॑य॒ घ॑र्मवते॒ निर्व॑पति॒ शिर॑ ए॒वा॒स्य ते॒न क॑रोति  
 य॒दिन्द्रा॑येन्द्रि॒या॒वत॑ आ॒त्मान॑मे॒वा॒स्य ते॒न क॑रोति॒यदिन्द्रा॑याऽर्क॑वते भू॒त  
 ए॒वा॒न्नाद्ये॑ प्र॒ति॒तिष्ठ॑ति॒ भव॑त्ये॒वेन्द्रा॑या — [ ] 37

**2.2.7.4**

—ऽ॒हो॒मु॒चे॑ पु॒रो॒डा॒श॒मे॒का॒द॒श॒क॒पा॒लं॑ निर्व॒पेद्यः॑ पा॒प्मना॑ गृहीतः स्यात्  
 पा॒प्मा वा अ॒ह इन्द्र॑मे॒वाऽ॒हो॒मु॒च॒ स्वेन॑ भा॒ग॒धे॒ये॒नोप॑ धावति स  
 ए॒वैनं॑ पा॒प्मनो॑ऽ॒हसो॑ मुञ्चतीन्द्रा॒य वैमृ॑धाय पु॒रो॒डा॒श॒मे॒का॒द॒श॒क॒पा॒लं॑  
 निर्व॒पेद्यं॑ मृ॒धोऽभि॑ प्र॒वे॒पेरन्—रा॒ष्ट्राणि॑ वाऽभि॑ स॒मि॒युरिन्द्र॑मे॒व वैमृ॑ध॒ स्वेन॑  
 भा॒ग॒धे॒ये॒नोप॑ धावति स॒ ए॒वा॒स्मान्मृ॑धो — [ ] 38

**2.2.7.5**

ऽप॑ ह॒न्तीन्द्रा॑य त्रा॒त्रे पु॒रोडा॑शमेकादशकपालं॒ निर्व॑पेद्-ब॒द्धो वा  
 परि॑यत्तो वे॒न्द्रमे॒व त्रा॒तार॑ स्वे॒न भा॒गधे॑येनोप॒ धाव॑ति स ए॒वैनं॑ त्रायत  
 इन्द्रा॑यार्काश्वमेधवते पु॒रोडा॑शमेकादशकपालं॒ निर्व॑पेद्यं॒ महा॑यज्ञो  
 नोप॑नमेदेते वै महा॑यज्ञस्यान्त्ये॒ तनू॑ यदर्काश्वमेधाविन्द्रमे॒वार्काश्वमेध॑-  
 वन्त॑ स्वे॒न भा॒गधे॑येनोप॒ धाव॑ति स ए॒वास्मा॑ ( ) अन्त॑तो महा॑यज्ञं  
 च्याव॑यत्युपैनं॒ महा॑यज्ञो नमति । 39 (इन्द्रि॑यावन्त॑ स्वे॒न भा॒गधे॑येनोप॒  
 धाव॑ति सो॑ - ऽर्क॑वन्त॑ स्वे॒न भा॒गधे॑येनै - वे॒न्द्राया॑ - स्मा॒न् मृ॒धो -  
 ऽस्मै॑ - सप्त॑ च । ) (A7)

**2.2.8.1**

इन्द्रा॑यान्वृजवे पु॒रोडा॑शमेकादशकपालं॒ निर्व॑पेद् ग्राम॑काम  
 इन्द्र॑मेवान्वृ॒जु स्वे॒न भा॒गधे॑येनोप॒ धाव॑ति स ए॒वास्मै॑ सजा॑ताननु॒कान्  
 करो॑ति ग्राम्ये॒व भव॑तीन्द्राण्यै चरुं॒ निर्व॑पेद्यस्य से॒नाऽस॑श्चिते॒व  
 स्यादिन्द्रा॑णी वै से॒नायै॑ दे॒वतेन्द्रा॑णीमे॒व स्वे॒न भा॒गधे॑येनोप॒ धाव॑ति  
 सैवा॑स्य से॒नाऽस॑ श्र॒यति॑ ब॒ल्बजा॑नपी- [ ] 40

**2.2.8.2**

–ध्मे सं नह्येद्–गौ–र्यत्राधिष्कन्नान्यमेहत् ततो बल्बजा उदतिष्ठन्  
 गवामेवैनं न्यायमपिनीय गा वेदयतीन्द्राय मन्युमते मनस्वते  
 पुरोडाशमेकादशकपालं निर्वपेथ् संग्रामे सँयत्ते इन्द्रियेण वै  
 मन्युना मनसा संग्रामं जयतीन्द्रमेव मन्युमन्तं मनस्वन्तं७ स्वेन  
 भागधेयेनोप धावति स एवास्मिन्निन्द्रियं मन्युं मनो दधाति  
 जयति त७ – [ ] 41

**2.2.8.3**

संग्राममेतामेव निर्वपेद्यो हतमनाः स्वयं पाप इव स्यादेतानि  
 हि वा एतस्मा दपक्रान्तान्यथैष हतमनाः स्वयं पाप इन्द्रमेव  
 मन्युमन्तं मनस्वन्तं७ स्वेन भागधेयेनोप धावति स एवास्मिन्निन्द्रियं  
 मन्युं मनो दधाति न हतमनाः स्वयं पापो भवतीन्द्राय दात्रे  
 पुरोडाशमेकादशकपालं निर्वपेद्यः कामयेत दानकामा  
 मे प्रजाः स्यु – [ ] 42

**2.2.8.4**

–रि॒तीन्द्र॑मे॒व दा॒तार॑ꣳ स्वे॒न भा॒गधे॑ये॒नोप॑ धावति स ए॒वास्मै॑  
 दा॒नका॑माः प्र॒जाः करो॑ति दा॒नका॑मा अ॒स्मै प्र॒जा भव॑न्तीन्द्रा॒य प्र॒दात्रे॑  
 पु॒रोडा॑शमे॒काद॑शकपालं॒ निर्व॑पेद्य॒स्मै प्र॒त्तमि॑व स॒न्न प्र॒दीये॑तेन्द्र॒मेव॑  
 प्र॒दा॒तार॑ꣳ स्वे॒न भा॒गधे॑ये॒नोप॑धावति स ए॒वास्मै॑ प्र॒दाप॑यतीन्द्रा॒य सु॒त्राम्णे॑  
 पु॒रोडा॑शमे॒काद॑शकपालं॒ निर्व॑पेदप॒रुद्धो॑ वा – [ ] 43

**2.2.8.5**

ऽप॒रुद्ध॑यमा॒नो वे॒न्द्रमे॒व सु॒त्रामा॑णꣳ स्वे॒न भा॒गधे॑ये॒नोप॑ धावति  
 स ए॒वैनं॑ त्रायते ऽन॒प॒रुध्यो॑ भवतीन्द्रो॒ वै स॒दृङ् दे॒वता॑भिरासीत् स  
 न व्या॒वृ॒तम॑गच्छत् स प्र॒जाप॑तिमुपाधावत् तस्मा ए॒तमै॒न्द्रमे॒काद॑शकपालं  
 नि॒रव॑पत् तेनै॒–वास्मि॑न्निन्द्रि॒यम॑दधा–च्छक्वरी याज्यानुवाक्ये  
 अक॑रोद्–वज्रो॒ वै शक्व॑री स ए॒नं वज्रो॑ भूत्या ऐ॒न्ध – [ ] 44

**2.2.8.6**

सोऽभव॑त् सोऽबि॒भेद्–भू॒तः प्र॒ मा ध॑क्ष्यतीति स प्र॒जाप॑तिं पुनरुपाधावत्  
 स प्र॒जाप॑तिः शक्व॑र्या॒ अधि॑ रेवतीं निरमिमीत शान्त्या अप्रदाहाय



योऽल७ श्रियै सन्थ्-सदृङ्ख्समानैः स्यात् तस्मा  
 एतमैन्द्रमेकादशकपालं निर्वपेदिन्द्रमेव स्वेन भागधेयेनोप धावति स  
 एवास्मिन्निन्द्रियं दधाति रेवती पुरोऽनुवाक्या भवति ( ) शान्त्या  
 अप्रदाहाय शक्वरी याज्या वज्रो वै शक्वरीस एनं वज्रो भूत्या इन्धे  
 भवत्येव । 45

(अपि - त७ - स्यु - वैं - न्ध - भवति - चतुर्दश च ।) (A8)

### 2.2.9.1

आग्ना-वैष्णव-मेकादशकपालं निर्वपेदभिचरन्थ्-सरस्वत्याज्य  
 भागा स्याद्-बार्हस्पत् यश्चरुर्यदाग्ना-वैष्णव एकादशकपालो  
 भवत्यग्निः सर्वा देवता विष्णुर्यज्ञो देवताभिश्चैवैनं यज्ञेन चाभि  
 चरतिसरस्वत्याज्यभागा भवति वाग्वै सरस्वती वाचैवैनमभि चरति  
 बार्हस्पत्यश्चरु भवति ब्रह्म वै देवानां बृहस्पति ब्रह्मणैवैनमभि  
 चरति - [ ] 46

**2.2.9.2**

प्रति॑ वै पर॒स्ताद॑भिचरन्तम॒भि चर॑न्ति द्वे॒द्वे पु॒रोऽनु॒वाक्ये॑ कुर्यादति  
 प्रयु॑क्त्या ए॒तयै॒व यजे॑ताभि चर्यमाणो दे॒वता॑भिरे॒व दे॒वताः॑ प्रतिचरति  
 यज्ञे॑न य॒ज्ञं वा॒चा वाचं॑ ब्रह्म॒णा ब्रह्म॑ स दे॒वता॑श्चै॒व य॒ज्ञं च॑ मध्यतो  
 व्यव॑सर्पति तस्य॒ न कु॒तश्च॒नोपा॒व्याधो॑ भवति नैनम॒भिचर॑न्-थस्तृणुत  
 आ॒ग्नावै॒ष्णव॑-मे॒काद॑शकपालं॒ निर्व॑पेद्यं॒ यज्ञो॑ नो - [ ] 47

**2.2.9.3**

-प॒नमे॑दग्निः सर्वा॑ दे॒वता॑ विष्णु॑र्य॒ज्ञोऽग्निं॑ चै॒व विष्णुं॑ च स्वेन॑  
 भा॒गधे॑येनोप॒ धाव॑ति तावे॒वास्मै॑ य॒ज्ञं प्र॑यच्छत॒ उपै॑नं॒ यज्ञो॑ नमत्याग्ना-  
 वै॒ष्णवं॑ घृ॒ते च॒रुं निर्व॑पेच्चक्षु॒ष्कामो॑ऽग्नेर्वै चक्षु॒षा मनु॑ष्या वि  
 पश्य॑न्ति य॒ज्ञस्य॑ दे॒वा अ॒ग्निं चै॒व विष्णुं॑ च स्वेन॑ भा॒गधे॑येनोप॒  
 धाव॑ति तावे॒वा - [ ] 48

**2.2.9.4**

-ऽस्मिन् चक्षु॑र्धत्तश्चक्षु॒ष्माने॒व भव॑ति धे॒न्वै वा ए॒तद्-रेतो॑  
 यदा॑ज्य-म॒नु॒डुह॑-स्तण्डु॒ला मि॒थुना॑दे॒वास्मै॑ चक्षुः॒ प्रज॑नयति

घृ॒ते भ॒वति॑ ते॒जो वै॒ घृ॒तं ते॒जश्चक्षु॑-स्ते॒जसै॒वास्मै॑ ते॒जश्चक्षु॑रव  
रु॒न्ध इन्द्रि॑यं वै॒ वी॒र्यं॑ वृ॒द्धे भ्रा॑तृ॒व्यो यज॑मानोऽयज॒मानस्या॑-  
ध्व॒रक॑ल्पां॒ प्रति॑ निर्व॒पेद्-भ्रा॑तृ॒व्ये यज॑माने॒ नास्येन्द्रि॑यं - [ ] 49

### 2.2.9.5

वी॒र्यं॑ वृ॒द्धे पु॒रावा॑चः प्र॒वदि॑तो-निर्व॒पेद्या॑वत्ये॒व वाक्॑ ता॒मप्रो॑दितां  
भ्रा॑तृ॒व्यस्य॑ वृ॒द्धे ता॒मस्य॑ वा॒चं प्र॒वद॑न्ती॒मन्या॑ वा॒चोऽनु॑ प्र॒वद॑न्ति॒ ता  
इन्द्रि॑यं वी॒र्यं॑ यज॑माने॒ दध॑त्या॒ग्ना वै॒ष्णव॑-म॒ष्टाक॑पा॒लं निर्व॑पेत् प्रा॒तः  
स॒वन॑स्याऽऽ\* का॒ले सर॑स्व॒त्याज्य॑भागा॒ स्याद्  
बा॒र्हस्प॑त्यश्च॒रु-र्य॑द॒ष्टाक॑पा॒लो भ॑वत्य॒ष्टाक्ष॑रा गाय॒त्री गा॑य॒त्रं प्रा॑तः स॒वनं  
प्रा॑तः स॒वनमे॒व तेना॑प्नो - [ ] 50

### 2.2.9.6

-त्या॒ग्नावै॒ष्णव॑-मे॒काद॑श॒कपा॒लं निर्व॑पेन्मा॒ध्यन्दि॑नस्य स॒वन॑स्याऽऽ  
\*का॒ले सर॑स्व॒त्याज्य॑भागा॒ स्याद् बा॒र्हस्प॑त्य-श्च॒रु र्य॑दे॒काद॑श॒कपा॒लो  
भ॑वत्ये॒काद॑शाक्ष॒रा त्रि॒ष्टुप् त्रै॒ष्टुभं॑ मा॒ध्यन्दि॑न॒ऽस॒वनं॑ मा॒ध्यंदि॑नमे॒व स॒वनं॑

तेनाऽऽ\*ज्जोत्याग्नावैष्णवं द्वादशकपालं निर्वपेत् तृतीयसवनस्याऽऽ\*काले  
 सरस्वत्याज्यभागा स्याद् बार्हस्पत्यश्चर्यद् द्वादशकपालो भवति  
 द्वादशाक्षरा जगती जागतं तृतीयसवनं तृतीय सवनमेव तेनाऽऽज्जोति  
 देवताभिरेव देवताः – [ ] 51

### 2.2.9.7

प्रतिचरति यज्ञेन यज्ञं वाचा वाचं ब्रह्मणा ब्रह्म कपालैरेव  
 छन्दाऽस्याज्जोति पुरोडाशैः सवनानि मैत्रावरुणमेककपालं  
 निर्वपेद्-वशायै काले यैवासौ भ्रातृव्यस्य वशाऽनूबन्ध्या सो  
 एवैषैतस्यैककपालो भवति न हि कपालैः पशुमर्हत्याप्तुं । 52

(ब्रह्मणैवैनमभि चरति – यज्ञो न – तावेवा – ऽस्येन्द्रिय – माज्जोति  
 – देवताः – सप्तत्रिंशच्च ) (A9)

### 2.2.10.1

असावादित्यो न व्यरोचत तस्मै देवाः प्रायश्चित्तिमैच्छन् तस्मा एत  
 सोमारौद्रं चरुं निरवपन् तेनैवास्मिन् रुचमदधुर्यो ब्रह्मवर्चसकामः स्यात्

तस्मा॑ ए॒त॒ꣳ सो॒मा॒रौ॒द्रं च॒रुं निर्व॑पे॒थ् सोमं॑ चै॒व रु॒द्रं च॒ स्वेन॑ भा॒ग॒धे॒येनो॒प  
धा॒वति॑ ता॒वे॒वास्मिन्॑ ब्र॒ह्मव॑र्च॒सं ध॒त्तो ब्र॒ह्मव॑र्च॒स्ये॒व भ॒वति॑ ति॒ष्या॒पूर्ण॑मा॒से  
निर्व॑पे॒द्-रु॒द्रो - [ ] 53

### 2.2.10.2

वै ति॒ष्यः सोमः॑ पू॒र्णमा॑सः सा॒क्षादे॒व ब्र॒ह्मव॑र्च॒सम॑व रु॒न्धे परि॑श्रिते  
या॒जय॑ति ब्र॒ह्मव॑र्च॒सस्य॑ परि॒गृही॑त्यै श्वे॒तायै॑ श्वे॒तव॑त्सायै दु॒ग्धं म॑थि॒तमा॒ज्यं  
भ॒वत्या॒ज्यं प्रो॑क्ष॒णमा॒ज्येन॑ मार्ज॒यन्ते॑ य॒वदे॒व ब्र॒ह्मव॑र्च॒सं तथ् सर्वं॑  
करो॑त्यति॒ ब्र॒ह्मव॑र्च॒सं क्रि॒यत॑ इ॒त्याहु॑रीश्व॒रो दु॒श्च॒र्मा भ॒वितो॑रिति॒ मान॑वी  
ऋ॒चौ धा॒य्ये कुर्या॑द्-य॒द्वै किञ्च॑ म॒नुर॑व॒दत्-तद्-भे॑ष॒जं - [ ] 54

### 2.2.10.3

भे॒ष॒जमे॒वास्मै॑ करो॒ति यदि॑ बि॒भीया॑द्-दु॒श्च॒र्मा भ॒विष्या॑मीति॒ सोमा॑पौष्णं  
च॒रुं निर्व॑पे॒थ् सौ॒म्यो वै दे॒वत॑या पु॒रुषः॑ पौ॒ष्णाः प॒शवः॑ स्व॒यै वा॒स्मै  
दे॒वत॑या प॒शुभि॑स्त्व॒चं करो॑ति न दु॒श्च॒र्मा भ॒वति॑ सो॒मारौ॒द्रं च॒रुं निर्व॑पेत्  
प्र॒जाका॑मः सोमो॒ वै रे॒तो॒धा अ॒ग्निः प्र॒जानां॑ प्र॒जन॑यिता सोम॒ ए॒वास्मै॑ रे॒तो  
द॒धात्य॑ग॒निः प्र॒जां प्र॒जन॑यति वि॒न्दते॑ - [ ] 55

**2.2.10.4**

प्र॒जा॒ꣳ सो॒मा॒रौ॒द्रं च॒रुं निर्व॑पेदभिचरन्-॥ थ्सौ॒म्यो वै दे॒वत॑या पु॒रुष॑ ए॒ष  
रु॒द्रो यद॑ग्निः स्वा॒या ए॒वैनं॑ दे॒वता॑यै निष्क्री॒य रु॒द्राया॑पि दधाति  
ता॒जगा॑र्तिमाच्छति सो॒मा॒रौ॒द्रं च॒रुं निर्व॑पे-ज्ज्यो॒गाम॑यावी सोमं वा  
ए॒तस्य॑ र॒सो ग॑च्छत्यग्निꣳ शरी॒रं य॑स्य ज्यो॒गाम॑यति सो॒मादे॒वास्य॑ र॒सं  
निष्क्री॒णात्य॑ग्नेः शरी॒रमु॑त यदी - [ ] 56

**2.2.10.5**

-ता॒सु भ॑वति जी॒वत्ये॒व सो॒मा॒रु॒द्रयो॒र्वा ए॒तं ग्र॑सितꣳ हो॒ता नि॒ष्विद॑ति  
स ई॒श्वर॑ आ॒र्तिमा॑र्तो-र॒नड्वा॑न् हो॒त्रा दे॒यो वहि॑र्वा अ॒नड्वा॑न् वहि॒र्हो॒ता  
वहि॑नैव वहि॒मात्मा॑नꣳ स्पृ॒णोति॑ सो॒मा॒रौ॒द्रं च॒रुं निर्व॑पेद्यः का॒मये॑त  
स्वेऽस्मा॑ आ॒यत॑ने भ्रातृ॒व्यं ज॑नयेयमिति वेदिं  
परि॑गृह्यार्धमु॒द्धन्या॑दर्धं ना॒र्धं ब॒र्हिषः॑ स्तृ॒णीया॑दर्धं ( )  
ना॒र्ध-मि॒ध्मस्या॑भ्या-द॒ध्या-दर्धं॑ न स्व ए॒वास्मा॑ आ॒यत॑ने भ्रातृ॒व्यं  
ज॑नयति । 57

(रुद्रो - भेषजं - विन्दते - यदि - स्तृणीयादर्थं - द्वादश च) (A10)

### 2.2.11.1

ऐन्द्रमेकादशकपालं निर्वपेन्मारुतं सप्तकपालं ग्रामकाम इन्द्रं चैव  
मरुतश्च स्वेन भागधेयेनोप धावति त एवास्मै सजातान् प्रयच्छन्ति  
ग्राम्येव भवत्याहवनीय ऐन्द्रमधि श्रयति गार्हपत्ये मारुतं पापवस्यसस्य  
विधृत्यै सप्तकपालो मारुतो भवति सप्तगणा वै मरुतोगणश एवास्मै  
सजातानव रुन्धेऽनूच्यमान आ सादयति विशमेवा - [ ] 58

### 2.2.11.2

-स्मा अनुवर्त्मानं करोत्येतामेव निर्वपेद्यः कामयेत क्षत्राय च विशे  
च समदं दध्यामित्यैन्द्रस्या-वद्यन् ब्रूयादिन्द्रायानु ब्रूहीत्याश्राव्य  
ब्रूयान्-मारुतो यजेति मारुतस्यावद्यन् ब्रूयान्मरुद्भ्योऽनु ब्रूहीत्याश्राव्य  
ब्रूयादिन्द्रं यजेति स्व एवैभ्यो भागधेये समदं दधाति वितृ  
हाणास्तिष्ठन्त्ये तामेव - [ ] 59

**2.2.11.3**

निर्व॑पे॒द्यः॒ काम॑ये॒त क॒ल्पे॑र॒न्निति॑ यथा॒दे॒वत॑म॒वदा॑य॒ यथा॑ दे॒वतं॑  
 य॑जे॒द्-भा॒गधे॑ये॒नैवै॑नान् यथा॒यथं॑ क॒ल्पय॑ति क॒ल्पन्त॑  
 ए॒वैन्द्र॑-मे॒काद॑शक॒पालं॑ निर्व॑पे॒द्-वैश्व॑दे॒वं द्वा॑द॒शक॑पालं॒ ग्राम॑काम॒ इन्द्रं॑  
 चै॒व वि॒श्वाऽश्च॑ दे॒वान्-स्वे॑न भा॒गधे॑ये॒नोप॑ धावति॒ त ए॒वास्मै॑ स॒जातान्॑  
 प्र॒यच्छ॑न्ति॒ ग्राम्ये॑व भवत्यै॒न्द्रस्या॑व॒दाय॑ वैश्व॑दे॒वस्या॑व॒ द्यौदथै॑न्द्र॒स्यो- [ ] 60

**2.2.11.4**

-परि॑ष्ठादि॒न्द्रिये॑णै॒वास्मा॑ उ॒भय॑तः स॒जातान्॑ परि॒ गृह्णा॑त्युपा॒धाय्य॑ पूर्॒वयं॑  
 वा॒सो दक्षि॑णा स॒जाताना॑मुप॒हित्यै॑ पृ॒श्नियै॑ दु॒ग्धे प्रै॑य॒ङ्गवं॑ च॒रुं  
 निर्व॑पे॒न्मरु॑द्भ्यो॒ ग्राम॑कामः पृ॒श्नियै॑ वै प॒यसो॑ मरु॒तो जा॑ताः पृ॒श्नियै॑  
 प्रि॒यङ्ग॑वो मारु॒ताः ख॒लु वै दे॒वत॑या स॒जाता॑ मरु॒त ए॒व स्वे॑न भा॒गधे॑ये॒नोप॑  
 धावति॒ त ए॒वास्मै॑ स॒जातान्॑ प्र॒यच्छ॑न्ति॒ ग्राम्ये॑व भवति प्रि॒यव॑ती  
 या॒ज्यानु॑वाक्ये - [ ] 61



**2.2.11.5**

भवतः प्रियमेवैनं॑ समानानां॑ करोति॑ द्विपदा॑ पुरोऽनुवाक्या॑ भवति॑ द्विपदं॑  
 ए॒वाव॑ रुन्धे॑ चतु॒ष्पदा॑ या॒ज्या चतु॒ष्पद॑ ए॒व प॒शून॑व रुन्धे॑ दे॒वासुराः॑ सँय॑त्ता  
 आ॒सन् ते॑ दे॒वा मि॒थो वि॒प्रिया॑ आ॒सन् ते॑ (१)॑ ऽन्यो॑ऽन्यस्मै॑ ज्यैष्ठा॒याया॑-  
 तिष्ठ॑मानाश्चतु॒र्धा व्य॑क्रामन्ना॒ग्निर्व॑सुभिः॑ सोमो॑ रु॒द्रैरिन्द्रो॑ म॒रुद्भिर्व॑रुण  
 आ॒दित्यैः॑ सः॑ इन्द्रः॑ प्र॒जाप॑तिमुपाधावत् त - [ ] 62

**2.2.11.6**

-मे॒तया॑ सं॒ज्ञान्या॑ऽयाज॒येद॒ग्नये॑ वसु॒मते॑ पु॒रोडा॑शम॒ष्टाक॑पालं  
 नि॒रव॑पथ् सो॒माय॑ रु॒द्रव॑ते च॒रुमिन्द्रा॑य म॒रुत्व॑ते पु॒रोडा॑श  
 -मे॒काद॑शकपालं॑ वरु॒णायाऽऽ\*दि॒त्यव॑ते च॒रुं ततो॑ वा इन्द्रं॑ दे॒वा  
 ज्यैष्ठा॒याया॑भि॒ सम॑जानत यः॑ स॒मानै॒र्मिथो॑ वि॒प्रियः॑ स्यात् तमे॒तया॑  
 सं॒ज्ञान्या॑ याज॒येद॒ग्नये॑ वसु॒मते॑ पु॒रोडा॑शम॒ष्टाक॑पालं नि॒र्वपे॑थ् सो॒माय॑  
 रु॒द्रव॑ते च॒रुमिन्द्रा॑य म॒रुत्व॑ते पु॒रोडा॑शमे॒काद॑शकपालं॑ वरु॒णाया॑ ( )  
 ऽऽ\*दि॒त्यव॑ते च॒रुमिन्द्र॑मे॒वैनं॑ भू॒तं ज्यैष्ठा॒याय॑ स॒माना॑ अ॒भि सं जा॑नते

वसिष्ठः समानानां भवति । 63

(विशमेव – तिष्ठन्त्येतामे – वाथैन्द्रस्य – याज्यानुवाक्ये – तं –  
वरुणाय – चतुर्दश च) (A11)

### 2.2.12.1

हिरण्यगर्भ >[1], आपो ह यत् >[2], प्रजापते >[3] ।

स वेद पुत्रः पितरं स मातरं स सूनुर्भुवथ् स भुवत् पुनर्मघः ।

स द्यामौर्णोदन्तरिक्षं स सुवः स विश्वा भुवो अभवथ् स आ\*ऽभवत् ।

उदु त्यं >[4], चित्रं >[5] ।

स प्रलवन्नवीयसा\*ग्ने द्युम्नेन संयता । बृहत् ततन्थ भानुना ।

नि काव्या वेधसः शश्वतस्कर्हस्ते दधानो – [ ] 64

### 2.2.12.2

नर्या पुरूणि । अग्निर्भुवद्रयिपती रयीणां सत्रा चक्राणो अमृतानि

विश्वा । हिरण्यपाणिमूतये सवितारमुप ह्वये । स चेत्ता देवता पदं ।

वाममद्य सवितर्वाममु श्रो दिवेदिवे वाममस्मभ्यं सावीः ।

वाम॒स्य हि॑ क्षय॒स्य दे॒व भू॒रे॒रया॑ धि॒या वाम॑भाजः स्याम ।

बडि॒त्था पर्व॑तानां खि॒द्रं बिभर्॑षि पृथि॒वि ।

प्र या भू॒मि प्रव॑त्वति म॒हा जि॒नोषि॑ – [ ] 65

### 2.2.12.3

महि॒नि । स्तो॒मास॑स्त्वा वि॒चारि॑णि प्र॒तिष्ठो॑भन्त्यकु॒भिः ।

प्रया॑ वाजं॒ न हेष॑न्तं पे॒रुम॑स्यस्यर्जु॒नि ऋ॒दूद॑रेण स॒ख्या स॑चैय यो मा न  
रि॒ष्ये॒द्धर्य॑श्च पीतः॑ । अयं॑ यः सोमो॒ न्यधा॑य्यस्मै तस्मा॒ इन्द्रं॑ प्र॒तिर॑मे॒म्यच्छ॑ ।

आपा॑न्तमन्युस्तृ॒पल-प्र॑भर्मा धु॒निः शिमी॑ वा॒ञ्छरु॑माꣳ ऋ॒जीषी॑ । सोमो॒  
विश्वा॑न्यतसा॒ वना॑नि ना॒र्वागि॑न्द्रं प्र॒तिमा॑नानि दे॒भुः । प्र – [ ] 66

### 2.2.12.4

सु॒वानः॑ सोम॒ ऋत॑युश्चि॒कैते॑न्द्राय ब्र॒ह्म ज॑मद॒ग्निर॑र्चन् ।

वृषा॑ यन्ताऽसि शव॒सस्तु॑रस्यान्त॒र्यच्छ॑ गृणते ध॒र्त्रं दृ॑ह ।

सबा॑धस्ते म॒दं च शु॑ष्मयं च ब्र॒ह्म नरो॑ ब्र॒ह्मकृ॑तः सपर्यन् ।

अ॒र्को वा॒ यत् तु॒रते॑ सोमचक्षास्तत्रेदिन्द्रो॑ दधते पृथ्सु॒ तुर्या॑ ।

व॒षट् ते॑ वि॒ष्णवा॒स आ कृ॑णो॒मि तन्मे॑ जुष॒स्व शि॒पिवि॑ष्ट ह॒व्यं । 67

**2.2.12.5**

व॒र्धन्तु॑ त्वा सु॒ष्टुतयो॑ गि॒रो मे॑ यू॒यं पा॑त स्व॒स्तिभिः॑ स॒दा नः॑ ।  
 प्र तत् ते॑ अ॒द्य शि॒पिवि॑ष्ट ना॒माऽर्यः॑ श॒ऽसामि॑ व॒युनानि॑ वि॒द्वान् ।  
 तन्त्वा॑ गृ॒णामि॑ तव॒स॒मत॑वी॒यान् क्ष॑यन्तम॒स्य रज॑सः प॒राके॑ ।  
 कि॒मित् ते॑ वि॒ष्णो परि॑चक्ष्यं भू॒त् प्र यद्व॑वक्षे शि॒पिवि॑ष्टो अ॒स्मि ।  
 मा वर्पो॑ अ॒स्मदप॑ गू॒ह ए॒तद्य॑दन्यरूपः स॒मिथे॑ ब॒भूथ॑ । 68

**2.2.12.6**

अ॒ग्ने दा॑ दा॒शुषे॑ र॒यिं वी॑र॒वन्तं॑ प॒रीण॑सं । शि॒शीहि॑ नः स॒नू॒मतः॑ ।  
 दा नो॑ अ॒ग्ने श॒तिनो॑ दाः स॒हस्रि॑णो दु॒रो न वाज॑ऽश्रु॒त्या अ॒पा वृ॑धि ।  
 प्रा॒ची द्या॑वापृ॒थिवी॑ ब्र॒ह्मणा॑ कृ॒धि सु॒वर्णं॑ शु॒क्रमु॒षसो॑ वि दि॒द्युतुः॑ ।  
 अ॒ग्निर्दा॑ द्रवि॒णं वी॑रपे॒शा अ॒ग्निर्ऋ॑षिं यः स॒हस्रा॑ स॒नोति॑ ।  
 अ॒ग्निर्दिवि॑ ह॒व्यमा॑ त॒ताना॒ग्नेर्धा॑मानि वि॒भृता॑ पु॒रुत्रा॑ । मा – [ ] 69

**2.2.12.7**

नो॑ म॒र्धी > [ 6 ], रा॑ तू॒ भ॒र > [ 7 ] ।

घृ॒तं न॑ पू॒तं त॒नू॒र॒रे॒पाः शु॒चि॑ हि॒र॒ण्यं । तत् ते॑ रु॒क्मो॑ न रो॒चत॑ स्व॒धावः॑ ।  
उ॒भे सु॑श्च॒न्द्र॒ सर्पि॑षो॒ द॒र्वी श्री॑णीष॒ आ॒स॒नि । उ॒तो न॑ उ॒त् पु॑पू॒र्या उ॒क्थे॑षु  
श॒व॒स॒स्प॒त इ॒षः स्तो॑तृ॒भ्य आ॑ भ॒र । वा॒यो श॒तः ह॒री॒णां यु॑व॒स्व  
पो॒ष्या॒नां । उ॒त वा॑ ते॒ सह॒स्रि॒णो रथ॑ आ॒ या॒तु पा॑ज॒सा । प्र॒ या॒भि - [ ] 70

**2.2.12.8**

-र्या॑सि दा॒श्वाः सम॑च्छा॒ नियु॑द्धि-र्वा॒यवि॑ष्टये॒ दुरो॑णे ।  
नि नो॑ र॒यिः सु॒भो॒ज॒सं यु॑वे॒ह नि॑ वी॒र॒वद्-ग॒व्यम॑श्चि॒यं च॒ रा॒धः ।  
रे॒वती॑र्नः स॒ध॒मा॒द इ॒न्द्रे स॑न्तु तु॒विवा॑जाः । क्षु॒म॒न्तो या॒भिर्म॑दे॒म ।  
रे॒वाः इ॒न्द्रे॒वतः॑ स्तो॒ता स्या॑त् त्वा॒वतो॑ म॒घो॒नः ।  
प्रे॒दु ह॒रि॒वः श्रु॑त॒स्य । 71

(द॒धा॒नो - जि॒नो॒षि - दे॒भुः प्र - ह॒व्यं - ब॒भू॒थ - मा - या॒भि -  
श्र॒त्वा॒रिः श॒च्च ) (A12)

**Prasna Korvai with starting Padams of 1 to 12 Anuvaakams :-**

(प्र॒जाप॑ति॒स्ताः सृ॒ष्टा – अ॒ग्नये॑ पथि॒कृते॑ – ग्नये॑ का॒माया॑ – ग्नये॑न्न॒वते॑  
– वै॒श्वान॑र – मा॒दित्यं॑ च॒रु – मै॒न्द्रं च॒रु – मि॒न्द्राया॑न्वृ॒जव॑ – आ॒ग्नावै॑ष्णव  
– म॒सौ सो॒मारौ॑द्र॒मैन्द्र॑ – मे॒काद॑श॒कपाल॑ꣳ – हि॒रण्य॑ग॒र्भो – द्वा॒दश॑ )

**Korvai with starting Padams of 1, 11, 21 Series of Panchaatis :-**

(प्र॒जाप॑ति – र॒ग्नये॑ का॒माया॑ – ऽभि॑ सं भ॒वतो॑ – यो वि॒द्विषा॑णयो  
– रि॒ध्मे स॒न्न ह्ये॑ – दा॒ग्नावै॑ष्णवमु॒ – परि॑ष्टा – द्या॒सि दा॒श्वाꣳस॑ –  
मे॒कस॑प्ततिः )

**First and Last Padam of Second Prasnam of Kandam 2 :-**

(प्र॒जाप॑तिः – प्रे॒दु ह॑रि॒वः श्रु॑त॒स्य)

॥ हरिः ओं ॥

॥ कृष्ण यजुर्वेदीय तैत्तिरीय संहितायां द्वितीयकाण्डे द्वितीयः प्रश्नः समाप्तः ॥

## 2.2.1 Appendix

2.2.12.1 – हिरण्यगर्भ ><sup>1</sup>,

हिरण्यगर्भः समवर्तताग्रे भूतस्य जातः पतिरेक आसीत् ।  
स दाधार पृथिवीं द्यामुतेमां कस्मै देवाय हविषा विदेम ॥

(Appearing in TS 4-1-8-3)

---

2.2.12.1 – आपो ह यत् ><sup>2</sup>,

आपो ह यन् महती विश्वमायन् दक्षं दधाना जनयन्तीरग्निं ।  
ततो देवानां निरवर्ततासुरेकः कस्मै देवाय हविषा विधेम ॥

(Appearing in TS 4-1-8-3)

---

2.2.12.1 – प्रजापते ><sup>3</sup>

प्रजापते न त्वदेतान्यन्यो विश्वा जातानि परि ता बभूव ।  
यत्कामास्ते जुहुमस्तन्नो अस्तु वयं स्याम पतयो रयीणां ॥

(Appearing in TS 1-8-14-2)

---

---

**2.2.12.1 – उदुत्यं>** 4

उदु॑ त्यं॑ जा॒तवे॑दसं दे॒वं वह॑न्ति के॒तवः॑ ।

दृ॒शो वि॒श्वाय॑ सूर्यं॑ ॥ (Appearing in TS 1-4-43-1)

---

**2.2.12.1 – चित्रं>** 5

चि॒त्रं दे॒वाना॑-मु॒दगा॑दनी॒कं चक्षु॑ मि॒त्रस्य॑ वरु॒णस्या॑ग्नेः ।

आ॒ऽप्रा द्या॑वापृ॒थिवी॑ अ॒न्तरि॑क्षं सूर्य॑ आ॒त्मा जग॑तस्त॒स्थुष॑श्च ॥

(Appearing in TS 1-4-43-1)

---

**2.2.12.7 – नो मर्धी>** 6

मा नो॑ म॒र्धीरा॑ भ॒रा द॒द्धि तन्नः॑ प्र दा॒शुषे॑ दा॒तवे॑ भूरि॒ यत् ते॑ ॥

नव्ये॑ दे॒ष्णो श॒स्ते अ॒स्मिन् त॑ उ॒क्थे॑ प्र ब्र॒वाम॑ व॒यमिन्द्र॑ स्तु॒वन्तः॑ ॥

(Appearing in TS 1-7-13-3)

---



2.2.12.7 – रा तू भर> 7

आ तू भर॑ माकि॑रेतत् परि॑ष्ठाद्वि॒द्मा हि त्वा वसु॑पतिं वसू॑नां ।  
इन्द्र॑ यत् ते माहि॑नं द॒त्रमस्त्यस्म॑भ्यं तद्ध॑र्यश्च प्रय॑न्धि ॥

(Appearing in TS 1-7-13-3)

-----

ओं नमः परमात्मने, श्री महागणपतये नमः,

श्री गुरुभ्यो नमः, हरिः ओं

## 2.3 द्वितीयकाण्डे तृतीयः प्रश्नः – इष्टिविधानं

### 2.3.1.1

आ॒दि॒त्ये॒भ्यो॒ भुव॑द्वद्-भ्यश्च॒रुं॒ निर्व॑पेद्-भू॒ति॒काम॑ आ॒दि॒त्या वा ए॒तं भू॒त्यै॑  
प्र॒ति नुद॑न्ते योऽ॒लं भू॒त्यै सन् भू॒तिं न प्रा॒प्नो॒त्यादि॒त्याने॒व भुव॑द्वतः स्वे॒न  
भा॒ग॒धे॒येनो॒प धा॒वति॑ त ए॒वैनं॑ भू॒तिं ग॒मय॑न्ति भव॒त्ये॒वा ऽ॒दि॒त्ये॒भ्यो  
धा॒रय॑द्वद्-भ्यश्च॒रुं निर्व॑पेदप॒रुद्धो॑ वाऽप॒रुध्य॑मानो वाऽ॒दि॒त्या वा  
अ॒परो॒द्धार॑ आ॒दि॒त्या अ॒वग॑मयि॒तार॑ आ॒दि॒त्याने॒व धा॒रय॑द्वतः – [ ] 1

### 2.3.1.2

स्वे॒न भा॒ग॒धे॒येनो॒प धा॒वति॑ त ए॒वैनं॑ वि॒शि दा॑ध्रत्यनप॒रुध्यो॑  
भ॒वत्य॑दि॒तेऽनु॑ म॒न्यस्वे॒-त्य॑प॒रुध्य॑मानोऽस्य॒ प॒द॒मा द॑दी॒तेयं॑ वा  
अ॒दि॒तिरि॒यमे॒वास्मै॑ रा॒ज्य॑मनु॒ मन्य॑ते स॒त्याऽऽशी॑रित्याह स॒त्यामे॒वाऽऽशि॑षं

कुरु॒त इ॒ह म॒न इ॒त्याह॑ प्र॒जा ए॒वास्मै॑ स॒मन॑सः क॒रोत्यु॒प

प्रे॒त म॒रुतः॑ - [ ] 2

### 2.3.1.3

सु॒दान॑व ए॒ना वि॒श॒पति॑नाऽभ्य॒मुञ् राजा॑न॒मित्या॑ह मा॒रुती॑ वै वि॒ड् ज्ये॒ष्ठो  
वि॒श॒पति॑र्वि॒शैवैन॑ञ् रा॒ष्ट्रेण॑ स॒मर्ध॑यति यः प॒रस्ता॑द् ग्रा॒म्यवा॑दी स्यात्  
तस्य॑ गृ॒हाद्-ब्री॒हीना॑ ह॒रेच्छु॑क्लाञ्च कृ॒ष्णाञ्च॑ वि चि॒नुया॑द्ये  
शु॒क्लाः स्यु॑स्त॒मादि॒त्यं च॒रुं निर्व॑पे॒दादि॒त्या वै दे॒वत॑या वि॒ड् वि॒शमे॑वाव  
गच्छ॑ - [ ] 3

### 2.3.1.4

-त्य॑व॒गताऽस्य॑ वि॒डन॑व॒गतञ् रा॒ष्ट्रमि॑त्याहु॒र्ये कृ॒ष्णाः स्यु॑स्तं वा॒रुणं॑ च॒रुं  
निर्व॑पे॒द्वा॒रुणं॑ वै रा॒ष्ट्रमु॑भे ए॒व वि॒शं च॑ रा॒ष्ट्रं चा॒व गच्छ॑ति यदि  
ना॒वगच्छे॑दि॒म-म॒हमा॑दि॒त्येभ्यो॑ भा॒गं निर्व॑पा॒म्या ऽमु॑ष्मा॒दमु॑ष्यै  
वि॒शोऽव॑गन्तो॒रिति॑ निर्व॑पे॒दादि॒त्या ए॒वैनं॑ भा॒गधे॑यं प्रे॒प्सन्तो॑  
वि॒शम॑व - [ ] 4

**2.3.1.5**

गमयन्ति॑ यदि॒ नाव॑गच्छे॒दाश्च॑त्थान् म॒यू॒खान्॑ सप्त॒ म॒ध्य॒मेषा॑यामुप॒  
ह॒न्यादि॑दमह॒-मा॒दि॒त्यान् ब॒ध्ना॒म्या ऽमु॒ष्माद॑मुष्यै॒ विशो॑ऽव॒गन्तो॑रि॒त्यादि॒त्या  
ए॒वैनं॑ ब॒द्धवी॑रा वि॒शम॑व गमयन्ति॑ यदि॒ नाव॑गच्छे॒देत॑मेवाऽऽदि॒त्यं च॒रुं  
निर्व॑पेदि॒ध्मेऽपि॑ म॒यू॒खान्॑ सं नह्ये॒दन॑प॒रुध्य॑मे॒वाव ग॑च्छ॒त्या-श्च॑त्था  
भव॑न्तिम॒रुतां॑ वा ए॒त ( ) -दो॒जो यद॑श्च॒त्थ ओज॑सै॒व वि॒शम॑व गच्छति॑  
सप्त॒ भव॑न्ति सप्त॒ गणा॑ वै म॒रुतो॑ गण॒श ए॒व वि॒शम॑व गच्छति॑ । 5  
(धा॒रय॑द्व॒तो - म॒रुतो॑ - ग॒च्छति॑ - वि॒शम॑वै - त - द॒ष्टाद॑श च) (A1)

**2.3.2.1**

दे॒वा वै मृ॒त्योर्बि॑भयु॒स्ते प्र॒जाप॑तिमु॒पाधा॑वन् तेभ्य॑ ए॒तां प्रा॑जाप॒त्याꣳ  
श॒तकृ॑ष्ण॒लां नि॑रव॒पत् तयै॑वैष्व॒मृत॑म॒दधा॑द्यो मृ॒त्योर्बि॑भी॒यात् तस्मा॑  
ए॒तां प्रा॑जाप॒त्याꣳ श॒तकृ॑ष्ण॒लां निर्व॑पेत् प्र॒जाप॑तिमे॒व स्वेन॑  
भा॒गधे॑येनोप॒ धाव॑ति स ए॒वास्मि॑न्नायु॒र्दधा॑ति स॒र्वमा॑युरेति श॒तकृ॑ष्ण॒ला  
भव॑ति श॒तायुः॑ पु॒रुषः॑ श॒तेन्द्रि॑य॒ आयु॑ष्येवेन्द्रि॒ये - [ ] 6

**2.3.2.2**

प्रति॑ तिष्ठति॑ घृ॒ते भ॒व॒त्यायु॑र्वै॒ घृ॒तम॑मृतं॑ हिर॑ण्यमायुश्चै॒वास्मा॑  
अमृ॑तं च॒ समी॑ची दधाति च॒त्वारि॑ च॒त्वारि॑ कृ॒ष्णलान्य॑व द्यति चतु॑रवत्  
तस्याऽऽप्त्या॑ एक॒धा ब्र॒ह्मण॑ उप॒ हर॑त्येक॒धैव॑ यज॒मान॑ आयु॑र्दधात्य-  
सावा॑दित्यो न व्य॒रोच॑त तस्मै॑ दे॒वाः प्राय॑श्चित्तिमैच्छन् तस्मा॑ ए॒तं सौ॒र्यं  
चरुं॑ निर॑वपन् तेनै॒वास्मिन् - [ ] 7

**2.3.2.3**

रुच॑मदधु॒र्यो ब्र॒ह्मव॑र्चस॒कामः॑ स्यात् तस्मा॑ ए॒तं सौ॒र्यं चरुं॑  
निर्व॑पेदमु॒मेवाऽऽदि॒त्यं स्वे॑न भा॒गधे॑येनोप॒ धाव॑ति स ए॒वास्मिन्  
ब्र॒ह्मव॑र्चसं दधाति ब्र॒ह्मव॑र्चस्यै॒व भव॑त्युभयतो॒ रुक्मौ॑ भवत उ॒भयत॑  
ए॒वास्मिन् रुचं॑ दधाति प्रया॒जे प्रया॒जे कृ॒ष्णलं॑ जुहोति दिग्भ्य  
ए॒वास्मै॑ ब्र॒ह्मव॑र्चसमव॒ रुन्ध॑ आग्ने॒यम॑ष्टाकपालं॒ निर्व॑पेथ् सावि॒त्रं  
द्वाद॑शकपालं॒ भूम्यै॑ - [ ] 8

**2.3.2.4**

चरुं॑ यः॑ का॒मये॑त हि॒रण्यं॑ वि॒न्देय॑ हि॒रण्यं॑ मो॒ष न॑मे॒दिति॑ यदा॒ग्नेयो॑  
 भव॑त्याग्नेयं॑ वै हि॒रण्यं॑ य॒स्यैव॑ हि॒रण्यं॑ तेनै॒वैन॑द् वि॒न्दते॑ सा॒वित्रो॑ भवति  
 सवि॑तृप्र॒सूत॑ ए॒वैन॑द्-वि॒न्दते॑ भू॒म्यै च॑रुर्भवत्यस्यामे॒वैन॑द्-वि॒न्दत॑  
 उपै॒न॒ हि॒रण्यं॑ नमति॒ वि वा ए॒ष इ॒न्द्रिये॑ण वी॒र्ये॑ण॒र्ध्यते॑ यो हि॒रण्यं॑  
 वि॒न्दत॑ ए॒ता - [ ] 9

**2.3.2.5**

-मे॒व नि॒र्वपे॑द्धि॒रण्यं॑ वि॒त्त्वा ने॒न्द्रिये॑ण वी॒र्ये॑ण व्य॒ध्यत॑ ए॒तामे॒व  
 नि॒र्वपे॑द्धस्य हि॒रण्यं॑ नश्ये॒द्यदा॒ग्नेयो॑ भव॑त्याग्नेयं॑ वै हि॒रण्यं॑  
 य॒स्यै व हि॒रण्यं॑ तेनै॒वैन॑द्-वि॒न्दति॑ सा॒वित्रो॑ भवति सवि॑तृ-प्र॒सूत॑  
 ए॒वैन॑द्-वि॒न्दति॑ भू॒म्यै च॑रुर्भवत्यस्यां॑ वा ए॒तन्न॑श्यति॒  
 यन्न॑श्यत्यस्यामे॒वैन॑द्-वि॒न्दतीन्द्र॑ - [ ] 10

**2.3.2.6**

-स्त्व॒ष्टुः सो॒मम॑भीषहाऽ पिब॒थ् स वि॒ष्वङ् व्या॑र्च्छ॒थ् स इ॒न्द्रिये॑ण  
 सो॒मपी॒थेन॑ व्या॒र्ध्यत॑ स यदू॒र्ध्वमु॒दव॑मीत् ते श्या॒माका॑ अभव॒न्त्स

प्र॒जाप॒तिमु॒पाधा॒वत् तस्मा॑ ए॒तꣳ सो॒मेन्द्रꣳ॑ श्या॒माकं॑ च॒रुं नि॒रव॒पत्  
ते॒नैवा॒स्मिन्नि॒न्द्रियꣳ॑ सो॒मपी॒थम॑द॒धाद्वि॑ वा ए॒ष इ॒न्द्रिये॑ण  
सो॒मपी॒थेन॑ ध॒र्यते॑ यः सो॒मं व॑मि॒ति यः सो॒मवा॒मी स्या॑त् तस्मा॑ – [ ] 11

### 2.3.2.7

ए॒तꣳ सो॒मेन्द्रꣳ॑ श्या॒माकं॑ च॒रुं नि॒र्वपे॑त् सो॒मं चै॒वेन्द्रं॑ च  
स्वे॒न भा॒गधे॒येनो॑प॒ धाव॑ति ता॒वेवा॒स्मिन्नि॒न्द्रियꣳ॑ सो॒मपी॒थं ध॑त्तो  
ने॒न्द्रिये॑ण सो॒मपी॒थेन॑ व्य॒ध्यते॑ यत् सो॒म्यो भ॑वति सो॒मपी॒थमे॒वाव  
रु॒न्धे यदै॒न्द्रो भ॑वती॒न्द्रियं॑ वै सो॒मपी॒थ इ॒न्द्रिय॑मे॒व सो॒मपी॒थम॑व  
रु॒न्धे श्या॒माको॑ भ॒वत्ये॑ष वा॒व स सो॒मः – [ ] 12

### 2.3.2.8

सा॒क्षादे॒व सो॒मपी॒थम॑व रु॒न्धे ग॒नये॑ दा॒त्रे पु॒रोडा॑शम॒ष्टाक॑पालं  
नि॒र्वपे॑दि॒न्द्राय॑ प्र॒दात्रे॑ पु॒रोडा॑शमे॒काद॑शकपालं प॒शुकामो॑ऽग्निरे॒वास्मै॑  
प॒शून् प्र॑ज॒नय॑ति वृ॒द्धानि॒न्द्रः प्र॑ य॒च्छति॑ दधि मधु घृ॒तमा॑पो धा॒ना  
भ॒वन्त्ये॒तद्वै प॒शूनाꣳ॑ रू॒पꣳ रू॒पेणै॒व प॒शून्व रु॒न्धे पञ्च॑-गृही॒तं भ॑वति

पा॒ङ्गा हि प॒शवो॑ बहु॒ रूपं॑ भवति बहु॒ रूपा॑ हि प॒शवः॑- [ ] 13

### 2.3.2.9

समृ॑द्ध्यै प्राजाप॒त्यं भवति॑ प्राजाप॒त्या वै प॒शवः॑ प्रजाप॑तिरेवास्मै  
प॒शून् प्र॒जनय॑त्यात्मा वै पु॒रुष॑स्य मधु॒ यन्मध्व॑ग्नौ जु॒होत्या॑त्मानमे॒व  
तद्-यज॑मानोऽग्नौ प्र॒दधा॑ति प॒ङ्क्त्यौ॑ याज्यानुवाक्ये॑ भवतः पा॒ङ्कः  
पु॒रुषः॑ पा॒ङ्गाः प॒शव॑ आ॒त्मानमे॒व मृ॒त्योर्निष्क्री॑यप॒शून्व रु॒न्धे । 14

(इन्द्रि॑यै - ऽस्मिन् - भूम्या॑ - एता - मिन्द्र - स्यात् तस्मै - सोमो॑  
- बहु॒ रूपा॑ हि प॒शव॑ - एकच॑त्वारिंशच्च ) (A2)

### 2.3.3.1

दे॒वा वै स॒त्रमा॑सत-र्धिपरि॒मितं॑ य॒शस्का॑मास्तेषां॑ सोमं॑  
राजा॑नं य॒श आ॑च्छथ् स गि॒रिमु॑दैत् तम॒ग्निरनू॑दैत् ताव॒ग्नीषो॑मौ  
सम॑भवतां ताविन्द्रो॑ य॒ज्ञवि॑भ्रष्टोऽनु॒ परै॑त् ताव॒ब्रवी॑द्याजयतं मेति  
तस्मा॑ ए॒तामि॑ष्टिं निरवपतामाग्नेय-म॒ष्टाक॑पालमैन्द्र-मे॒काद॑शकपालं॑  
सौम्यं॑ च॒रुं तयै॑वास्मिन् तेज - [ ] 15



**2.3.3.2**

इन्द्रियं ब्रह्मवर्चसमधत्तां यो यज्ञविभ्रष्टः स्यात् तस्मा एतामिष्टिं  
 निर्वपेदाग्नेय-मष्टाकपालमैन्द्र-मेकादशकपालं सौम्यं चरुं  
 यदाग्नेयो भवति तेज एवास्मिन् तेन दधाति यदैन्द्रो  
 भवतीन्द्रियमेवास्मिन् तेन दधाति यथ् सौम्यो ब्रह्मवर्चसं तेना ऽऽग्नेयस्य  
 च सौम्यस्य चैन्द्रे समाश्लेषयेत् तेजश्चैवास्मिन् ब्रह्मवर्चसं  
 च समीची - [ ] 16

**2.3.3.3**

दधात्यग्नीषोमीय-मेकादशकपालं निर्वपेद्यं कामो नोपनमेदाग्नेयो  
 वै ब्राह्मणः स सोमं पिबति स्वामेव देवतां स्वेन भागधेयेनोप धावति  
 सैवैनं कामेन समर्धयत्युपैनं कामो नमत्यग्नीषोमीय-मष्टाकपालं  
 निर्वपेद्-ब्रह्मवर्चसकामो-ऽग्नीषोमा वेव स्वेन भागधेयेनोप धावति  
 तावेवास्मिन् ब्रह्मवर्चसं धत्तो ब्रह्मवर्चस्येव- [ ] 17

**2.3.3.4**

भवति॑ यद॒ष्टाक॑पाल-स्तेनाऽऽग्ने॑यो यच्छ॒यामाक॑स्तेन॒ सौम्यः॑ समृ॒द्ध्यै॑  
सोमा॑य वा॒जिने॑ श्यामाकं॒ चरुं॑ निर्व॒पेद्यः॑ क्लै॒ब्याद्वि॑भीयाद् रे॒तो हि॑ वा  
ए॒तस्माद्-वा॑जिनमपक्रामत्यथैष क्लै॒ब्याद्वि॑भाय सोममे॒व वा॑जिनः॒  
स्वेन॑ भा॒गधे॑येनोप॒ धाव॑ति स ए॒वास्मिन्॑ रे॒तो वा॑जिनं दधाति न क्ली॒बो  
भव॑तिब्राह्मणस्पत्य-मेकादशकपालं॒ निर्व॒पेद् ग्राम॑कामो - [ ] 18

**2.3.3.5**

ब्रह्म॑णस्पतिमे॒व स्वेन॑ भा॒गधे॑येनोप॒ धाव॑ति स ए॒वास्मै॑ सजा॒तान्  
प्र यच्छ॑ति ग्राम्ये॒व भव॑ति गण॒वती॑ याज॒यानुवा॑क्ये भवतः सजा॒तैरे॒वैनं॑  
गण॑वन्तं करोत्ये॒तामे॒व निर्व॒पेद्यः॑ कामये॒त ब्र॒ह्मन् विशं॑ वि॒ नाश॑येयमिति  
मा॒रुती॑ या॒ज्यानुवा॑क्ये कुर्याद् ब्रह्म॒न्ने॒व  
विशं॑ वि॒ नाश॑यति । 19 (तेजः॑ - समी॒ची - ब्रह्म॑वर्चस्ये॒व -  
ग्राम॑काम - स्त्रिच॑त्वारिंशच्च ) (A3)

**2.3.4.1**

अ॒र्य॒म्णे च॒रुं निर्व॑पेत् सु॒वर्ग॑का॒मोऽसौ॑ वा आ॒दि॒त्योऽर्य॑मा॒र्य॒मण॑मे॒व  
स्वेन॑ भा॒ग॒धेये॑नोप॑ धावति॑ स ए॒वैनं॑ सु॒वर्गं॑ लो॒कं ग॑मयत्य॒र्य॒म्णे  
च॒रुं निर्व॑पेद्यः॒ का॒मये॑त दान॒क॒मा मे॑ प्र॒जाः स्यु॑रित्य॒सौ वा आ॒दि॒त्योऽर्य॑मा  
यः खलु॑ वै द॒दाति॑ सोऽर्य॑मा॒र्य॒मण॑मे॒व स्वेन॑ भा॒ग॒धेये॑नोप॑  
धावति॑ स ए॒वा - [ ] 20

**2.3.4.2**

-स्मै दान॒क॒माः प्र॒जाः करो॑ति दान॒क॒मा अ॒स्मै प्र॒जा भ॑वन्त्य॒र्य॒म्णे च॒रुं  
निर्व॑पेद्यः॒ का॒मये॑त स्व॒स्ति ज॒नता॑मि॒यामि॒त्यसौ॑ वा आ॒दि॒त्योऽर्य॑मा-  
र्य॒मण॑मे॒व स्वेन॑ भा॒ग॒धेये॑नोप॑ धावति॑ स ए॒वैनं॑ तद्-ग॑मयति॒ यत्र  
जि॒गमि॑षतीन्द्रो॒ वै दे॒वाना॑मा॒नुजा॑वर॒ आसी॑त् स प्र॒जाप॑तिमुपा॒धावत्  
तस्मा॑ ए॒तमै॒न्द्रमा॑नु॒षूक॑मे॒काद॑शक॒पालं॑ नि- [ ] 21

**2.3.4.3**

-रव॑पत् तेनै॒वैन॑म॒ग्रं दे॒वता॑नां॒ पर्य॑णयद् बु॒ध्नव॑ती अ॒ग्रव॑ती  
याज्या॑नुवा॒क्ये अ॒करो॑द् बु॒ध्ना-दे॒वैन॑म॒ग्रं पर्य॑णयद्यो॒ राज॑न्य आ॒नुजा॑वरः

स्यात् तस्मा ए॒तमै॒न्द्रमा॒नु॒षू॒क-मे॒काद॒शक॒पालं॑ नि॒र्वपे॒दिन्द्र॒मे॒व स्वे॒न  
भा॒ग॒धे॒ये॒नो॒प धा॒वति॑ स ए॒वैन॒मग्रं॑ स॒माना॒नां परि॑णयति बु॒ध्नव॒ती अ॒ग्रव॒ती  
या॒ज्यानु॒वाक्ये॑ भवतो बु॒ध्नादे॒वैन॒मग्रं॑ - [ ] 22

#### 2.3.4.4

परि॑ णयत्यानु॒षू॒को भव॑त्येषा ह्ये॒तस्य॑ दे॒वता॑ य आ॒नुजा॒वरः  
समृ॑द्ध्यै यो ब्रा॒ह्मण॑ आ॒नुजा॒वरः स्यात् तस्मा ए॒तं बा॒र्हस्प॒त्यमा॒नु॒षू॒कं  
च॒रुं नि॒र्वपे॒द् बृ॒हस्प॒तिमे॒व स्वे॒न भा॒ग॒धे॒ये॒नो॒प धा॒वति॑ स ए॒वैन॒मग्रं॑  
स॒माना॒नां परि॑णयति बु॒ध्नव॒ती अ॒ग्रव॒ती या॒ज्यानु॒वाक्ये॑ भवतो  
बु॒ध्नादे॒वैन॒मग्रं॑ परि॑ णयत्यानु॒षू॒को भव॑त्येषा ह्ये॒तस्य॑ ( ) दे॒वता॑ य  
आ॒नुजा॒वरः समृ॑द्ध्यै । 23

(ए॒व - नि॒र - ग्र॑-मे॒तस्य॑ - च॒त्वारि॑ च) (A4)

#### 2.3.5.1

प्र॒जाप॑ते॒स्त्रय॑स्त्रिं॒शद् दु॒हित॑र आ॒सन् ताः सो॒माय॑ रा॒ज्ञेऽद॒दात् तासां॑  
रो॒हिणी॑मु॒पैत् ता ई॒र्ष्यन्तीः॑ पु॒नर॑गच्छन् ता अ॒न्वैत् ताः पु॒नर॑याचत ता

अ॒स्मै न पुन॑रद॒दात् सोऽब्र॑वीदृतममी॒ष्व यथा॑ समाव॒च्छ उपै॑ष्याम्यथ ते  
पुन॑र्दास्यामीति स ऋ॒तमा॑मीत् ता अ॒स्मै पुन॑रद॒दात् तासा॑  
रोहि॒णीमे॒वोपै॒त् - [ ] 24

### 2.3.5.2

तं य॑क्ष्म आ॒र्च्छत्-रा॒जानं॑ य॑क्ष्म आ॒रदिति॑ तद्-रा॒जय॑क्ष्मस्य जन्म यत्  
पापी॑यान॒भवत् तत् पा॑पय॒क्ष्मस्य॑ यज्जा॒याभ्योऽवि॑न्दत् तज्जा॒येन्य॑स्यय  
ए॒वमे॒तेषां॑ य॑क्ष्माणां जन्म वेद नैनमे॒ते य॑क्ष्मा वि॒न्दन्तिस॑ ए॒ता ए॒व  
नम॑स्यन्नुपा॒धावत् ता अ॑ब्रुवन् वरं वृ॒णाम॑है समाव॒च्छ ए॒व न उ॒पाय॑ इति  
तस्मा॑ ए॒त - [ ] 25

### 2.3.5.3

-मा॒दित्यं॑ चरुं नि॒रव॑पन् तेनै॒वैनं॑ पा॒पाथ् स्रा॑मादमुञ्चन्  
यः पा॑पय॒क्ष्मगृ॑हीतः स्यात् तस्मा॑ ए॒तमा॒दित्यं॑ चरुं निर्व॑पेददियाने॒व  
स्वेन॑ भा॒गधे॒येनो॑प धवति त ए॒वैनं॑ पा॒पाथ् स्रा॑मान्मुञ्चन्त्य-मा॒वास्या॑यां  
निर्व॑पेदमु॒मे॒वैनं॑-मा॒प्याय॑मान-मन्वा प्याययति नवो॒नवो॑ भवति जा॒यमान॑

इति॑ पु॒रोऽनु॒वाक्या॑ भव॒त्यायु॑रे॒वास्मिन्॑ ( ) तया॑ दधाति॑ यमा॒दित्या॑

अ॒ञ्शु॒माप्या॑ययन्तीति॑ याज्यै॑वैनमे॒तया॑ प्याययति॑ । 26

(ए॒वोपै॑ –त– म॒स्मिन् – त्रयो॑दशच) (A5)

### 2.3.6.1

प्रजा॑पति॒ दे॒वेभ्यो॑ऽन्नाद्यं॑ व्यादि॒शत् सोऽब्र॑वीद्यदि॒मान्

लो॒कान॒भ्यति॑रि॒च्यातै॑ तन्ममा॒सदि॑ति॒ तदि॒मान् लो॒कान॒भ्यत्य॑रि॒च्यतेन्द्र॑

राजा॑नमिन्द्रम॒धिरा॑जमिन्द्र॑ स्वरा॒जानं॑ ततो॒ वै स इ॒मान् लो॒का

स्त्रे॒धाऽदु॑हत् तत् त्रि॒धातो॑स्त्रि॒धातु॑त्वं यं का॒मये॑तान्नादः॒ स्यादि॑ति॒ तस्मा॑ ए॒तं

त्रि॒धातुं॑ निर्व॒पेदि॑न्द्राय॒ राज्ञे॑ पु॒रोडा॑श – [ ] 27

### 2.3.6.2

–मे॒काद॑शकपाल–मिन्द्रा॒या–धि॒राजा॑येन्द्राय॒ स्वरा॒ज्ञेऽयं॑ वा इन्द्रो॒

राजा॑ऽयमिन्द्रो–ऽधि॒राजो॑–ऽसा॒विन्द्रः॑ स्वरा॒डिमा॑ने॒व लो॒कान्थ्–स्वे॑न

भा॒गधे॑येनोप॒ धाव॑ति॒ त ए॒वास्मा॑ अन्नं॒ प्रय॑च्छन्त्यन्नाद॒ एव

भव॑ति॒ यथा॑ व॒थ्से॒न प्र॑त्तां गां दुह॒ एवमे॒वेमा॑न् लो॒कान् प्र॑त्तान्

काममन्नाद्यं दुह उत्तानेषु कपालेष्वधि श्रयत्ययातयामत्वाय  
 त्रयः ( ) पुरोडाशा भवन्ति त्रय इमे लोका एषां लोकानामाप्या  
 उत्तरउत्तरो ज्यायान् भवत्येवमिव हीमे लोकाः समृद्ध्यै  
 सर्वेषामभि-गमयन्नव द्यत्यच्छम्बट्कारं व्यत्यासमन्वाहानिर्दाहाय । 28

(पुरोडाशं - त्रयः - षड्विंशतिश्च) (A6)

### 2.3.7.1

देवासुराः सँयत्ता आसन् तान् देवानसुरा अजयन् ते देवाः पराजिग्याना  
 असुराणां वैश्यमुपाऽऽयन् तेभ्य इन्द्रियं वीर्यमपाक्रामत् तदिन्द्रोऽचायत्  
 तदन्वपाक्रामत् तदवरुधं नाशक्नोत् तदस्मादभ्यर्थो ऽचरथ् स  
 प्रजापतिमुपाधावत् तमेतया सर्वपृष्ठयाऽयाजयत् तयैवास्मिन्निन्द्रियं  
 वीर्यमदधाद्य इन्द्रियकामो - [ ] 29

### 2.3.7.2

वीर्यकामः स्यात् तमेतया सर्वपृष्ठया याजयेदेता एव देवताः स्वेन  
 भागधेयेनोप धावति ता एवास्मिन्निन्द्रियं वीर्यं दधतियदिन्द्राय राथन्तराय

निर्व॑पति॒ यदे॒वाग्ने॑-स्ते॒जस्तदे॒वाव॑ रुन्धे॒यदिन्द्रा॑य॒ बार्ह॑ताय॒ यदे॒वेन्द्र॑स्य॒  
ते॒जस्तदे॒वाव॑ रुन्धे॒यदिन्द्रा॑य॒ वैरू॒पाय॑ यदे॒व स॒वितु॑स्ते॒जस्त॑ - [ ] 30

### 2.3.7.3

दे॒वाव॑ रुन्धे॒ यदिन्द्रा॑य॒ वैरा॒जाय॑ यदे॒व धा॒तुस्ते॒जस्तदे॒वाव॑ रुन्धे॒  
यदिन्द्रा॑य॒ शाक्व॑राय॒ यदे॒व मरु॑तां ते॒जस्तदे॒वाव॑ रुन्धे॒यदिन्द्रा॑य॒ रैव॑ताय॒  
यदे॒व बृ॒हस्प॑ते॒स्तेज॑स्तदे॒वाव॑ रुन्ध॒ एता॑वन्ति॒ वै ते॒जाँ॒सि ता॒न्ये॒वाव॑ रुन्धे॒  
उ॒त्ता॒नेषु॑ क॒पाले॑ष्वधि॒ श्रय॑त्यया॒तया॑म॒त्वाय॑ द्वा॒दश॑क॒पालः॑  
पु॒रोडा॑शो - [ ] 31

### 2.3.7.4

भव॑ति॒ वैश्व॑दे॒वत्वा॑य॒ सम॑न्तं॒ पर्य॑व॒द्यति॑ सम॒न्तमे॒वेन्द्रि॑यं॒ वी॒र्यं॑  
य॒जमा॑ने॒ दधा॑ति॒ व्य॒त्यास॑-म॒न्वाहा॑नि॒र्दाहा॑याश्च॒ ऋष॑भो॒ वृष्णि॑र्ब॒स्तः  
सा॒दक्षि॑णावृष॒त्वायै॑त॒यैव॑य॒जेता॑भि॒शस्य॑मान॒ एता॑श्चे॒द्वा अ॒स्यदे॒वता॑  
अ॒न्नम॑द॒न्त्यद॑न्त्यु॒वेवा॑स्य॒ मनु॑ष्याः । 32 (इन्द्रि॒यका॑मः -  
स॒वितु॑स्ते॒जस्तत् - पु॒रोडा॑शो - ऽष्टा॒त्रिंश॑च्च) (A7)



**2.3.8.1**

र॒जनो॒ वै कौ॒णो॒यः॒ क्र॒तु॒जि॒तं॒ जा॒नकिं॑ चक्षु॒र्वन्य॑मयात् तस्मा॑  
 ए॒तामि॒ष्टिं॒ नि॒रव॑पद॒ग्नये॑ भ्राज॒स्वते॑ पु॒रोडा॑शम॒ष्टाक॑पालꣳ  
 सौ॒र्यं च॒रुम॑ग्नये॒ भ्राज॑स्वते पु॒रोडा॑शम॒ष्टाक॑पालं तयै॒वास्मिन्  
 चक्षु॑रदधाद्-य-श्चक्षु॒कामः॑ स्यात् तस्मा॑ ए॒तामि॒ष्टिं॒ नि॒र्वपे॑द॒ग्नये॑  
 भ्राज॑स्वते पु॒रोडा॑शम॒ष्टाक॑पालꣳ सौ॒र्यं च॒रुम॑ग्नये॒ भ्राज॑स्वते  
 पु॒रोडा॑शम॒ष्टाक॑पालम॒ग्ने वै चक्षु॑षा म॒नुष्या॑ वि - [ ] 33

**2.3.8.2**

पश्य॑न्ति सूर्य॑स्य दे॒वा अ॒ग्निं चै॒व सूर्यं॑ च स्वे॒न भा॒गधे॑येनोप॒ धाव॑ति  
 तावे॒वास्मिन् चक्षु॑र्धत्तश्चक्षु॒ष्माने॒व भव॑ति यदा॒ग्नेयौ॑ भवतश्चक्षु॒षी  
 ए॒वास्मिन् तत् प्र॑ति दधाति यथ् सौ॒र्यो ना॒सिकां॑ तेना॒भितः॑ सौ॒र्यमा॑ग्नेयौ  
 भव॑तस्तस्माद॒भितो॑ ना॒सिकां॑ चक्षु॒षी तस्मान्ना॒सिकया॑ चक्षु॒षी वि॑धृते  
 समा॒नी या॑ज्यानुवाक्ये॑ भवतः॒ समानꣳ हि ( ) चक्षुः॑ समृद्ध्य॒ उदु॑त्यं  
 जा॒तवे॑दसꣳ स॒प्त त्वा॑ ह॒रितो॑ रथे॒ चित्रं॑ दे॒वाना॑मुदगादनीकमिति पिण्डान्

प्रयच्छति चक्षुरेवास्मै प्रयच्छति यदेव तस्य तत् । 34

(वि - ह्य - षाविञ्शतिश्च) (A8)

### 2.3.9.1

ध्रुवोऽसि ध्रुवोऽहञ् सजातेषु भूयासं धीरश्चेत्ता वसुविद् ध्रुवोऽसि  
 ध्रुवोऽहञ् सजातेषु भूयासमुग्रश्चेत्ता वसुविद् ध्रुवोऽसि ध्रुवोऽहञ्  
 सजातेषु भूयासमभिभूश्चेत्ता वसुविदा मनमस्यामनस्य देवा ये सजाताः  
 कुमाराः समनसस्तानहं कामये हृदा ते मां कामयन्ताञ् हृदा तान् म  
 आमनसः कृधि स्वाहा ऽमनमस्या - [ ] 35

### 2.3.9.2

-मनस्य देवा याः स्त्रियः समनसस्ता अहं कामये हृदा ता मां  
 कामयन्ताञ् हृदा ता म आमनसः कृधि स्वाहा वैश्वदेवीञ्साङ्ग्रहणीं  
 निर्वपेद्ग्रामकामो वैश्वदेवा वै सजाता विश्वानेव देवान्त्स्वेन  
 भागधेयेनोप धावति त एवास्मै सजातान् प्र यच्छन्ति ग्राम्येव भवति  
 साङ्ग्रहणी भवति मनोग्रहणं वैसङ्ग्रहणं मन एव सजातानां - [ ] 36

**2.3.9.3**

गृ॒ह्णाति॑ ध्रु॒वोऽसि॑ ध्रु॒वोऽह॑ꣳ स॒जाते॑षु भू॒यास॑मिति परि॒धीन् परि॑  
दधा॒त्याशि॑षमे॒वैता॑मा शा॒स्तेऽथो॑ ए॒तदे॒व सर्व॑ꣳ स॒जाते॑ष्वधि॒ भवति॑  
यस्यै॒वं वि॒दुष॑ ए॒ते परि॑धयः परि॒धीय॑न्त आ॒म नम॑स्यामनस्य दे॒वा  
इति॑ ति॒स्र आ॒हुती॑ जु॒होत्ये॒ताव॑न्तो वै स॒जाता॑ ये म॒हान्तो॑ ये क्षु॒ल्लका॑ याः  
स्त्रि॒यस्ता॑ने॒वाव रु॒न्धे ( ) त ए॒नम॑वरुद्धा उप तिष्ठन्ते । 37

(स्वाहा ऽमनमसि – सजातानाꣳ – रुन्धे – पञ्च च ) (A9)

**2.3.10.1**

यन्न॒वमै॑त् तन्न॒वनी॑तमभवद्-यद॒सर्प॑त् तथ् स॒र्पिर॑भवद्-यद॒ध्रिय॑त्  
तद् घृ॒तम॑भवद॒श्विनोः॑ प्रा॒णोऽसि॑ तस्य ते दत्तां य॒योः प्रा॒णोऽसि॑  
स्वाहे॒न्द्रस्य॑ प्रा॒णोऽसि॑ तस्य ते ददातु यस्य प्रा॒णोऽसि॑ स्वाहा  
मि॒त्राव॑रुणयोः प्रा॒णोऽसि॑ तस्य ते दत्तां य॒योः प्रा॒णोऽसि॑ स्वाहा वि॒श्वेषां॑  
दे॒वानां॑ प्रा॒णोऽसि॑ – [ ] 38

**2.3.10.2**

तस्य ते ददतु येषां प्राणोऽसि स्वाहा घृतस्य धाराममृतस्य  
 पन्थामिन्द्रेण दत्तां प्रयतां मरुद्भिः । तत् त्वा विष्णुः पर्यपश्यत् तत्  
 त्वेडा गव्यैरयत् । पावमानेन त्वा स्तोमेन गायत्रस्य वर्तन्योपांशो  
 वीर्येण देवस्त्वा सवितोत् सृजतु जीवातवे जीवनस्यायै  
 बृहद्-रथन्तरयोस्त्वा स्तोमेन त्रिष्टुभो वर्तन्या शुक्रस्य वीर्येण  
 देवस्त्वा सवितोत् - [ ] 39

**2.3.10.3**

सृजतु जीवातवे जीवनस्याया अग्नेस्त्वा मात्रया जगत्यै वर्तन्याऽऽग्रयणस्य  
 वीर्येण देवस्त्वा सवितोत् सृजतु जीवातवे जीवनस्याया इममग्न आयुषे  
 वर्चसे कृधि प्रियं रेतो वरुण सोम राजन् । मा तेवास्मा अदिते शर्म यच्छ  
 विश्वे देवा जरदष्टिर्यथाऽसत् । अग्निरायुष्मान् स वनस्पतिभिरायुष्मान् तेन  
 त्वाऽऽयुषाऽऽयुष्मन्तं करोमि सोम आयुष्मान् ( ) स ओषधीभि र्यज्ञ  
 आयुष्मान् स दक्षिणाभि ब्रह्माऽऽयुष्मत् तद्-ब्राह्मणैरायुष्मद् देवा

आयुष्मन्तस्तेऽमृतेन पितर आयुष्मन्तस्ते स्वधयाऽऽयुष्मन्तस्तेन त्वा  
ऽऽयुषाऽऽयुष्मन्तं करोमि । 40

(विश्वेषां देवानां प्राणोऽसि – त्रिष्टुभो वर्तन्या शुक्रस्य वीर्येण  
देवस्त्वा सवितोथ – सोम आयुष्मान् – पञ्चविंशतिश्च) (A10)

### 2.3.11.1

अग्निं वा एतस्य शरीरं गच्छति सोमं रसो वरुण एनं वरुणपाशेन  
गृह्णाति सरस्वतीं वागग्नाविष्णू आत्मा यस्य ज्योगामयति यो  
ज्योगामयावी स्याद्यो वा कामयेत सर्वमायुरियामिति तस्मा एतामिष्टिं  
निर्वपेदाग्नेय – मष्टाकपालं सौम्यं चरुं वारुणं दशकपालं सारस्वतं  
चरुमाग्नावैष्णव – मेकादशकपाल – मग्नेरेवास्य शरीरं निष्क्रीणाति  
सोमाद्रसं – [ ] 41

### 2.3.11.2

वारुणेनैवैनं वरुणपाशान् मुञ्चति सारस्वतेन वाचं दधात्यग्निः  
सर्वा देवता विष्णुर्यज्ञो देवताभिश्चैवैनं यज्ञेन च भिषज्यत्युत

यदी॒ता॒सु॒ भ॒वति॒ जी॒वत्ये॒व यन्न॒वमै॒त् तन्न॒वनी॒तम॒- भ॒वदि॒त्याज्य॒-  
मवे॒क्षते॒रूप॒मेवा॒स्यै॒-तन्म॒हि॒मानं॒ व्या॒चष्टे॒ऽश्विनोः॑ प्रा॒णो॒ऽसी॒त्याहा॒श्विनौ॑  
वै दे॒वानां॑ - [ ] 42

### 2.3.11.3

भि॒षजौ॒ ताभ्या॑मे॒वास्मै॑ भेष॒जं क॑रोतीन्द्र॒स्य प्रा॒णो॒ऽसी॒त्याहे॒न्द्रिय॒-  
मे॒वास्मि॒न्नेते॑न दधाति मि॒त्राव॑रुणयोः प्रा॒णो॒ऽसी॒त्याह प्रा॒णापा॒नावे॒-  
वास्मि॒न्नेते॑न दधाति वि॒श्वेषां॑ दे॒वानां॑ प्रा॒णो॒ऽसी॒त्याह  
वी॒र्यमे॒वास्मि॒न्नेते॑न दधाति घृ॒तस्य॑ धा॒राम॑मृ॒तस्य॑ पन्था॒मित्या॑ह  
यथा॒यजु॒रेवै॒तत् पा॒वमा॑नेन त्वा स्तो॒मेने॑त्या - [ ] 43

### 2.3.11.4

-ह प्रा॒णमे॒वास्मि॒न्नेते॑न दधाति बृ॒हद्-रथ॑न्तरयो॒स्त्वा स्तो॒मेने॑त्याहौ॒ज  
ए॒वास्मि॒न्नेते॑न दधात्यग्ने॒स्त्वा मा॒त्रये॑त्याहा-ऽऽत्मा॑न-मे॒वास्मि॒न्नेते॑न  
दधात्यृ॒त्विजः॑ पर्या॒हुर्या॑वन्त ए॒वर्त्वि॒जस्त॑ ए॒नं भि॑षज्यन्ति ब्र॒ह्म॒णो  
हस्त॑मन्वा॒रभ्य॑ पर्या॒हुरेक॑धै॒व यज॑मान आयु॒र्दधति॑ यदे॒व  
तस्य॑ तद्धि॒रण्याद् - [ ] 44

**2.3.11.5**

घृ॒तं नि॒ष्पि॒ब॒त्यायु॒र्वै घृ॒तम॒मृत॑ ॐ हिर॑ण्यम॒मृता॑ दे॒वा ऽऽयु॑र्नि॒ष्पि॒ब॒ति श॒तमा॑नं  
 भ॒वति॑ श॒तायुः॑ पु॒रुषः॑ श॒तेन्द्रि॑य आ॒युष्ये॒वेन्द्रि॑ये प्र॒ति॒तिष्ठ॑त्यथो खलु  
 या॒वतीः॑ समा॒ एष्य॑न् म॒न्येत॑ ताव॒न्मान॑ ॐ स्या॒त् समृ॑द्ध्य॒ इम॑म॒ग्न आ॒युषे॑  
 वर्च॑से कृ॒धीत्या॒हा ऽऽयु॑रे॒वास्मिन्॑ वर्चो॑ दधा॒ति वि॒श्वे दे॒वा ज॒रद॑ष्टि॒र्यथा॑  
 ऽस॒दित्या॑ ( ) -ह ज॒रद॑ष्टि॒मेवैनं॑ क॒रोत्य॒ग्नि-रा॒युष्मानि॑ति ह॒स्तं  
 गृ॒ह्णात्ये॑ते वै दे॒वा आ॒युष्म॑न्त॒स्त ए॒वास्मि॑न्ना॒युर्द॑धति॒ सर्व॑मा॒युरे॑ति । 45  
 (रसं - दे॒वाना॑ ॐ-स्तो॒मेने॑ति हिर॑ण्या-द॒सदि॑ति-द्वावि॑ ॐ श॒तिश्च॑) (A11)

**2.3.12.1**

प्र॒जाप॑ति॒ वरु॑णा॒याश्च॑म॒नय॑त् स स्वां दे॒वता॑मा॒र्च्छथ् स॑ पर्य॒दीर्य॑त  
 स ए॒तं वा॒रुणं॑ च॒तुष्-क॑पा॒लम॑पश्यत् तं नि॒रव॑पत् ततो॒ वै स॑ वरुण-  
 पा॒शाद॑मु॒च्यत॑ वरु॒णो वा॑ ए॒तं गृ॒ह्णाति॑ योऽश्चं॑ प्र॒तिगृ॒ह्णाति॑ या॒वतो॑ऽश्वा॒न्  
 प्र॒तिगृ॒ह्णीया॑त् ता॒वतो॑ वा॒रुणा॑न् च॒तुष्क॑पा॒लान् निर्व॑पेद्-वरु॒णमे॒व स्वेन॑  
 भा॒गधे॒येनो॑प॒ धाव॑ति॒ स ए॒वैनं॑ वा॒रुण॑पा॒शान् -मुञ्च॑ति - [ ] 46

**2.3.12.2**

चतुष्कपाला भवन्ति चतुष्पाद्ध्यश्चः समृद्ध्यै एकमतिरिक्तं  
 निर्वपेद्-यमेव प्रतिग्राही भवति यं वा नाध्येति तस्मादेव  
 वरुणपाशान् मुच्यते यद्यपरं प्रतिग्राही स्यात् सौर्यमेककपालमनु  
 निर्वपेदमुमेवा ऽऽदित्यमुच्चारं कुरुते ऽपोऽवभृथमवैत्यप्सु वै  
 वरुणः साक्षादेव वरुणमव यजते ऽपोनप्त्रीयं चरुं ( ) पुनरेत्य  
 निर्वपेदप्सु योनिर्वा अश्चः स्वामेवैनँयोनिं गमयति स एनँ शान्त उप  
 तिष्ठते । 47 (मुञ्चति - चरुँ - सप्तदश च) (A12)

**2.3.13.1**

या वामिन्द्रावरुणा यतव्या तनूस्तयेममँ हसो मुञ्चतं या वामिन्द्रा  
 वरुणा सहस्या रक्षस्या तेजस्या तनूस्तये ममँ हसो मुञ्चतं यो  
 वामिन्द्रा वरुणा वग्नौ सामस्तं वा मे तेना वयजेयो वामिन्द्रा वरुणा  
 द्विपाथ्सु पशुषु चतुष्पाथ्सु गोष्ठे गृहेष्वप्स्वोषधीषु वनस्पतिषु सामस्तं  
 वा मे तेनाव यज इन्द्रो वा एतस्ये - [ ] 48



**2.3.13.2**

–न्द्रियेणाप॑ क्राम॑ति वरु॑ण ए॒नं वरु॑णपा॒शेन॑ गृह्णा॑ति यः पा॒प्मना॑ गृही॑तो  
भव॑ति यः पा॒प्मना॑ गृही॑तः स्या॒त् तस्मा॑ ए॒तामैन्द्रा॑वरु॒णीं पय॑स्यां  
निर्व॑पेदिन्द्र॑ ए॒वास्मिन्निन्द्रि॑यं दधा॑ति वरु॑ण ए॒नं वरु॑णपा॒शान्–मुञ्च॑ति  
पय॑स्या भव॑ति पयो॑ हि वा ए॒तस्मादप॑क्राम॒त्यथैष॑ पा॒प्मना॑ गृही॑तो यत्  
पय॑स्या भव॑ति पय॑ ए॒वास्मिन् तया॑ दधा॑ति पय॑स्यायां – [ ] 49

**2.3.13.3**

पुरो॑डाशम॑व दधा॑त्यात्मन्वन्त॑मे॒वैनं॑ करो॒त्यथो॑ आय॑तनवन्त॑मे॒व  
चतु॑र्धा व्यू॒हति॑ दिक्ष्वे॒व प्रति॑तिष्ठति पुनः॑ समू॒हति॑ दिग्भ्य॑ ए॒वास्मै॑ भेष॑जं  
करो॑ति समू॒ह्याव॑ द्यति॒ यथाऽऽवि॑द्धं निष्कृ॑न्तति तादृ॒गेव॑ तद्यो  
वामिन्द्रा॑वरु॒णावग्नौ॑ स्राम॒स्तं वा॑मे॒तेनाव॑ यज॒ इत्याह॑ दुरि॒ष्ट्या ए॒वैनं॑  
पाति॑ ( ) यो वा मिन्द्रा॑ वरु॒णा द्विपा॑त्सु पशु॒षु स्राम॑स्तं वा॑ मे॒ तेनाव॑  
यज॒ इत्याहै॑तावती॒र्वा आप॑ ओष॒धयो॑ वनस्प॒तयः॑ प्र॒जाः पश॑व  
उपजी॑वनीयास्ता ए॒वास्मै॑ वरु॒णपा॑शान्–मुञ्च॑ति । 50

(ए॒तस्य॑ – पय॑स्यायां – पा॒ति – षड्विंश॑तिश्च ) (A13)

**2.3.14.1**

स प्र॒त्नव॑ >[1], न्नि॑ का॒व्ये >[2], न्द्रं॑ ँ॒वो वि॒श्वत॑स्परी>[3], न्द्रं॑ नरः>[4] ।  
 त्वं नः॑ सोम॑ वि॒श्वतो॑ रक्षा॑ राज॒न्नघा॑यतः । न रि॒ष्येत् त्वा॑वतः सखाः॑ ।  
 या ते॑ धा॒मानि॑ दि॒वि या पृ॑थि॒व्यां ँ॒या पर्व॑तेष्वोष॒धीष्व॑प्सु । तेभि॑र्नो वि॒श्वैः  
 सु॒मना॑ अ॒हे॒डन्॑ राज॒न्थ-सोम॑ प्रति॑ ह॒व्या गृ॑भाय । अ॒ग्नीषो॑मा स॒वेद॑सा  
 सह॑ती वन॒तं गि॑रः । सं दे॒वत्रा॑ ब॒भूव॑थुः । यु॒व - [ ] 51

**2.3.14.2**

-मै॒तानि॑ दि॒वि रो॑च॒नान्य॑ग्निश्च॑ सोम॑ सक्र॒तू अध॑त्तं ।  
 यु॒वञ् सि॒न्धूञ् र॒भि॒शस्ते॑रव॒द्या-द॒ग्नीषो॑मा-वमु॒ञ्चतं॑ गृ॒भीता॑न् ।  
 अ॒ग्नीषो॑मावि॒मञ् सु॑ मे शृ॒णुतं॑ ँ॒वृष॑णा ह॒वं । प्रति॑ सू॒क्तानि॑ ह॒र्यतं॑ भ॒वतं॑ दा॒शुषे॑  
 मयः॑ । आ॒न्यं दि॒वो मा॑तरि॒श्वा ज॒भारा॑म॒थना॑दन्यं परि॑ श्ये॒नो अ॒द्रेः ।  
 अ॒ग्नीषो॑मा ब्र॒ह्मणा॑ वावृ॒धानो॑रुं ँ॒यज्ञा॑य चक्र॒थुरु॑ लो॒कं ।  
 अ॒ग्नीषो॑मा ह॒विषः॑ प्र॒स्थित॑स्य वी॒तञ् - [ ] 52

**2.3.14.3**

हर्य॑तं वृ॒षणा जु॒षेथां॑ । सु॒शर्मा॑णा स्वव॒सा हि भू॒तमथा॑ धत्तं य॒जमा॑नाय  
शं योः॑ । आप्यायस्व >[5], सं ते >[6] ।

ग॒णानां॑ त्वा ग॒णप॑तिं हवामहे क॒विं क॒वीना-मु॒पम॑श्रवस्तमं ।  
ज्येष्ठ॑राजं ब्र॒ह्मणां॑ ब्र॒ह्मण॑स्पत आ नः शृ॒ण्वन्नू॑तिभिः सीद सादनं ।  
स इज्ज॑नेन स वि॒शा स ज॑न्मना स पु॒त्रैर्वाजं॑ भरते धना नृ॒भिः ।  
दे॒वानां॑ यः पि॒तरमा॑विवा॒सति - [ ] 53

**2.3.14.4**

श्रद्धा॑मना ह॒विषा॑ ब्र॒ह्मण॑स्पतिं । स सु॒ष्टुभा॑ स ऋक्व॒ता ग॒णेन॑ वलं रुरो॒ज  
फ॒लिगं॑ रवेण । बृ॒हस्प॑तिरु॒स्त्रिया॑ हव्यसूदः क॒निक्र॑दद्-  
वाव॑शतीरुदाजत् । मरु॒तो यद्ध॑ वो दि॒वो >[7], या वः शर्म >[8] ।  
अ॒र्यमा ऽऽया॑ति वृषभस्तुविष्मान् दा॒ता व॑सूनां पु॒रुहू॑तो अर्हन् ।  
सह॑स्राक्षो गो॒त्रभि॑द्-वज्रबा॒हुर॑स्मासु दे॒वो द्र॑विणं दधातु ।  
ये ते॒ऽर्य॑मन् ब॒हवो॑ दे॒वया॑नाः पन्थानो - [ ] 54

**2.3.14.5**

राजन् दिव आचरन्ति । तेभिर्नो देव महि शर्म यच्छ शं न एधि  
द्विपदे शं चतुष्पदे । बुध्नादग्र-मङ्गिरोभि-गृणानो वि पर्वतस्य  
दृ॒हि॒तान्यै॒रत् । रुजद्रोधा॑सि॒कृ॒त्रि॒मा॒ण्येषा॑सोमस्यतामदइन्द्रश्चकार  
बुध्नादग्रेण वि मिमाय मानैर्वज्रेण खान्यतृणन्नदीनां ।  
वृथा ऽसृजत् पथिभिर्दीर्घयाथैः सोमस्य ता मद इन्द्रश्चकार । 55

**2.3.14.6**

प्र यो जज्ञे विद्वाँ॑ अस्य बन्धुं विश्वानि देवो जनिमा विवक्ति ।  
ब्रह्म ब्रह्मण उज्जभार मध्यान्नीचादुच्चा स्वधयाऽभि प्रतस्थौ ।  
महान् मही अस्तभायद्वि जातो द्याँ॑ सद्य पार्थिवं च रजः ।  
स बुध्नादाष्ट॑ जनुषाऽभ्यग्रं बृहस्पतिर्देवतायस्य सम्राट् ।  
बुध्नाद्यो अग्रमभ्यर्त्यो॑जसा बृहस्पतिमा विवासन्ति देवाः ( ) ।  
भिनद्धलं वि॑ पुरो दर्दरीति कनिक्रदथ् सुवरपो जिगाय । 56  
(युवं - वी॒तमा - वि॒वा॒सति - पन्थानो - दीर्घयाथैः सोमस्य ता  
मद इन्द्रश्चकार - दे॒वा - नव च) (A14)

**Prasna Korvai with starting Padams of 1 to 14 Anuvaakams :-**

(आ॒दि॒त्ये॒भ्यो॑ – दे॒वा वै मृ॒त्यो – दे॒वा वै – स॒त्रम॑ – र्य॒म्णे –  
प्र॒जाप॑ते॒स्त्रय॑स्त्रि॒ंशत् – प्र॒जाप॑ति दे॒वेभ्यो॑ऽन्नाद्यं –  
दे॒वा॒सु॒रा॒स्ता॒न् – र॒ज॒नो – ध्रु॒वो॑ऽसि – य॒न्नव॑ – म॒ग्निं वै –  
प्र॒जाप॑ति॒ वरु॑णाय – या वा॒मिन्द्रा॑ वरुणा – स प्र॒त्नव॑ – च्चतु॑र्दश)

**Korvai with starting Padams of 1, 11, 21 Series of Panchaatis :-**

(आ॒दि॒त्ये॒भ्य – स्त्व॑ष्टु – र॒स्मै दान॑कामा – ए॒वाव॑ रु॒न्धे – ऽग्निं॑ वै –  
स प्र॒त्नव॑थ् – षट्प॑ञ्चा॒शत् )

**First and Last Padam of Third Prasnam of Kandam 2:-**

(आ॒दि॒त्ये॒भ्यः – सु॒वर॑पो जिगाय )

॥ हरिः ओं ॥

॥ कृष्ण यजुर्वेदीय तैत्तिरीय संहितायां द्वितीयकाण्डे तृतीयः प्रश्नः समाप्तः ॥

## 2.3.1 Appendix

### 2.3.14.1 – स प्रलव><sup>1</sup>

स प्रलवन्नवीय-साऽग्ने॑ द्यु॒म्नेन॑ सँयता॑ ।

बृ॒हत् ततन्थ॑ भानुना॑ ॥ (Appearing in TS2.2.12.1)

---

### 2.3.14.1 – त्रि काव्ये><sup>2</sup>

नि काव्या॑ वे॒धसः॑ श॒श्वत॑स्कर्ह॒स्ते द॑धानो॑ न॒र्या पु॒रूणि॑ ।  
अ॒ग्निर्भु॑वद्रयि॒पती र॑यीणा॑ च॒ सत्रा॑ च॒क्राणो॑ अ॒मृता॑नि वि॒श्वा ॥

(Appearing in TS2.2.12.2)

---

### 2.3.14.1 – इन्द्रं वो विश्वतस्परी><sup>3</sup>

इन्द्रं॑ वो॒ विश्व॑तस्प॒रि ह॒वामहे॑ जने॒भ्यः । अ॒स्माक॑मस्तु॒ के॒वलः॑ ॥

(Appearing in TS1.6.12.1)

---

**2.3.14.1** – न्द्रं नरः><sup>4</sup>

इन्द्रं नरो नेमधिता हवन्ते यत्पार्या युनजते धियस्ताः ।  
शूरो नृषाता शवसश्चक्रान आ गोमति व्रजे भजा त्वन्नः ॥

(Appearing in TS 1.6.12.1)

**2.3.14.3** – आप्यायस्व><sup>5</sup>

आप्यायस्व समेतु ते विश्वतः सोम वृष्णियं भवा वाजस्य सङ्गथे ॥

(Appearing in TS 4.2.7.4)

**2.3.14.3** – सं ते><sup>6</sup>

सं ते पयांसि समु यन्तु वाजाः सं वृष्णियान् यभिमातिषाहः ।  
आप्यायमानो अमृताय सोम दिवि श्रवांस्युत्तमानि धिष्व ॥

(Appearing in TS 4.2.7.4)

**2.3.14.4** -मरुतो यद्धवो दिवो><sup>7</sup>

मरुतो यद्ध वो दिवः सुम्ना यन्तो हवामहे ।

---

आ तू न उप गन्त॑न ॥ (Appearing in TS1.5.11.4 )

---

2.3.14.4 -या वः शर्म> 8

या वः शर्म॑ शश॑मानाय॒ सन्ति॑ त्रि॒धातू॑नि दा॒शुषे॑ यच्छ॒ताधि॑ ।  
अ॒स्मभ्यं॑ ता॒नि मरु॑तो वि॒ यन्त॑ र॒यिं नो॑ ध॒त्त वृ॑षणः सु॒वीरं॑ ॥

(Appearing in TS1.5.11.5 )

-----



ओं नमः परमात्मने, श्री महागणपतये नमः, श्री गुरुभ्यो नमः

हरिः ओं

## 2.4 द्वितीयकाण्डे चतुर्थः प्रश्नः – इष्टिविधानं

### 2.4.1.1

दे॒वा॒ म॒नु॒ष्याः॑ पि॒तर॒स्ते॑ऽन्य॒त आ॒स॒न्न॒सु॒रा र॒क्षा॑ऽसि  
पि॒शा॒चा॒स्ते॑ऽन्य॒तस्ते॑षां दे॒वाना॑मु॒त यद॒ल्पं॑ लो॒हि॒त॒मकु॑र्वन् तद्-र॒क्षा॑ऽसि  
रा॒त्री॒भि॒रसु॑भ॒न् तान्थ् सु॒ब्धान् मृ॒तान॑भि व्यौ॒च्छत् ते॑ दे॒वा अ॒वि॒दु॒र्यो वै  
नो॒ऽयं म्रि॒यते॑ र॒क्षा॑ऽसि वा इ॒मं घ्न॑न्तीति ते र॒क्षा॑ऽस्यु॒पा॒म॒न्त्र॒यन्त  
ता॒न्यब्रु॑वन् वरं वृ॒णाम॑है य - [ ] 1

### 2.4.1.2

-द॒सु॒रा॒न् ज॒याम॑ तन्नः स॒हा॒स॒दि॒ति ततो॑ वै दे॒वा अ॒सु॒रा॒नज॑यन् तेऽसु॒रा॒न्  
जि॒त्वार॒क्षा॑ऽस्य॒पा॒नु॒दन्त॑ ता॒नि र॒क्षा॑ऽस्य॒नृ॒त॒म क॑र्तेति स॒म॒न्तं दे॒वान्  
पर्य॑वि॒शन् ते॑ दे॒वा अ॒ग्ना॒व॒नाथ॑न्त तेऽग्नये॑ प्र॒वते॑ पु॒रो॒डा॒श॒म॒ष्टा॒क॒पा॒लं  
नि॒र॒व॒प॒न्न॒ग्नये॑ वि॒बा॒ध॒वते॑ऽग्नये॑ प्र॒ती॒क॒वते॑ यद॒ग्नये॑ प्र॒वते॑ नि॒र॒व॒पन्

यान्ये॒व पु॒रस्ताद्-रक्षा॑स्या - [ ] 2

### 2.4.1.3

-सन्तानि तेन प्राणुदन्त यदग्नये विबाधवते यान्येवाभितो रक्षास्यासन्  
तानि तेन व्यबाधन्त यदग्नये प्रतीकवते यान्येव पश्चाद्-रक्षास्यासन्  
तानि तेनापानुदन्त ततो देवा अभवन् परासुरा यो भ्रातृव्यवान् स्यात् स  
स्पर्धमान एतयेष्ट्या यजेताग्नये प्रवते पुरोडाशमष्टाकपालं निर्वपेदग्नये  
विबाधवते - [ ] 3

### 2.4.1.4

ऽग्नये प्रतीकवते यदग्नये प्रवते निर्वपति य एवास्माच्छ्रेयान्-  
भ्रातृव्यस्तं तेन प्राणुदते यदग्नये विबाधवते य एवैनैन सदृष्टं तेन वि  
बाधते यदग्नये प्रतीकवते य एवास्मात् पापीयान् तं तेनाप नुदते प्र  
श्रेयांसं भ्रातृव्यं नुदतेति सदृशं क्रामति नैनं पापीयानाप्नोति य एवं  
( ) विद्वानेतयेष्ट्या यजते । 4 (वृणामहै यत् - पुरस्ताद् रक्षासि-  
वपेदग्नये विबाधवत - एवं - चत्वारि च) (A1)

**2.4.2.1**

दे॒वा॒सु॒राः सँ॒य॒त्ता आ॒सन् ते दे॒वा अ॒ब्रु॒वन् यो नो वी॒र्या॑व॒त्तम॒स्तम॑नु  
स॒मा॒र॒भा॒महा इति॑ त इन्द्र॑म॒ब्रु॒वन् त्वं वै नो वी॒र्या॑व॒त्तमोऽसि॑ त्वा॒मनु॑  
स॒मा॒र॒भा॒महा इति॑ सोऽब्र॑वीत् तिस्रो॑ म इ॒मास्त॑नुवो वी॒र्या॑व॒तीस्ताः  
प्री॒णी॒ता॒था-सु॒रा॒न॒भि भ॑विष्य॒थेति॑ ता वै ब्रू॒ही॒त्यब्रु॑वन्नि॒यम॑  
हो॒मु॒गि॒यं वि॒मृ॒धे॒यमिन्द्रि॑याव॒ती - [ ] 5

**2.4.2.2**

-त्यब्र॑वीत् इन्द्रा॑याँ हो॒मु॒चे पु॒रो॒डा॒शमे॒काद॑शक॒पालं॑ नि॒रव॑पन्निन्द्रा॑य  
वैमृ॑धायै-न्द्रा॑येन्द्रि॒याव॑ते यदिन्द्रा॑याँ हो॒मु॒चे नि॒रव॑पन्न॒हस॑ ए॒व  
तेना॑मुच्यन्त॒ यदिन्द्रा॑य वै मृ॒धाय॑ मृ॒ध ए॒व तेना॑पा॒घ्नत॑यदिन्द्रा॑येन्द्रि॒याव॑त  
इन्द्रि॑यमे॒व तेना॑\*ऽऽत्म॒न्नद॑धत त्रय॑स्त्रि॒ंशत्क॑पालं पु॒रो॒डा॒शं नि॒रव॑पन्  
त्रय॑स्त्रि॒ंशद्वै॑ दे॒वता॑स्ता इन्द्र॑ आ॒त्म॒न्ननु॑ स॒मा॒रं॑भयत भू॒त्यै - [ ] 6

**2.4.2.3**

तां वा॑व दे॒वा वि॒जि॒ति-मु॒त्त॒मा-म॑सु॒रै-व्य॑जयन्तयो भ्रातृ॑व्यवा॒न्थ्-स्या॑थ्  
स स्पर्ध॑मान ए॒तये॑ष्ट्या यजे॑तेन्द्रा॑याँ हो॒मु॒चे पु॒रो॒डा॒शमे॒काद॑शक॒पालं॑

निर्व॑पोदिन्द्रा॒य वैमृ॑धायेन्द्रा॒येन्द्रि॒याव॑तेऽ॒ ह॒सा वा ए॒ष गृ॑हीतो  
यस्मा॒च्छ्रे॒यान् भ्रातृ॑व्यो॒यदिन्द्रा॒याऽ॒ हो॒मुचे॑ निर्व॒पत्य॑ ह॒स ए॒व तेन॑  
मुच्य॑तेमृ॒धा वा ए॒षोऽभिष॑ण्णो यस्मा॒त् समा॑नेष्वन्यः श्रे॒यानु॑ता - [ ] 7

#### 2.4.2.4

-ऽभ्रातृ॑व्यो॒ यदिन्द्रा॒य वैमृ॑धाय मृ॒ध ए॒व तेना॑प ह॒तेयदिन्द्रा॒येन्द्रि॒याव॑त  
इन्द्रि॒यमे॒व तेना॒त्मन् ध॑त्ते त्रयस्त्रि॑ंशत्कपालं पुरो॒डाशं॑ निर्व॒पति॑  
त्रयस्त्रि॑ंशद्वै दे॒वता॒स्ता ए॒व यज॑मान आ॒त्मन्न॑नु समा॒रंभ॑यते भू॒त्यै सा  
वा ए॒षा विजि॑तिर्नामेष्टि॒र्य ए॒वं वि॒द्वाने॒तये॑ष्ट्या यज॑त उ॒त्तमा॑मे॒व विजि॑तिं  
भ्रातृ॑व्येण विजयते । 8

(इन्द्रि॒याव॑ती - भू॒त्या - उ॒तै - का॒न्न प॑ञ्चा॒शच्च॑) (A2)

#### 2.4.3.1

दे॒वा॒सु॒राः सँय॑त्ता आसन् तेषां गाय॒त्र्योजो॑ ब॒लमिन्द्रि॒यं वी॒र्यं॑ प्र॒जां  
प॒शून्थ् संगृ॑ह्या \*ऽऽदा॒या-प॑क्र॒म्यातिष्ठ॑त् तेऽम॒न्यन्त॑ य॒तरान्  
वा इ॒यमु॑पाव॒थ्स्य॑ति त इ॒दं भ॑विष्य॒न्तीति॑ तां व्य॑ह्वयन्त विश्व॒कर्म॑न्निति॑

दे॒वा दा॒भीत्य॑सु॒राः सा॒ नान्य॑तरा॒ञ्च-नो॑पाव॒र्तत॑ ते दे॒वा  
ए॒तद्-य॑जु॒रप॑श्य॒न्नो॒जोऽसि॑ स॒होऽसि॑ ब॒लम॑सि - [ ] 9

#### 2.4.3.2

भ्रा॒जोऽसि॑ दे॒वानां॑ धा॒म ना॒माऽसि॑ वि॒श्वम॑सि वि॒श्वायुः॑ स॒र्वम॑सि  
स॒र्वायु॑र॒भिभू॑रिति वाव दे॒वा अ॒सुरा॑णामो॒जो ब॒लमि॑न्द्रि॒यं वी॑र्यं प्र॒जां  
प॒शून्वृ॑ज्जत यद्-गा॒यत्र्य॑प॒क्रम्या॑तिष्ठत् तस्मा॑दे॒तां गा॒यत्री॑ती॒ष्टिमा॑हुः  
सँव॑त्सरो वै गा॒यत्री सँव॑त्सरो वै तद॑प॒क्रम्या॑तिष्ठद्-यदे॒तया  
दे॒वाअ॒सुरा॑णामो॒जो ब॒लमि॑न्द्रि॒यं वी॑र्यं - [ ] 10

#### 2.4.3.3

प्र॒जां प॒शून्वृ॑ज्जत तस्मा॑दे॒ताञ् सँव॑र्ग इती॒ष्टिमा॑हुर्यो  
भ्रा॒तृव्य॑वा॒न्त्स्या॑त्स॒स्पर्ध॑मान॒एत॑येष॒ट्या॑यजे॒ताग्न॑ये॒सँव॑र्गाय  
पु॒रोडा॑शम॒ष्टाक॑पालं निर्व॑पेत्त॒ञ्शृ॑तमा॒सन्न॑मे॒तेन॑ यजु॒षाऽभि  
मृ॒शोदो॑ज ए॒व ब॒लमि॑न्द्रि॒यं वी॑र्यं प्र॒जां प॒शून् भ्रा॒तृव्य॑स्य वृ॒द्धे  
भ॒वत्या॑त्म॒ना ॥ प॒रास्य॑ भ्रा॒तृव्यो॑ भवति । 11

(बलमस्ये - तया देवा असुराणामोजो बलमिन्द्रियं वीर्यं -  
पञ्चचत्वारिंशच्च) (A3)

#### 2.4.4.1

प्रजापतिः प्रजा असृजत ता अस्मात् सृष्टाः पराचीरायन् ता यत्रावसन्  
ततो गर्मुदुदतिष्ठत् ता बृहस्पतिश्चान्ववैताँ सोऽब्रवीद् बृहस्पतिरनया  
त्वा प्रतिष्ठान्यथ त्वा प्रजा उपावथ्स्यन्तीति तं प्रातिष्ठत् ततो वै प्रजापतिं  
प्रजा उपावर्तन्त यः प्रजाकामः स्यात् तस्मा एतं प्राजापत्यं गार्मुतं चरुं  
निर्वपेत् प्रजापति - [ ] 12

#### 2.4.4.2

-मेव स्वेन भागधेयेनोप धावति स एवास्मै प्रजां प्रजनयतिप्रजापतिः  
पशूनसृजत तेऽस्मात् सृष्टाः पराञ्च आयन् ते यत्रावसन् ततो गर्मुदुदतिष्ठत्  
तान् पूषा चान्ववैताँ सोऽब्रवीत् पूषाऽनया मा प्रतिष्ठाथ त्वा पशव  
उपावथ्स्यन्तीति मां प्रतिष्ठेति सोमोऽब्रवीन् मम वा - [ ] 13

**2.4.4.3**

अ॒कृ॒ष्ट॒प॒च्य॒मि॒त्यु॒भौ वां॑ प्र॒ति॒ष्ठा॒नी॒त्य॒ब्र॒वीत् तौ॑ प्रा॒ति॒ष्ठत् ततो॑ वै  
प्र॒जा॒प॒तिं प॒श॒व उ॒पा॒व॒र्त॒न्त यः॑ प॒शु॒का॒मः स्या॒त् तस्मा॑ ए॒त॒ꣳ सो॒मा॒पौ॒ष्णं  
गा॒र्मु॒तं च॒रुं नि॒र्व॒पे॒थ् सो॒मा॒पू॒ष॒णा॒वे॒व स्वे॒न भा॒ग॒धे॒ये॒नो॒प धा॒व॒ति  
ता॒वे॒वा॒स्मै प॒शून् प्र॒ज॒न॒य॒तः सो॒मो वै रे॒तो॒धाः पू॒षा प॒शूनां॑ प्र॒ज॒न॒यि॒ता  
सो॒म ए॒वा॒स्मै रे॒तो द॒धा॒ति पू॒षा ( ) प॒शून् प्र॒ज॒न॒य॒ति । 14

(व॒पे॒त् प्र॒जा॒प॒तिं – वै – द॒धा॒ति पू॒षा – त्री॒णि च) (A4)

**2.4.5.1**

अ॒ग्ने गो॒भिर्न॑ आ ग॒ही॒न्द्रो पु॒ष्ट्या जु॒ष॒स्व नः॑ ।  
इ॒न्द्रो ध॒र्ता गृ॒हेषु॑ नः । स॒वि॒ता यः स॒ह॒स्रि॒यः स नो॑ गृ॒हेषु॑ रा॒र॒ण॒त् । आ  
पू॒षा ए॒त्वा व॒सु॒धा॒ता द॒दा॒तु नो॑ र॒यि॒मी॒शा॒नो ज॒ग॒त॒स्प॒तिः ।  
स नः॑ पू॒र्णेन॑ वा॒व॒न॒त् त्व॒ष्टा यो वृ॒ष॒भो वृ॒षा स नो॑ गृ॒हेषु॑ रा॒र॒ण॒त् ।  
स॒ह॒स्रे॒णा॒यु॒तेन॑ च । येन॑ दे॒वा अ॒मृ॒तं – [ ] 15

**2.4.5.2**

दी॒र्घं॑ श्र॒वो दि॒व्यैर॑यन्त । रा॒यस्पोष॑ त्वमस्मभ्यं ग॒वां कु॒ल्मिं जी॒वस॒ आ  
यु॒वस्व । अ॒ग्नि॒र्गृह॑पतिः सोमो॑ वि॒श्वव॑निः स॒विता सु॑मे॒धाः  
स्वाहा॑ । अ॒ग्ने॒र्गृह॑पते॒ यस्ते॑ घृ॒त्यो भा॒गस्ते॑न सह॒ ओज॑ आ॒क्रम॑मा॒णाय॑ धेहि  
श्रैष्ठा॑त्यात्पथो मा योषं॑ मूर्धा॒ भूया॑स॒ स्वाहा॑ । 16

(अ॒मृत॑ - म॒ष्टात्रि॑ञ्च) (A5)

**2.4.6.1**

चि॒त्रया॑ यजेत॒ पशु॑काम॒ इयं॑ वै चि॒त्रा य॒द्वा अ॒स्यां वि॒श्वं भू॒तम॑धि  
प्र॒जाय॑ते ते ने॒यञ्चि॒त्रा य॒ एवं वि॒द्वा श्रि॒त्रया॑ प॒शुकामो॑ यज॒ते  
प्र॒ प्र॒जया॑ प॒शुभि॑ मि॒थुनै॑र्जायते प्रै॒वाग्ने॑येन॒ वाप॑यति॒ रेतः॑ सौ॒म्येन॑  
द॒धाति॑ रेत॒ एव॑ हि॒तं त्व॑ष्टा रू॒पाणि॑ वि॒ करो॑तिसारस्वतौ भवत॒ एत॑द्वै दै॒व्यं  
मि॒थुनं॑ दै॒व्यमे॒वास्मै॑ - [ ] 17

**2.4.6.2**

मि॒थुनं॑ म॒ध्यतो॑ द॒धाति॑ पु॒ष्ट्यै॑ प्र॒जन॑नाय॒ सिनी॑वा॒ल्यै च॒रुर्भ॑वति  
वा॒ग्वै सि॒नीवा॒ली पु॒ष्टिः ख॒लु वै वाक्पु॑ष्टिमे॒व वाच॑मु॒पैत्यै॑न्द्र॒ उत्त॑मो भवति



तेनै॒व तन्मि॒थुन॑ꣳ स॒प्तै॒तानि॑ ह॒वीꣳषि॑ भवन्ति स॒प्त ग्रा॒म्याः प॒शवः॑  
 स॒प्तार॒ण्याः स॒प्त छन्दा॑ꣳस्यु-भय॒स्या-वरु॑द्ध्य॒ अथै॒ता आहु॑ती  
 र्जुहो॑त्ये॒ते वै दे॒वाः पु॒ष्टिप॑तयस्त ए॒वा( ) स्मिन् पु॒ष्टिं द॑धति पु॒ष्यति॑ प्र॒जया॑  
 प॒शुभि॒रथो॑ यदे॒ता आहु॑ती र्जुहो॑ति प्र॒तिष्ठि॑त्यै । 18

(अ॒स्मै - त ए॒व - द्वा॒दश॑ च) (A6)

#### 2.4.7.1

मा॒रुत॑मसि म॒रुता॑मो॒जोऽपां॑ धा॒रां भि॒न्धि र॑मयत म॒रुतः॑ श्ये॒नमा॑यिनं  
 म॒नोज॑व सं वृ॒षण॑ꣳ सुवृ॒क्तिं । ये॒न श॑र्ध उ॒ग्रम॑व-सृष्ट॒मेति॑ तद॒श्विना॑ परि  
 धत्तꣳ स्व॒स्ति । पु॒रोवा॑तो व॒र्षज्जि॑न्वरावृथ्-स्वाहा वा॒ताव॑द्-  
 व॒र्षन्नु॑ग्र॒वावृ॑थ् स्वाहा स्त॒नय॑न् व॒र्षन् भी॑म॒राव॑थ् स्वाहा  
 ऽन॒श॒न्यव॑स्फूर्जन्-दि॒द्युद्-व॒र्षन्-त्व॑ष॒रावृ॑थ् स्वाहा ऽति॒रात्रां॑ व॒र्षन्  
 पू॒र्तिरा॑वृथ् - [ ] 19

**2.4.7.2**

स्वाहा॑ बहु॑ हा॒यम॑वृषा॒दिति॑ श्रु॒तरा॑वृथ् स्वाहा॑ ऽऽत॑पति॒ वर्.षन्-  
 वि॒राडा॑वृथ् स्वाहा॑ ऽव॒स्फूर्जन्-दि॒द्युद्-वर्.षन्भू॑तरा॒वृथ् स्वाहा॑मा॒न्दा  
 वा॒शाः शु॒न्ध्यूर॑जिराः । ज्योति॑ष्मती-स्त॒मस्व॑री-रु॒न्दतीः  
 सु॒फेनाः॑ । मि॒त्रभृ॑तः क्ष॒त्रभृ॑तः सु॒राष्ट्रा॑ इ॒ह मा॑ऽवत ।  
 वृ॒ष्णो अ॑श्वस्य स॒न्दान॑मसि॒ वृष॑ट्यै त्वो॒प न॑ह्यामि । 20

(पूर्ति॑रावृद् - द्वि॑चत्वारि॒ंशच्च) (A7)

**2.4.8.1**

दे॒वा व॑सव्या अ॒ग्ने सो॑म सूर्य । दे॒वाः श॑र्मण्या मि॒त्राव॑रुणा॒ऽर्यम॑न् ।  
 दे॒वाः स॑पी॒तयो॑ ऽपा॒न्-न॑पादाशुहेमन् । उ॒द्नो॑ द॒त्तोद॑धिं भि॒न्त दि॑वः  
 पर्ज॑न्याद॒न्तरि॑क्षात्-पृ॒थिव्या॑स्ततो॒ नो वृष॑ट्याऽवत । दि॒वा चि॑त्तमः  
 कृ॒ण्वन्ति॑ पर्ज॒न्येनो॑-द॒वाहे॑न । पृ॒थि॒वीं य॑द् व्यु॒न्दन्ति॑ ।  
 आ॒यन् नरः॑ सु॒दान॑वो द॒दाशु॑षे दि॒वः को॑शमचु॒च्यवुः॑ ।  
 वि पर्ज॑न्याः सृ॒जन्ति॑ रो॒दसी॑ अनु॒ धन्व॑ना यन्ति - [ ] 21

**2.4.8.2**

वृष्टयः । उदीरयथा मरुतः समुद्रतो यूयं वृष्टिं वर्षयथा पुरीषिणः ।  
 न वो दस्रा उप दस्यन्ति धेनवः शुभं यातामनु रथा अवृथ्सत ।  
 सृजा वृष्टिं दिव आऽद्भिः समुद्रं पृण । अब्जा असि प्रथमजा बलमसि  
 समुद्रियं । उन्नम्भय पृथिवीं भिन्धीदं दिव्यं नभः ।  
 उद्नो दिव्यस्य नो देहीशानो विसृजा दृतिं । ये देवा ( ) दिविभागा  
 येऽन्तरिक्ष भागा ये पृथिवि भागाः । त इमं यज्ञमवन्तु त इदं क्षेत्रमा  
 विशन्तु त इदं क्षेत्रमनु वि विशन्तु । 22

(यन्ति - देवा - विशतिश्च) (A8)

**2.4.9.1**

मारुतमसि मरुतामोज इति कृष्णं वासः कृष्णातूषं परि धत्त एतद्वै वृष्ट्यै  
 रूपं सरूप एव भूत्वा पर्जन्यं वर्षयतिरमयत मरुतः श्येनमायिनमिति  
 पश्चाद्वातं प्रति मीवति पुरोवातमेव जनयति वर्षस्या वरुद्ध्यै वातनामानि  
 जुहोति वायुर्वै वृष्ट्या ईशे वायुमेव स्वेन भागधेयेनोप धावति स  
 एवास्मै पर्जन्यं वर्षयत्यष्टौ - [ ] 23

**2.4.9.2**

जुहोति चतस्रो वै दिशश्चतस्रोऽवान्तरदिशा दिग्भ्य एव वृष्टिं  
सं प्र च्यावयति कृष्णाजिने संयौति हविरेवाकरन्तर्वेदि संयौत्य वरुद्ध्यै  
यतीनामद्यमानानां शीर्षाणि पराऽपतन्ते खर्जूरा अभवन्-तेषां रस  
ऊर्ध्वोऽपतत्-तानि करीराण्य-भवन्त् सौम्यानि वै करीराणि सौम्या  
खलु वा आहुति दिवो वृष्टिं च्यावयति यत्करीराणि भवन्ति - [ ] 24

**2.4.9.3**

सौम्ययैवाऽऽहुत्या दिवो वृष्टिमव रुन्धे मधुषा सं यौत्यपां वा एष  
ओषधीनां रसो यन्मध्वद्भ्य एवौषधीभ्यो वर्षत्यथो अद्भ्य  
एवौषधीभ्यो वृष्टिं नि नयति मान्दा वाशा इति संयौति नामधेयैरेवैना  
अच्छैत्यथो यथा ब्रूयादसा वेहीत्येवमेवैना नामधेयैरा - [ ] 25

**2.4.9.4**

च्यावयति वृष्णो अश्वस्य सन्दानमसि वृष्ट्यै त्वोप नह्यामीत्याह  
वृषा वा अश्वो वृषा पर्जन्यः कृष्ण इव खलु वै भूत्वा वर्षति  
रूपेणैवैनं समर्धयति वर्षस्या वरुद्ध्यै । 26

(अष्टौ - भवन्ति - नामधेयैरै - कान्न त्रिंशच्च) (A9)

#### 2.4.10.1

दे॒वा व॑स॒व्या दे॒वाः श॑र्म॒ण्या दे॒वाः स॑पी॒तय॑ इ॒त्या ब॑ध्नाति दे॒वता॑भि॒रेवा॒न्वहं॑  
वृ॒ष्टि॑मिच्छति॒ यदि॒ वर्॒षेत्-ता॑व॒त्येव॑ हो॒तव्यं॑ यदि॒ न वर्॒षेच्छ्वो॑ भू॒ते  
ह॒विर्निर्व॑पेदहो॒रात्रे॑ वै मि॒त्राव॑रुणावहो॒रात्रा॑भ्यां॒ खलु॑ वै पर्ज॒न्यो वर्॒षति॑  
नक्तं॑ वा॒ हि दि॒वा वा॒ वर्॒षति॑ मि॒त्राव॑रुणावे॒व स्वे॒न भा॒गधे॑येनोप॒ धाव॑ति  
तावे॒वास्मा॑ - [ ] 27

#### 2.4.10.2

अहो॒रात्रा॑भ्यां॒ पर्ज॑न्यं॒ वर्॒षय॑तो॒ऽग्नये॑ धाम॒च्छदे॑ पुरो॒डाश॑म॒ष्टाक॑पालं  
निर्व॑पेन्मा॒रुत॑ स॒प्तक॑पालं सौ॒र्यमे॑क॒कपाल॑म॒ग्निर्वा॑ इ॒तो  
वृ॒ष्टि॑मुदी॒रय॑ति म॒रुतः॑ सृ॒ष्टां न॑यन्ति॒ यदा॒ खलु॑ वा अ॒सावा॑दि॒त्यो  
न्यङ्-र॒श्मि॑भिः॒ पर्या॑वर्तते॒ऽथव॑र्षति॒ धाम॑च्छदि॒व खलु॑ वै भू॒त्वा  
वर्॒षत्ये॒ता वै दे॒वता॑ वृ॒ष्ट्या॑ ई॒शते॑ ता ए॒व स्वे॒न भा॒गधे॑येनोप॒  
धाव॑ति॒ ता - [ ] 28

**2.4.10.3**

ए॒वास्मै॑ प॒र्जन्यं॑ ँव॒र्षय॑न्त्यु॒ता व॒र्षि॒ष्यन् व॒र्षत्ये॑व सृ॒जा वृ॒ष्टिं दि॒व  
 आ\*ऽद्भिः॑ स॒मुद्रं॑ पृ॒णेत्या॑हे॒माश्चै॒वा-मू॒श्वापः॑ स॒मर्ध॑यत्यथो  
 आ॒भिरे॒वा-मू॒रच्छै॑त्यब्जा॒ असि॑ प्रथमजा॒ बल॑मसि स॒मुद्रि॑यमित्याह  
 यथा॒यजु॑रेवैत-दु॒न्नं भ॑य पृथि॒वीमि॑ति व॒र्षा॒ह्वां जु॑होत्येषा वा ( ) ओष॑धीनां  
 ँवृ॒ष्टि॒वनि॒स्तयै॑व वृ॒ष्टि॒मा च्या॑वयति ये दे॒वा दि॒विभा॑गा इति  
 कृ॒ष्णाजि॑नमव धू॒नोती॑म ए॒वास्मै॑ लो॒काः प्री॒ता अ॒भीष्टा॑भवन्ति । 29  
 (अ॒स्मै - धा॒वति॑ ता - वा - एक॑विं॒शति॑श्च ) (A10)

**2.4.11.1**

स॒र्वाणि॑ छ॒न्दा॒स्येत॑स्या-मि॒ष्ट्या-म॒नूच्या॑नीत्याहु-स्त्रि॒ष्टुभो॑ वा  
 ए॒तद्दी॒र्यं य॑त् क॒कुदु॑ष्णिहा जग॒त्यै यदु॑ष्णिह-क॒कुभा॑वन्वाह  
 तेनै॒व स॒र्वाणि॑ छ॒न्दा॒स्यव॑ रुन्धे गाय॒त्री वा ए॒षा यदु॑ष्णिहा या॒नि  
 च॒त्वार्य॑ध्यक्षराणि चतु॒ष्पाद॑ ए॒व ते प॒शवो॑यथा पु॒रोडा॑शे  
 पु॒रोडा॑शोऽध्ये॒वमे॒व तद्-यद्-ऋ॒च्यध्य॑क्षराणि यज्जग॒त्या - [ ] 30

**2.4.11.2**

परि॒द॒ध्याद॑न्तं॒ य॒ज्ञं॑ ग॒मये॑त् त्रि॒ष्टुभा॑ परि॒ दधा॑तीन्द्रि॒यं॒ वै॒ वी॒र्यं॑  
 त्रि॒ष्टुगिन्द्रि॑य ए॒व वी॒र्यं॑ य॒ज्ञं॑ प्र॒तिष्ठा॑पयति॒ नान्तं॑ ग॒मय॑त्यग्ने॒  
 त्री॒ ते वा॒जिना॑ त्री॒ षध॑स्थेति॒ त्रिव॑त्या परि॒ दधा॑ति स॒रूप॑त्वाय॒ सर्वो॑ वा ए॒ष  
 य॒ज्ञो यत् त्रै॑धा॒तवी॒यं॒ कामा॑य-कामा॒य प्र॑यु॒ज्यते॒ सर्वे॑भ्यो॒ हि कामे॑भ्यो॒ य॒ज्ञः  
 प्र॑यु॒ज्यते॒ त्रै॑धा॒तवी॒येन॑ यजे॒ताभि॑चरन्थ् सर्वो॑ वा- [ ] 31

**2.4.11.3**

ए॒ष य॒ज्ञो यत् त्रै॑धा॒तवी॒यं॒ सर्वे॑णै॒वैनं॑ य॒ज्ञेना॒भि च॑रति स्तृ॒णुत॑  
 ए॒वैन॑मे॒तयै॑व यजे॒ताभि॑चर्यमाणः॒ सर्वो॑ वा ए॒ष य॒ज्ञो यत् त्रै॑धा॒तवी॒यं॒  
 सर्वे॑णै॒व य॒ज्ञेन॑ यज॒ते नैन॑म॒भिच॑रन्थ् स्तृ॒णुत॑ ए॒तयै॑व यजे॒त सह॑स्रेण॒  
 यक्ष्य॑माणः प्रजा॒तमे॒वैन॑द्-ददा॒त्येत॑यै॒व यजे॑त सह॒स्रेणे॑जानो॒ऽन्तं॑ वा ए॒ष  
 प॒शूनां॑ गच्छति - [ ] 32

**2.4.11.4**

यः सह॒स्रेण॑ यज॒ते प्र॒जाप॑तिः खलु॒ वै प॒शून॑सृज॒त  
 ता॒ऽस्त्रै॑धा॒तवी॒ये-नै॒वासृ॑ज॒त य॒ एवं॑ वि॒द्वाऽस्त्रै॑धा॒तवी॒येन॑ प॒शुकामो॑

यज॑ते॒ यस्मा॑दे॒व यो॑नेः प्र॒जाप॑तिः प॒शून॑सृजत तस्मा॑दे॒वैना॑न्त् सृजत॑  
 उपै॑नमु॒त्तर॑ꣳ सह॒स्रं न॑मति दे॒वता॑भ्यो वा ए॒ष आ वृ॑श्च्यते यो य॒क्ष्य  
 इत्यु॑क्त्वा न यज॑ते त्रैधा॒तवी॑येन यजे॑त स॒र्वो वा ए॒ष य॒ज्ञो – [ ] 33

#### 2.4.11.5

यत् त्रैधा॒तवी॑यꣳ स॒र्वेणै॑व य॒ज्ञेन॑ यज॑ते न दे॒वता॑भ्य आ वृ॑श्च्यते  
 द्वा॒दश॑कपालः पु॒रोडा॑शो भवति ते त्रय॑श्चतु॒ष्कपा॑ला-स्त्रि॒ष्षमृ॑द्धत्वाय  
 त्रयः पु॒रोडा॑शा भवन्ति त्रय॑ इ॒मे लो॒का ए॒षां लो॒काना॑माप्त्या  
 उत्त॑र-उ॒त्तरो॒ ज्या॑या॒न् भव॑त्ये॒वमि॑व ही॒मे लो॒का य॑वमयो मध्य ए॒तद्वा  
 अ॒न्तरि॑क्षस्य रू॒पꣳ स॒मृद्ध्यै॑ स॒र्वेषा॑मभि॒गम॑यन्न॒व द्य॑त्यछं॒बट्का॑रꣳ  
 हि॒रण्यं॑ द॒दाति॑ ते॒ज ए॒वा – [ ] 34

#### 2.4.11.6

ऽव॑ रु॒न्धे ता॒र्प्यं द॒दाति॑ प॒शूने॒वाव॑ रु॒न्धे धे॒नुं द॒दात्या॑शिष  
 ए॒वाव॑ रु॒न्धे सा॒म्नो वा ए॒ष वर्णो॑ यद्वि॒रण्यं॑ य॒जुषां॑ ता॒र्प्यमु॑क्त्वा॒मदानां॑  
 धे॒नुरे॒ताने॒व स॒र्वान् वर्णा॑न॒व रु॒न्धे । 35



(जगत्या - ऽभिचरन्थ सर्वो वै - गच्छति - यज्ञ - स्तेज एव -  
त्रिंशच्च) (A11)

#### 2.4.12.1

त्वष्टा हतपुत्रो वीन्द्रो सोममाऽहरत् तस्मिन्निन्द्र उपहवमैच्छत्  
तं नोपाह्वयत् पुत्रं मेऽवधीरिति स यज्ञवेशसं कृत्वा प्रासहा  
सोममपिबत् तस्य यदत्यशिष्यत् तत् त्वष्टाऽऽहवनीयमुप प्रावर्तयत्  
स्वाहेन्द्रशत्रुर्वर्धस्वेति स यावदूर्ध्वः पराविध्यति तावति स्वयमेव  
व्यरमत यदि वा तावत् प्रवण - [ ] 36

#### 2.4.12.2

-मासीद्यदि वा तावदध्यग्नेरासीत् स संभवन्नग्नीषोमावभि  
समभवत् स इषुमात्रमिषुमात्रं विष्वङ्बुवर्धत् स इमां  
लोकानवृणोद्य-दिमां लोकानवृणोत् तद्-वृत्रस्य  
वृत्रत्वं तस्मादिन्द्रोऽबिभेदपि त्वष्टा तस्मै त्वष्टा वज्रमसिञ्चत् तपो  
वै स वज्र आसीत् तमुद्यन्तुं नाशक्नोदथ वै तर्हि विष्णु - [ ] 37

**2.4.12.3**

–र॒न्या दे॒वता॑ ऽऽसी॒त् सोऽब्र॑वीद्–वि॒ष्णवे॑ही॒दमा॑ हरि॒ष्यावो॑  
येना॒यमि॒दमि॒तिस॑ वि॒ष्णुस्त्रे॑धाऽऽत्मा॒नं वि॒न्यध॑त्त पृ॒थिव्यां॑ तृ॒तीयम॑न्तरि॒क्षे  
तृ॒तीयं॑ दि॒वि तृ॒तीय–म॑भि॒पर्याव॑र्ताद्–ह्य॒बिभे॑द्यत्–पृ॒थिव्यां॑ तृ॒तीयमा॑सीत्  
तेने॒न्द्रो वज्र॑मु॒दय॑च्छद्–वि॒ष्णव॑नु॒स्थितः॑ सोऽब्र॑वीन्मा मे प्र हा॒रस्ति॑  
वा इ॒दं – [ ] 38

**2.4.12.4**

मयि॑ वी॒र्यं॑ तत् ते प्र॒दास्या॑मीति॒ तदस्मै॑ प्राय॑च्छत् तत् प्रत्य॑गृ॒ह्णाद॑धा मेति॒  
तद्–वि॒ष्णवे॑ति प्राय॑च्छत् तद्–वि॒ष्णुः प्रत्य॑गृ॒ह्णाद॑स्मास्विन्द्र  
इन्द्रि॒यं द॑धा॒त्विति॑ यदन्तरि॒क्षे तृ॒तीयमा॑सीत् तेने॒न्द्रो वज्र॑मु॒दय॑च्छद्–  
वि॒ष्णव॑नु॒स्थितः॑ सोऽब्र॑वीन्मा मे प्रहा॒रस्ति॑ वा इ॒दं – [ ] 39

**2.4.12.5**

मयि॑ वी॒र्यं॑ तत् ते प्र॒दास्या॑मीति॒ तदस्मै॑ प्राय॑च्छत् तत् प्रत्य॑गृ॒ह्णाद् द्वि॒र्माऽधा॑  
इति॒ तद्–वि॒ष्णवे॑ति प्राय॑च्छत् तद्–वि॒ष्णुः प्रत्य॑गृ॒ह्णाद॑स्मास्विन्द्र इन्द्रि॒यं

दधात्विति॑ यद्वि॒वि तृती॑यमासीत् तेनेन्द्रो॑ वज्रमुदयच्छद्-विष्ण्वनुस्थितः॑  
 ॥ सोऽब्रवीन्मा मे॑ प्रहार्येनाह - [ ] 40

#### 2.4.12.6

-मिदमस्मि॑ तत् ते॒ प्रदा॑स्यामीति॒ त्वी(३) इत्यब्रवीत् सन्धां॑ तु सन्दधावहे॑  
 त्वामे॒व प्रवि॑शानीति॒ यन्मां॑ प्रविशोः॒ किं मा॑ भुञ्ज्या इत्यब्रवीत्  
 त्वामे॒वेन्धी॑य तव॒ भोगाय॑ त्वां प्रविशो॑यमित्यब्रवीत् तं वृत्रः॑ प्राविशदुदरं॑  
 वै वृत्रः॑ क्षुत् खलु॒ वै मनु॑ष्यस्य॒ भ्रातृ॑व्यो य - [ ] 41

#### 2.4.12.7

एवं वैद॑ हन्ति॒ क्षुधं॑ भ्रातृ॒व्यं तद॑स्मै प्रायच्छत्तत् प्रत्यगृह्णात्-त्रिर्मा॑ऽधा  
 इति॑ तद्-विष्णवे॑ऽति प्रायच्छत् तद्-विष्णुः॑ प्रत्यगृह्णादस्मास्विन्द्र॑ इन्द्रियं॒  
 दधात्विति॑ यत्त्रिः॑ प्रायच्छत् त्रिः प्रत्यगृह्णात् तत् त्रिधा॑तो॒स्त्रिधा॑तुत्वं  
 यद्-विष्णु॑रन्वतिष्ठत॒ विष्णवे॑ऽति प्रायच्छत् तस्मादैन्द्रा॑वैष्णवञ्  
 हविर्भवति॑ ( ) यद्वा इदं॑ किञ्च॒ तद॑स्मै तत् प्रायच्छद् ऋचः॑ सामानि॑  
 यजूं॑षि सहस्रं॑ वा अस्मै॒ तत् प्रायच्छत् तस्मात् सहस्र॑दक्षिणं । 42

(प्रवणं - विष्णु- र्वा इद- मिद - महं - यौ - भव - त्येक  
विज्ञातिश्च) (A12)

#### 2.4.13.1

दे॒वा वै रा॒ज॒न्या॑ - ज्जा॒य॒मा॒ना - द॒बि॒भ॒यु - स्त॒म॒न्त॒रे॒व स॒न्तं दा॒म्ना ऽपौ॑म्भन्थ्  
स वा ए॒षोऽपौ॑ब्धो जा॒य॒ते यद् - रा॒ज॒न्यो यद्वा ए॒षोऽन॑पौब्धो जा॒ये॒त वृ॒त्रान्  
घ्न॑श्च॒ श्व॒रे॒द्यं का॒म॒ये॒त रा॒ज॒न्य॒म॒न॒पौ॑ब्धो जा॒ये॒त वृ॒त्रान् घ्न॑श्च॒ श्व॒रे॒दि॒ति तस्मा॑  
ए॒त॒मै॒न्द्रा बा॒र्ह॒स्प॒त्यं च॒रुं नि॒र्व॒पे॒दै॒न्द्रो वै रा॒ज॒न्यो ब्र॒ह्म बृ॒ह॒स्प॒ति  
ब्र॒ह्म॒णै॒वैनं॑ ( ) दा॒म्नोऽपौ॑भ॒नान् मु॒ञ्च॒ति हि॒र॒ण्म॒यं दा॒म द॒क्षि॒णा  
सा॒क्षादे॒वैनं॑ दा॒म्नोऽपौ॑भ॒नान् मु॒ञ्च॒ति । 43

(ए॒नं - द्वा॒द॒श च) (A13)

#### 2.4.14.1

न॒वो॒न॒वो भ॒व॒ति जा॒य॒मा॒नोऽह्नां॑ के॒तु॒रु॒ष॒सा मे॒त्य॒ग्रे ।  
भा॒गं दे॒वे॒भ्यो वि॒द॒धा॒त्या॒यन् प्र॒च॒न्द्र॒मा॒स्ति॒र॒ति दी॒र्घ॒मा॒युः ।  
य॒मा॒दि॒त्या अ॒शु॒मा॒प्या॒य॒य॒न्ति य॒म॒क्षि॒त - म॒क्षि॒त॒यः पि॒ब॒न्ति ।

तेन नो राजा वरुणो बृहस्पतिरा प्याययन्तु भुवनस्य गोपाः ।  
 प्राच्यां दिशि त्वमिन्द्रासि राजोतोदीच्यां वृत्रहन् वृत्रहाऽसि ।  
 यत्र यन्ति स्रोत्यास्त - [ ] 44

#### 2.4.14.2

-जितं ते दक्षिणतो वृषभ एधि हव्यः ।  
 इन्द्रो जयाति न परा जयाता अधिराजो राजसु राजयाति ।  
 विश्वा हि भूयाः पृतना अभिष्टीरुपसद्यो नमस्यो यथाऽसत् ।  
 अस्येदेव प्ररिरिचे महित्वं दिवः पृथिव्याः पर्यन्तरिक्षात् ।  
 स्वराडिन्द्रो दम आ विश्वगूर्तः स्वरिरमत्रो ववक्षे रणाय ।  
 अभि त्वा शूर नोनुमोऽदुग्धा इव धेनवः । ईशान- [ ] 45

#### 2.4.14.3

-मस्य जगतः सुवर्दृशमीशानमिन्द्र तस्थुषः ।  
 त्वामिद्धि हवामहे साता वाजस्य कारवः ।  
 त्वां वृत्रेष्विन्द्र सत्पतिं नरस्त्वां काष्ठास्वर्वतः ।

यद्द्याव॑ इन्द्र॒ ते शत॑ ॐ शतं॑ भूमी॒ रूत॑ स्युः ।

न त्वा॑ वज्रि॒न्थ॑ सह॒स्र ॐ सूर्या॑ अनु॒ न जा॑तमष्ट॒ रोद॑सी ।

पि॒बा सोम॑मिन्द्र॒ मन्द॑तु त्वा॒ यन्ते॑ सु॒षाव॑ हर्य॒श्वाद्रिः॑ । 46

#### 2.4.14.4

सो॒तुर्बा॒हुभ्या॑ ॐ सु॒यतो॑ ना॒र्वा । रे॒वती॑र्नः स॒धमा॑द इन्द्रे॑ सन्तु तु॒विवा॑जाः ।

क्षु॒मन्तो॑ याभि॒र्मदे॑म ।

उद॒ग्ने शु॒चय॑स्तव॒ > <sup>1</sup> , वि ज्यो॑तिषो॒ > <sup>2</sup> , दु॒ त्यं जा॑तवे॒दस ॐ > <sup>3</sup>

सप्त॑ त्वा॒ हरि॑तो रथे॒ वह॑न्ति दे॒व सूर्य॑ । शो॒चिष्के॑ शं वि॒चक्ष॑ण ।

चि॒त्रं दे॒वाना॑मुद॒गाद॑नीकं चक्षु॑र्मि॒त्रस्य॑ वरु॒णस्या॑ग्नेः । आ॒प्त्रा

द्यावा॑पृथि॒वी अ॒न्तरि॑क्ष ॐ सूर्य॑ आ॒त्मा जग॑तस्त॒स्थुष॑ - [ ] 47

#### 2.4.14.5

श्च । वि॒श्वे दे॒वा ऋ॒तावृ॑ध ऋ॒तुभि॑र्ह॒वन॑श्रुतः । जु॒षन्तां॑ यु॒ज्यं प॑यः ।

वि॒श्वे दे॒वाः शृ॒णु॑तेम ॐ ह॒वं मे॒ ये अ॒न्तरि॑क्षे य उप॒ द्यवि॑ष्ठ । ये अ॒ग्निजि॑ह्वा

उ॒त वा॒ यज॑न्ना आ॒सद्या॑स्मिन् ब॒र्हिषि॑ मा॒दय॑ध्वं । 48

(त - दी॒शान - म॒द्रि - स्त॒स्थुष - स्त्रि॒श॒च्च) (A14)

**Prasna Korvai with starting Padams of 1 to 14 Anuvaakams :-**

(दे॒वा म॒नुष्या - दे॒वसु॒रा अब्रु॑वन् - दे॒वासु॒रास्तेषां॑ गाय॒त्रि -  
प्र॒जाप॒तिस्ता॒ यत्राऽ - ग्ने॒ गो॒भिः - चि॒त्रया॑ - मा॒रुतं॑ - दे॒वा वस॑व्या अ॒ग्ने  
- मा॒रुत॑मि॒ति - दे॒वा वस॑व्या दे॒वाः शर्म॑ण्याः - सर्वा॑णि - त्व॒ष्टा ह॑त॒पुत्रो॑  
- दे॒वा वै रा॒ज॒न्यान् - नवो॑नव - श्रु॒तुर्द॒श )

**Korvai with starting Padams of 1, 11, 21 Series of Panchaatis :-**

(दे॒वा म॒नुष्याः - प्र॒जां प॒शुन् - दे॒वा वस॑व्याः - परि॒द॒ध्यदि॒द-  
म॒स्म्य - ष्टा॑ च॒त्वारि॒शत् )

**First and Last Padam of Fourth Prasnam of Kandam 2:-**

(दे॒वा म॒नुष्या - मा॒दय॑ध्वं)

॥ हरिः ओं ॥

॥ कृष्ण यजुर्वेदीय तैत्तिरीय संहितायां द्वितीयकाण्डे चतुर्थः प्रश्नः समाप्तः ॥

---

## 2.4.1 Appendix

2.4.14.4 – उ॒द॒ग्ने॑ शु॒च॒य॒स्त॒व॑><sup>1</sup>

उ॒द॒ग्ने॑ शु॒च॒य॒स्त॒व॑ शु॒क्रा॑ भ्राजन्त ईरते । त॒व॒ ज्योती॑ऽष्य॒र्च॒यः॑ ॥

(Appearing in TS-1.3.14.8 )

---

2.4.14.4– वि॒ज्यो॒ति॒षो॑><sup>2</sup> ,

वि॒ ज्यो॒ति॒षा॑ बृ॒ह॒ता॑ भा॒त्य॒ग्नि॒रा॒वि॒ वि॒श्वानि॑ कृ॒णु॒ते॑ म॒हि॒त्वा ।  
प्रा॒दे॒वी॒ मा॒याः॑ स॒ह॒ते॑-दु॒रे॒वाः॑ शि॒शी॒ते॑ शृ॒ङ्गे॑ र॒क्ष॒से॑ वि॒नि॒क्षे॑ ॥

(Appearing in TS-1.2.14.7 )

---

2.4.14.4 – दु॒त्यं॑ जा॒त॒वे॒द॒स॒ऽ><sup>3</sup>

उ॒दु॒ त्यं॑ जा॒त॒वे॒द॒सं॑ दे॒वं॑ व॒ह॒न्ति॑ के॒त॒वः॑ ।

दृ॒शे॑ वि॒श्वा॒य॒ सूर्यं॑ ॥ (Appearing in- TS 1.4.43.1 )

---



ओं नमः परमात्मने, श्री महागणपतये नमः,

श्री गुरुभ्यो नमः, हरिः ओं

## 2.5 द्वितीयकाण्डे पञ्चमः प्रश्नः – इष्टिविधानं

### 2.5.1.1

वि॒श्वरू॒पो वै त्वाष्ट्रः॑ पु॒रोहि॑तो दे॒वाना॑मासीत् स्व॒स्रीयोऽसु॑राणां  
तस्य॑ त्रीणि॑ शी॒र्षा॒ण्यास॑न्थ-सोम॒पान॑ सु॒रापान॑-मन्ना॒दन॑  
स प्र॒त्यक्षं॑ दे॒वेभ्यो॑ भा॒गम॑वदत् परो॒क्षम॑सु॒रेभ्यः॑ सर्व॒स्मै वै प्र॒त्यक्षं॑ भा॒गं  
व॑दन्ति॒ यस्मा॑ ए॒व परो॒क्षं व॑दन्ति॒ तस्य॑ भा॒ग उ॑दितस्तस्मादिन्द्रो  
ऽबि॒भेदी॑दृङ् वै रा॒ष्ट्रं वि॑ पर्याव॒र्तय॑तीति॒ तस्य॑ वज्र॒मादा॑य  
शी॒र्षा॒ण्यच्छि॑नद्यथ॒ सोम॒पान॑ - [ ] 1

### 2.5.1.2

-मासी॑त् स क॒पिज्ज॑लो ऽभ॒वत्य॑थ सु॒रापान॑ स क॒लवि॑ङ्को यदन्ना॒दन॑  
स ति॒त्तिरि॑स्तस्याज्ज॒लिना॑ ब्रह्म॒हत्या॑मुपागृ॒ह्णात् तां स॑व॒त्सर॑मबिभस्तं  
भू॒तान्य॑भ्यक्रो॒शन् ब्रह्म॑ह॒न्निति॑ स पृ॒थिवी॑मुपासीद॒दस्यै॑ ब्रह्म॒हत्या॑यै तृती॒यं

प्रति॑ गृ॒हाणे॑ति साऽब्र॒वीद्व॑रं ँवृ॒णै खा॒तात् परा॑भविष्यन्ती॒ मन्ये॑ ततो॒ मा परा॑  
भू॒वमि॑ति॒पुरा ते॑- [ ] 2

### 2.5.1.3

सँव॑थ्सरादपि॒ रोहा॑दित्यब्र॒वीत् तस्मा॑त् पु॒रा सँव॑थ्सरात् पृथि॒व्यै  
खा॒तमपि॑ रो॒हति॑ वा॒रेवृ॑त॒ ह्यस्यै॑ तृती॒यं ब्र॒ह्मह॑त्यायै प्रत्य॒गृह्णा॑त्  
तथ् स्व॒कृत॑मि॒रिण॑मभवत् तस्मा॑दाहि॒ताग्निः॑ श्रद्धा॑दे॒वः स्व॒कृत॑ इ॒रिणे॑ नाव॒  
स्येद्-ब्र॒ह्मह॑त्यायै ह्येष॒ वर्णः॑ स वन॒स्पती॑नु॒पासी॑ददस्यै ब्र॒ह्मह॑त्यायै तृती॒यं  
प्रति॑ गृ॒ह्णीते॑ति तेऽब्रु॒वन् वरं॑ ँवृ॒णाम॑है वृ॒क्णात् - [ ] 3

### 2.5.1.4

परा॑भविष्यन्तो॒ मन्या॑महे ततो॒ मा परा॑ भूमे॒त्याव्र॑श्च॒नाद्वो॑ भूया॑ऽस  
उत्ति॑ष्ठानित्यब्र॒वीत् तस्मा॑दाव्र॒श्च॒नाद्-वृ॒क्षाणां॑ भूया॑ऽस उत्ति॑ष्ठन्ति  
वा॒रेवृ॑त॒ ह्येषां॑ तृती॒यं ब्र॒ह्मह॑त्यायै प्रत्य॒गृह्ण॑न्थ्स॒ निर्या॑सो ऽभवत्  
तस्मा॑न्निर्या॒सस्य॑ नाऽऽश्यं॑ ब्र॒ह्मह॑त्यायै ह्येष॒ वर्णो॑ऽथो॒ खलु॑ य ए॒व लो॑हितो  
यो वाऽऽव्र॑श्च॒नान्निर्ये॑षति॒ तस्य॑ नाऽऽश्यं॑ - [ ] 4

**2.5.1.5**

काममन्यस्यसस्त्रीष॑साद-मुपासीदस्यै ब्रह्महत्यायै तृतीयं  
 प्रति गृह्णीतेति ता अब्रुवन् वरं वृणामहा ऋत्वियात् प्रजां विन्दामहै  
 काममा विजनितोः सं भवामेति तस्मादृत्वियात् स्त्रियः प्रजां विन्दन्ते  
 काममा विजनितोः संभवन्ति वारैवृत॑ ह्यासां तृतीयं ब्रह्महत्यायै  
 प्रत्यगृह्णन्थ् सा मलवद्वासा अभवत् तस्मान्-मलवद्-वाससा न  
 सँवदेत - [ ] 5

**2.5.1.6**

न सहाऽसीत नास्या अन्नमद्याद्-ब्रह्महत्यायै ह्येषा वर्णं प्रतिमुच्या  
 ऽऽस्तेऽथो खल्वाहुरभ्यञ्जनं वाव स्त्रिया अन्नमभ्यञ्जनमेव न  
 प्रतिगृह्यं काममन्यदिति यां मलवद्-वासस॑ संभवन्ति यस्ततो जायते  
 सोऽभिशास्तो यामरण्ये तस्यै स्तेनो यां पराचीं तस्यै हीतमुख्यपगल्भो  
 या स्नाति तस्या अप्सु मारुको या - [ ] 6

**2.5.1.7**

ऽभ्यङ्क्ते॑ तस्यै॑ दु॒श्च॒र्मा॑ या॒ प्र॒लि॒ख॒ते॑ तस्यै॑ ख॒ल॒ति॒र॒प॒मा॒री॑ याऽऽङ्क्ते॑ तस्यै॑  
 का॒णो॑ या॒ द॒तो॑ धा॒व॒ते॑ तस्यै॑ श्या॒व॒द॒न् या॒ न॒खा॒नि॑ नि॒कृ॒न्त॒ते॑ तस्यै॑ कु॒न॒खी॑  
 या॒ कृ॒ण॒त्ति॑ तस्यै॑ क्ली॒बो॑ या॒ रज्जु॑ सृ॒ज॒ति॑ तस्या॑ उद्-बन्धु॒को॑ या॒ पर्णे॑न  
 पि॒ब॒ति॑ तस्या॑ उ॒न्मा॒दु॒को॑ या॒ ख॒र्वे॒ण॑ पि॒ब॒ति॑ तस्यै॑ ख॒र्व॒स्ति॒स्रो॑ रा॒त्री॒र्व॒तं  
 च॒रे॒द॒ञ्ज॒लि॒ना॑ वा॒ पि॒बे॒द॒ख॒र्वे॒ण॑ वा॒ ( ) पा॒त्रे॒ण॑ प्र॒जा॒यै॑ गो॒पी॒था॒य॑ । 7  
 (यथ् सो॒म॒पा॒नं॑ - ते॑ - वृ॒क्णा॒त्- तस्य॑ नाऽऽ॒श्रयं॑ - वँदे॒त॑ - मा॒रु॒को॑  
 या॒ -ऽख॒र्वे॒ण॑ वा॒ - त्री॒णी॑ च) (A1)

**2.5.2.1**

त्व॒ष्टा॑ ह॒त॒पु॒त्रो॑ वी॒न्द्रो॑ सो॒म॒मा॒ऽह॒र॒त् तस्मि॒न्नि॒न्द्रो॑ उप॒ह॒व॒मै॒च्छ॒त॑  
 तं नो॒पा॒ह्व॒य॒त॑ पु॒त्रं मे॒ऽव॒धी॒रि॒ति॑ स॒ य॒ज्ञ॒वे॒श॒सं॑ कृ॒त्वा प्रा॒स॒हा॒  
 सो॒म॒म॒पि॒ब॒त् तस्य॑ यद॒त्य॒शि॒ष्य॒त॑ तत् त्व॒ष्टा॑ऽऽह॒व॒नी॒य॒मु॒प॒  
 प्रा॒व॒र्त॒य॒थ् स्वा॒हे॒न्द्र॒श॒त्रु-व॒र्ध॒स्वे॒ति॑ यद॒व॒र्त॒य॒त् तद्-वृ॒त्र॒स्य॑ वृ॒त्र॒त्वं  
 यद॒ब्र॒वी॒थ् स्वा॒हे॒न्द्र॒श॒त्रु-व॒र्ध॒स्वे॒ति॑ तस्मा॒द॒स्ये॒- [ ] 8

**2.5.2.2**

—न्द्रः शत्रुरभवत् स संभवन्नग्नीषोमावभि समभवत् स  
 इषुमात्रमिषुमात्रं विष्वङ्बुवर्धत स इमां लोकानवृणोद्यदिमां  
 लोकानवृणोत् तद्-वृत्रस्य वृत्रत्वं तस्मादिन्द्रोऽबिभेथ स  
 प्रजापतिमुपाधाव-च्छत्रुर्मेऽजनीति तस्मै वज्रं सिक्त्वा प्रायच्छदेतेन  
 जहीति तेनाभ्यायत तावब्रूतामग्नीषोमौ मा - [ ] 9

**2.5.2.3**

प्रहारावमन्तः स्व इति मम वै युवऽस्थ इत्यब्रवीन्मामभ्येतमिति  
 तौ भागधेयमैच्छेतां ताभ्या-मेतमग्नीषोमीय-मेकादशकपालं पूर्णमासे  
 प्रायच्छत् तावब्रूतामभि संदष्टौ वै स्वो न शक्नुव ऐतुमिति स इन्द्र  
 आत्मनः शीतरूरावजनयत् तच्छीतरूरयोर्जन्म य ऐव  
 शीतरूरयोर्जन्म वेद - [ ] 10

**2.5.2.4**

नैनं शीतरूरौ हतस्ताभ्यामेनमभ्यनयत् तस्मा-ज्जञ्चभ्यमानादग्नीषोमौ  
 निरक्रामतां प्राणापानौ वा एनं तदजहितां प्राणो वै दक्षोऽपानः

क्र॒तुस्तस्मा॑-ज्ज॒ज्जभ्य॑मानो ब्रू॒यान्मयि॑ दक्ष॒क्रतू॑ इति  
 प्रा॒णापा॒नावे॑वाऽऽत्मन् ध॒त्ते सर्व॑मायुरेति स दे॒वता॑ वृ॒त्रान्निर्हू॑य वा॒र्त्रघ्न॑  
 ह॒विः पूर्ण॑मासे॒ निरव॑पद् घ्नन्ति॒ वा ए॒नं पूर्ण॑मास आ - [ ] 11

### 2.5.2.5

ऽमा॒वास्या॑यां प्याययन्ति॒ तस्मा॑द्-वा॒र्त्रघ्नी॑ पूर्ण॑मासे ऽनू॒च्येते॑  
 वृ॒धन्व॑ती अ॒मावा॑स्यायां तथ् स॒स्थाप्य॑ वा॒र्त्रघ्न॑ ह॒विर्वज्र॑मा॒दाय॑  
 पु॒नर॑भ्यायत ते अ॒ब्रूतां॑ द्या॒वापृ॑थि॒वी मा प्र॑ हा॒रावयो॑र्वै श्रि॒त इति॑ ते अ॒ब्रूतां॑  
 वरं॑ वृ॒णाव॑है नक्ष॒त्रवि॑हिता-ऽह॒मसानी॑त्यसाव॒ब्रवी- चि॒त्रवि॑हिता-  
 ऽह॒मितीयं॑ तस्मान्नक्ष॒त्रवि॑हिताऽसौ चि॒त्रवि॑हितेऽयं ए॒व  
 द्या॒वापृ॑थिव्यो - [ ] 12

### 2.5.2.6

-वरं॑ वे॒दै॒नं व॑रो गच्छति॒ स आ॒भ्यामे॒व प्र॑सूत॒ इन्द्रो॑ वृ॒त्रम॑हन् ते दे॒वा  
 वृ॒त्रं ह॒त्वाऽग्नी॑षो॒माव॑ब्रुवन् ह॒व्यं नो॑ वह॒तमि॒ति ताव॑ब्रूता॒मप॑तेजसौ वै  
 त्यौ वृ॒त्रे वै त्ययो॑स्तेज इति॒ तेऽब्रु॑वन् क इ॒दम॑च्छैतीति॒ गौरि॑त्य॒ब्रुवन्  
 गौ॒र्वाव॑ सर्व॑स्य मि॒त्रमि॒ति साऽब्रू॑वी - [ ] 13

**2.5.2.7**

–द्व॑रं वृ॑णै म॒य्ये॒व स॒तोऽभ॑ये॒न भु॑न॒जाध्वा॑ इति॒ तद्–गौ॑राऽह॒रत्  
तस्मा॑द्–गवि॑ स॒तोभ॑ये॒न भु॑ञ्जत ए॒तद्वा अ॒ग्नेस्ते॑जो॒ यद् घृ॑तमे॒तत्  
सोम॑स्य॒ यत् प॒यो य ए॒वम॒ग्नीषो॑म॒यो स्ते॑जो॒ वेद॑ ते॒जस्व्ये॑व भ॒वति॑  
ब्र॒ह्मवा॑दि॒नो वद॑न्ति किं॒दे॒वत्यं॑ पौ॒र्णमा॑समि॒ति प्रा॒जाप॑त्यमि॒ति ब्रू॑यात्  
तेने॑न्द्रं ज्येष्ठं पु॒त्रं नि॒रवा॑साय॒यदिति॑ तस्मा॑– ( ) –ज्येष्ठं पु॒त्रं ध॑ने॒न  
नि॒रव॑साय॒यन्ति॑ । 14

(अ॒स्य – मा – वे॒दा – ऽऽ – द्यावा॑पृ॒थिव्यो॑ – र॒ब्रवी॑दिति – तस्मा॑  
– च॒त्वारि॑ च) (A2)

**2.5.3.1**

इन्द्रं॑ वृ॒त्रं ज॑घ्नि॒वाꣳसं॑ मृ॒धोऽभि॑ प्रावे॒पन्त॑ स ए॒तं वै॑मृ॒धं  
पू॒णमा॑सेऽनु॒निर्वा॑प्यमप॒श्यत् तं नि॒रव॑पत् ते॒न वै स॑ मृ॒धोऽपा॑हत॒ यद्वै॑मृ॒धः  
पू॒र्णमा॑सेऽनु॒निर्वा॑प्यो भ॒वति॑ मृ॒ध ए॒व ते॒न य॑ज॒मानो॑ऽप॒ हत॑  
इन्द्रो॑ वृ॒त्रꣳ ह॒त्वा दे॒वता॑भिश्चेन्द्रि॒येण॑ च॒ व्या॑र्ध्यत॒ स

ए॒तमा॒ग्ने॒य-म॒ष्टाक॒पाल-म॒मावा॒स्याया॒मप॒श्यदै॒न्द्रं दधि॑ - [ ] 15

### 2.5.3.2

तं॑ नि॒रव॑पत् तेन॑ वै स दे॒वता॑श्चेन्द्रि॒यं चावा॑रुन्धयदा॒ग्नेयो॑ ऽष्टाक॒पालो  
 ऽमावा॒स्यायां॑ भवत्यै॒न्द्रं दधि॑ दे॒वता॑श्चैव तेनेन्द्रि॒यं च॑ यज॒मानो॑ऽव रुन्ध  
 इन्द्र॑स्य वृ॒त्रं ज॒घ्नुष॑ इन्द्रि॒यं वी॒र्यं॑ पृथि॒वीमनु॑ व्या॒च्छत्॑ तदोष॑धयो  
 वी॒रुधो॑ऽभवन्त्स प्र॒जाप॑तिमुपा॒धावद्-वृ॒त्रं मे॑ ज॒घ्नुष॑ इन्द्रि॒यं  
 वी॒र्यं॑ - [ ] 16

### 2.5.3.3

पृथि॒वीमनु॑ व्या॒रत् तदोष॑धयो वी॒रुधो॑ऽभूवन्निति॑ स प्र॒जाप॑तिः  
 प॒शून्ब्र॑वीदे॒तदस्मै॑ सं ने॒यते॑ति तत् प॒शव॑ ओष॒धीभ्यो॑ ऽध्यात्मन्  
 स॒मन॑यन् तत् प्र॒त्यदु॑हन् यथ् स॒मन॑यन् तत् सां॑ ना॒य्यस्य॑ सां॒नाय्य॑त्वं  
 यत् प्र॒त्यदु॑हन् तत् प्र॒तिधु॑षः प्र॒तिधु॑क्त्वꣳ स॒मनै॑षुः प्र॒त्यधु॑क्षन्  
 न तु॑ मयि॑ श्रय॒त इत्य॑ब्रवीदे॒तदस्मै॑ - [ ] 17



**2.5.3.4**

शृ॒तं॑ कुरु॒तेत्य॑ब्रवीत् तदस्मै॑ शृ॒त-म॑कुर्वन्निन्द्रि॒यं वा॑वास्मिन् वी॒र्यं॑  
तदश्र॑यन् तच्छृ॒तस्य॑ शृ॒तत्व॑ सम॒नैषुः॑ प्रत्य॒धुक्ष॑ञ्छृ॒तम॑क्रन् न तु मा  
धि॒नोती॑त्यब्रवीदेतदस्मै॑ दधि॒ कुरु॒तेत्य॑ब्रवीत् तदस्मै॑ दध्य॒कुर्वन्  
तदे॒नम॑धि॒नोत् तद्द॒ध्नो दधित्वं॑ ब्रह्म॒वादि॑नो वदन्ति द॒ध्नः  
पूर्व॑स्यावदे॒यं - [ ] 18

**2.5.3.5**

दधि॒ हि पूर्वं॑ क्रि॒यत॑ इत्य॒नादृत्य॑ तच्छृ॒तस्यै॑व पूर्व॒स्याव  
द्येदि॒न्द्रि॒यमे॒वास्मिन्॑ वी॒र्यं॑ श्रित्वा द॒ध्नो परि॑ष्ठाद्धि॒नोति॑ यथापूर्व॒मुपै॑ति  
यत् पू॒तीकै॑र्वा पर्ण॒वल्कै॑र्वा ऽऽत॒ञ्च्यात् सौ॒म्यं तद्यत् क्व॑लै राक्ष॒सं  
तद्यत् तण्डु॒लैर्वै॑श्वदे॒वं तद्य॑दातञ्चने॒न मा॒नुषं॑ तद्-यद्-द॒ध्ना  
तथ् सेन्द्रं॑ द॒ध्ना ऽऽत॑नक्ति - [ ] 19

**2.5.3.6**

सेन्द्र॒त्वाया॑-ग्नि॒होत्रो॑च्छेष॒णम॒भ्या-त॑नक्ति य॒ज्ञस्य॑ संत॒त्या इन्द्रो॑ वृ॒त्रं  
ह॒त्वा परां॑ परा॒वत॑-मगच्छ-दपा॒राध॑मिति म॒न्यमा॑नस्तं दे॒वताः॑ प्रैष॒मैच्छन्थ्

सोऽब्रवीत् प्रजापतिर्यः प्रथमोऽनुविन्दति तस्य प्रथमं भागधेयमिति तं  
पितरोऽन्वविन्दन् तस्मात् पितृभ्यः पूर्वेषु क्रियते सोऽमावास्यां  
प्रत्याऽगच्छत् तं देवा अभि समगच्छन्तामा वै नो-[ ] 20

### 2.5.3.7

ऽद्य वसु वसतीतीन्द्रो हि देवानां वसु तदमावास्याया अमावास्यत्वं  
ब्रह्मवादिनो वदन्ति किं देवत्यं सांनय्यमिति वैश्वदेवमिति ब्रूयाद्-विश्वे  
हि तद्देवा भागधेयमभि समगच्छन्तेत्यथो खल्वैन्द्रमित्येव ब्रूयादिन्द्रं वाव  
ते तद्-भिषज्यन्तोऽभि समगच्छन्तेति । 21

(दधि - मे जघनुष इन्द्रियं वीर्य - मित्यब्रवीदेतदस्मा -  
अवदेयं - तनक्ति - नो - द्विचत्वारिंशच्च) (A3)

### 2.5.4.1

ब्रह्मवादिनो वदन्ति स त्वै दर्शपूर्णमासौ यजेत य एनौ सेन्द्रौ  
यजेतेति वैमृधः पूर्णमासे ऽनुनिर्वाप्यो भवति तेन पूर्णमासः सेन्द्र ऐन्द्रं  
दध्यमावास्यायां तेनामावास्या सेन्द्रा य एवं विद्वान् दर्शपूर्णमासौ

यज॑ते स॑ेन्द्रा॒वे॒वैनौ॑ यज॑ते श्वः श्वोऽ॒स्मा ई॒जाना॑य वसी॒यो भव॑ति दे॒वा वै  
यद्-य॒ज्ञे ऽकु॑र्व॒तत॑दसुरा अकु॑र्व॒त ते दे॒वा ए॒ता - [ ] 22

#### 2.5.4.2

-मि॒ष्टि-मप॑श्यन्-ना॒ग्नावै॒ष्णव॑-मे॒काद॑शकपाल॒ऽ सर॑स्वत्यै चरु॒ऽ  
सर॑स्वते चरुं तां पौ॒र्णमा॑स॒ऽ स॒ऽस्था॑प्यानु निरव॒पन् ततो॑ दे॒वा  
अभव॑न् पराऽसुरा यो भ्रातृ॒व्यवा॑न्थस्याथ स पौ॒र्णमा॑स॒ऽ  
स॒ऽस्था॑प्यैतामि॒ष्टिम॑नु निर्व॒पेत् पौ॒र्णमा॑सेनैव वज्रं भ्रातृ॒व्याय  
प्र॒ह॒त्याऽऽग्ना॑वै॒ष्णावे॑न दे॒वता॑श्च य॒ज्ञं च भ्रातृ॒व्यस्य॑ वृ॒द्धे मि॒थुना॑न् प॒शून्थ्  
सा॒र॒स्वता॑भ्यां याव॑दे॒वास्या॑स्ति तथ् - [ ] 23

#### 2.5.4.3

सर्वं वृ॒द्धे पौ॒र्णमा॑सीमेव यजे॑त भ्रातृ॒व्यवा॑न्नामा॒वास्या॑ऽ ह॒त्वा भ्रातृ॒व्यं  
नाऽऽप्या॑ययति साकं प्र॒स्था॒यीये॑न यजे॑त प॒शुका॑मो॒यस्मै वा  
अ॒ल्पे॑नाऽऽह॑रन्ति नाऽऽत्म॒ना तृ॑प्यति नान्य॒स्मै द॑दाति यस्मै मह॒ता  
तृ॑प्यत्यात्म॒ना द॑दात्यन्य॒स्मै मह॒ता पू॒र्णऽ हो॑तव्यं तृ॒प्त ए॒वैन॑मिन्द्रः प्र॒जया॑

प॒शुभि॑स्त्तर्प॒यति॑ दा॒रुपा॑त्रेण जुहोति न हि मृ॒न्मय॑माहुतिमा॒न॒श

औ॒दु॒म्बरं॑ – [ ] 24

#### 2.5.4.4

भव॑त्यूर्वा उ॒दु॒म्बर॑ ऊ॒र्क् प॒शव॑ ऊ॒र्जे॑वास्मा ऊ॒र्जं प॒शून्व॑ रुन्धे  
ना॒गत॑श्रीर्महेन्द्रं य॒जेत॑ त्रयो॒ वै ग॒तश्रि॑यः शुश्रु॒वान् ग्राम॑णी  
रा॒ज॒न्यस्ते॑षां महेन्द्रो दे॒वता॑ यो॒ वै स्वां॑ दे॒वता॑मति॒ यज॑ते  
प्र॒स्वायै॑ दे॒वता॑यैच्यवते न परां प्राप्नोति पापी॒यान् भव॑ति

सँव॑त्सर-मिन्द्रं य॒जेत॑ सँव॑त्सरं हि व्र॒तं ना॒ति स्वै – [ ] 25

#### 2.5.4.5

-वैनं॑ दे॒वते॑ज्यमा॒ना भू॒त्या इ॒न्धे व॑सी॒यान् भव॑ति सँव॑त्सरस्य  
पर॑स्ताद॒ग्नये॑ व्र॒तप॑तये पु॒रोडा॑शम॒ष्टाक॑पालं निर्वपेथ् सँव॑त्सरमे॒वैनं॑ वृ॒त्रं  
ज॒घ्निवा॑ सम॒ग्नि-व्र॑तपति-व्र॒तमा॑ लम्भयति ततोऽधि॒ कामं॑ य॒जेत॑ । 26

(ए॒तां – त – दौ॒दु॒म्बर॑ – स्वा – त्रि॒ंश॑च्च) (A4)

**2.5.5.1**

नासो॑मयाजी॒ सं नये॑दनागतं॑ वा एतस्य॑ पयो॒ योऽसो॑मयाजी॒ यदसो॑मयाजी॒  
सं नये॑त् परिमो॒ष ए॒व सोऽनृतं॑ करोत्यथो॒ परै॒व सि॑च्यते सोमयाज्ये॑व सं  
नये॑त् पयो॒ वै सोमः॑ पयः॒ सांनाय्यं॑ पयसै॒व पय॑ आत्मन् धत्ते॒ वि वा ए॒तं  
प्रजया॑ पशु॒भिरर्ध॑यति वर्धयत्यस्य॒ भ्रातृ॑व्यं यस्य॒ ह॒विर्निरु॑प्तं  
पुरस्ताच्चन्द्र॑मा – [ ] 27

**2.5.5.2**

अभ्यु॑देति त्रेधा॒ तण्डु॑लान् वि भजे॑द्ये मध्य॒माः स्यु॑स्तानग्नये॒ दात्रे॑  
पुरो॑डाशम॒ष्टाक॑पालं कुर्या॑द्ये स्थवि॒ष्ठास्ता॑निन्द्राय प्रदात्रे॒ दध॑श्चरुं  
येऽणि॑ष्ठास्तान् विष्ण॒वे शि॑पिवि॒ष्टाय॑ शृते॒ चरु॑मग्निरे॒वास्मै॑ प्रजां  
प्रज॑नयति वृ॒द्धामि॒न्द्रः प्र॑यच्छति यज्ञो॒ वै वि॒ष्णुः प॒शवः॑ शिपि॒र्यज्ञ॑ ए॒व  
पशु॑षु प्र॒तिति॑ष्ठति न द्वे – [ ] 28

**2.5.5.3**

यजे॑त यत् पूर्व॒या संप्र॑ति यजे॑तोत्तर॒या छम्ब॑ट्कुर्याद्यदुत्तर॒या सम्प्र॑ति यजे॑त  
पूर्व॒या छम्ब॑ट्कुर्यान्नेष्टि॒र्भव॑ति न यज्ञ॒स्तदनु॑ ह्रीतमु॒ख्यप॑गल्भो जायत

ए॒कामे॒व य॒जेत॑ प्र॒गल्भो॑ऽस्य जा॒यते॑ ऽना॒दृत्य॑ तद् द्वे ए॒व य॒जेत॑ य॒ज्ञ  
मु॒खमे॒व पूर्॒वया॑ऽऽल॒भते॑ य॒जत॑ उत्त॒रया॑ दे॒वता॑ ए॒व पूर्॒वया॑ ऽव॒रुन्ध  
इ॒न्द्रि॒य-मु॒त्तर॒या दे॒वलोक॑मे॒व - [ ] 29

#### 2.5.5.4

पूर्॒वया॑ऽभि॒जय॑ति म॒नुष्य॑लो॒कमु॒त्तर॒या भू॒यसो॑ य॒ज्ञक्र॒तूनु॑पै॒त्येषा॑  
वै सु॒मना॑ ना॒मेष्टि॒र्यम॒द्ये जा॒नं प॒श्चाच्च॑न्द्र॒मा अ॒भ्युदे॑त्यस्मि॒न्नेवा॒स्मै  
लो॒केऽर्धु॑कं भ॒वति॑ दा॒क्षाय॑ण य॒ज्ञेन॑ सु॒वर्ग॑का॒मो य॒जेत॑ पूर्ण॒मासे॑  
सं न॒येन्-मै॒त्राव॑रु॒ण्या ऽऽमि॑क्ष॒या ऽमा॒वास्या॑यां य॒जेत॑ पूर्ण॒मासे॑ वै  
दे॒वानां॑ सु॒तस्तेषा॑मे॒तम॑र्ध॒मासं॑ प्र॒सुत॑स्तेषां॑ मै॒त्राव॑रु॒णी  
व॒शाऽमा॒वास्या॑या-म॒नूब॑न्ध्या यत् - [ ] 30

#### 2.5.5.5

पूर्वे॒द्यु र्य॑जते वे॒दिमे॒व तत् क॑रोति यद् व॒थ्सान॑पाक॒रोति॑  
स॒दोह॑वि॒र्धाने॑ ए॒व सं मि॑नोति यद्य॒जते॑ दे॒वैरे॒व सु॒त्यां सं पा॑दयति स  
ए॒तम॑र्ध॒मासं॑ स॒धमा॑दं दे॒वैः सो॑मं पि॒बति॑ यन्-मै॒त्राव॑रु॒ण्या ऽऽमि॑क्ष॒या

ऽमावास्यायां यजते यैवासौ देवानां वशाऽनूबन्ध्या सो एवैषैतस्य  
साक्षाद्वा एष देवानभ्यारोहति य एषां यज्ञ - [ ] 31

### 2.5.5.6

-मभ्यारोहति यथा खलुवै श्रेयानभ्यारूढः कामयते तथा करोति  
यद्यवविध्यति पापीयान् भवति यदि नावविध्यति सदृङ् व्यावृत्काम  
एतेन यज्ञेन यजेत क्षुरपविर्ह्येष यज्ञस्ताजक् पुण्यो वा भवति प्र वा  
मीयते तस्यैतद्व्रतं नानृतं वदेन्न माऽ समश्नीयान्न स्त्रयमुपेयान्नास्य  
पल्पूलनेन वासः पल्पूलयेयु ( )-रेतद्धि देवाः सर्वं न कुर्वन्ति । 32

(चन्द्रमा - द्वे - देवलोकमेव - यद् - यज्ञं - पल्पूलयेयुः - षट् च)  
(A5)

### 2.5.6.1

एष वै देवरथो यद्-दर्शपूर्णमासौ यो दर्शपूर्णमासाविष्ट्वा सोमेन  
यजते रथस्पष्ट एवावसाने वरे देवानामव स्यत्येतानि वा अङ्गापरूष्णि  
संवत्सरस्य यद्दर्शपूर्णमासौ य एवं विद्वान् दर्शपूर्णमासौ यजते-  
ऽङ्गापरूष्ण्येव संवत्सरस्य प्रति दधात्ये ते वै संवत्सरस्य

चक्षु॑षी॒ यद्दर्श॑पूर्णमासौ॒ य एवं॑ वि॒द्वान् दर्श॑पूर्णमासौ  
यज॑ते ताभ्या॑मे॒व सु॒वर्गं लो॒कमनु॑ पश्य – [ ] 33

### 2.5.6.2

–त्येषा॑ वै दे॒वानां॑ वि॒क्रान्ति॑ र्यद्–दर्श॑पूर्णमासौ॒ य एवं॑ वि॒द्वान्  
दर्श॑पूर्णमासौ॒ यज॑ते दे॒वानामे॒व वि॒क्रान्ति॑मनु॒ विक्र॑मत ए॒ष वै दे॒वयानः॑  
पन्था॑ यद्–दर्श॑पूर्णमासौ॒ य एवं॑ वि॒द्वान् दर्श॑पूर्णमासौ॒ यज॑ते य एवं॑  
दे॒वयानः॑ पन्था॑स्त॒ऽसमारो॑हत्येतौ॒ वै दे॒वानां॑ हरी॒ यद्दर्श॑पूर्णमासौ  
य एवं॑ वि॒द्वान् दर्श॑पूर्णमासौ॒ यज॑ते यावे॒व दे॒वानां॑  
हरी॑ ताभ्या – [ ] 34

### 2.5.6.3

–मे॒वैभ्यो॑ ह॒व्यं व॑हत्येतद्वै दे॒वानामा॑स्यं॒ यद्–दर्श॑पूर्णमासौ॒ य एवं॑  
वि॒द्वान् दर्श॑पूर्णमासौ॒ यज॑ते साक्षा॑दे॒व दे॒वानामा॑स्ये जुहो॑त्येष वै  
हवि॑र्धानी यो दर्श॑पूर्णमासया॒जी सायं॑ प्रा॒तरग्नि॑होत्रं जुहो॑ति यज॑ते  
दर्श॑पूर्णमासा–व॒हरह॑–हवि॑र्धानिनां॒ सुतो॑ य एवं॑ वि॒द्वान्



दर्शपूर्णमासौ यजते हविर्धान्यस्मीति सर्वमेवास्य बर्हिष्यं दत्तं  
भवति देवावा अह - [ ] 35

#### 2.5.6.4

-र्यज्ञियं नाविन्दन् ते दर्शपूर्णमासावपुनन् तौ वा एतौ पूतौ मेध्यौ  
यद्-दर्शपूर्णमासौ य एवं विद्वान् दर्शपूर्णमासौ यजते पूतावेवैनौ  
मेध्यौ यजते नामावास्यायां च पौर्णमास्यां च स्त्रिय-मुपेयाद्य-  
दुपेयान्निरिन्द्रियः स्यात् सोमस्य वै राज्ञोऽर्धमासस्य रात्रयः पत्नय  
आसन् तासाममावास्यां च पौर्णमासीं च नोपैत् - [ ] 36

#### 2.5.6.5

ते एनमभि समनह्येतां तं यक्ष्म आच्छद्-राजानं यक्ष्म आरदिति  
तद्-राजयक्ष्मस्य जन्म यत् पापीयानभवत् तत् पापयक्ष्मस्य  
यज्जायाभ्यामविन्दत् तज्जायेन्यस्य य एवमेतेषां यक्ष्माणां जन्म  
वेद नैनमेते यक्ष्माविन्दन्ति स एते एव नमस्यन्नुपाधावत् ते  
अब्रूतां वरं वृणावहा आवं देवानां भागधे असावा - [ ] 37

**2.5.6.6**

–वदधि दे॒वा इ॒ज्यान्ता॒ इति॑ तस्मा॑त् सदृ॑शीनां॒ रात्री॑णाममावास्यायां  
च पौ॒र्णमा॒स्यां च दे॒वा इ॒ज्यन्त ए॒ते हि दे॒वानां॑ भा॒गधे॑ भा॒गधा अ॒स्मै  
मनु॑ष्या भवन्ति य एवं॑ वे॒द भू॒तानि॑ क्षु॒धम॒घ्नन्थ॑ सद्यो॑ मनु॑ष्या अ॒र्धमा॒से  
दे॒वा मा॒सि पि॒तरः सँव॑त्सरे वनस्प॑तय–स्तस्मा॑–द॒हर॒ह–मनु॑ष्या  
अ॒ज्ञानमि॑च्छन्ते ऽर्ध॑मासे दे॒वा इ॒ज्यन्ते मा॒सि पि॒तृभ्यः॑ क्रियते सँव॑त्सरे  
वनस्प॑तयः फलं॑ ( ) गृ॒ह्णन्ति॑ य एवं॑ वे॒द ह॒न्ति क्षु॒धं भ्रातृ॑व्यं । 38  
(पश्य॑ति – ताभ्या॑ –मह॑ – रै – दसा॑व – फल॑ – सप्त॑ च) (A6)

**2.5.7.1**

दे॒वा वै न॒र्चि न य॑जुष्यश्रयन्त ते साम॑न्नेवाश्रयन्त हिं करो॑ति  
सामै॑वाकर्हिं करो॑तियत्रै॒व दे॒वा अ॒श्रयन्त॑ तत ए॒वैनान् प्र॑युङ्क्ते  
हिं करो॑ति वाच ए॒वैष यो॒गो हिं करो॑ति प्र॒जा ऐ॒व तद्–य॑जमानः सृजते॑  
त्रिः प्र॑थमामन्वाह त्रि॑रुत्तमां य॒ज्ञस्यै॒व तद्वर्॑स – [ ] 39

**2.5.7.2**

न॒ह्यत्य॑प्र॒स्र॒साय॑ संत॒तम॑न्वाह प्रा॒णाना॑मन्नाद्यस्य संत॒त्या अ॒थो  
रक्ष॑सामप॒हत्यै॑ रा॒थंत॑रीं प्रथ॒माम॑न्वाह रा॒थंत॑रो वा अ॒यं लो॒क इ॒ममे॒व  
लो॒कम॑भि जयति त्रि॒र्वि गृ॑ह्णाति त्रय॒ इमे॒ लोका॑ इ॒माने॒व लो॒कान॑भि जयति  
बा॒र्हती॑मु॒त्तमा॑-मन्वाह बा॒र्हतो॑ वा अ॒सौ लो॒कोऽमु॑मे॒व  
लो॒कम॑भि जयति प्र वो - [ ] 40

**2.5.7.3**

वा॒जा इ॒त्यनि॑रुक्तां प्रा॒जाप॑त्यामन्वाह य॒ज्ञो वै प्र॑जापतिर्य॒ज्ञमे॒व प्र॑जापति॒मा  
र॒भते॑ प्र॒वो वा॒जा इ॒त्यन्वा॑हान्नं वै वा॒जोऽन्न॑मे॒वाव रु॒न्धे प्र॒वो वा॒जा  
इ॒त्यान्वा॑ह तस्मा॒त् प्रा॒चीन॑ रे॒तो धी॒यते॑ऽग्न आ या॒हि वी॒तय॑ इ॒त्याह  
तस्मा॒त्प्र॒तीचीः॑ प्र॒जा जा॑यन्ते प्र॒वो वा॒जा - [ ] 41

**2.5.7.4**

इ॒त्यन्वा॑ह मा॒सा वै वा॒जा अ॒र्धमा॑सा अ॒भिद्य॑वो दे॒वा ह॒विष्म॑न्तो  
गौ॒र्धृता॑ची य॒ज्ञो दे॒वाज्जि॑गाति यज॒मानः॑ सु॒म्नयु॑-रि॒दम॑सी॒दम॑सीत्ये॒व  
य॒ज्ञस्य॑ प्रि॒यं धा॑माव रु॒न्धे यं का॑मये॒त सर्व॑मायुरि॒यादि॑ति प्र वो वा॒जा इति॑

तस्या॒नूच्या॒ग्न आ या॒हि वी॒तय॒ इति॒ संत॒तमु॒त्तर॒-म॒र्ध॒र्च॒मा  
ल॒भेत॒ - [ ] 42

### 2.5.7.5

प्रा॒णै॒नै॒वास्या॒पानं॑ दा॒धार॒ सर्व॒मायु॑रेति॒ यो वा अ॒रन्नि॑ सामि॒धेनी॒नां  
वै॒दार॒त्नावे॒व भ्रा॒तृव्यं॑ कुरु॒तेऽर्ध॒र्चो॑ सं दधा॒त्येष॒ वा अ॒रन्निः॑ सामि॒धेनी॒नां  
य॒ एवं॑ वै॒दार॒त्नावे॒व भ्रा॒तृव्यं॑ कुरु॒त ऋ॒षेर्ऋ॒षेर्वा॒ एता॑ निर्मि॒ता यथ्  
सामि॒धेन्य॑स्ता यद॒सं यु॒क्ताः॑ स्युः प्र॒जया॑ प॒शुभि॑ र्यज॒मान॑स्य वि  
तिष्ठे॒रन्न॒र्धर्चो॑ सं दधा॒ति सं ( ) यु॒नक्त्ये॒वैना॑स्ता अ॒स्मै स॒युक्ता॑  
अ॒वरु॑द्धाः सर्वा॒माशि॑षं दु॒हे । 43 (ब॒र्स - वै - जा॒यन्ते॑ प्र॒वो वा॒जा  
- ल॒भेत॒ - दधा॒ति सं - द॒श च) (A7)

### 2.5.8.1

अ॒य॒ज्ञो वा ए॒ष यो॑ऽस॒माग्ना॒ आ या॒हि वी॒तय॒ इत्या॑ह रथं॒तर॑स्यैष  
वर्ण॑स्तं त्वा॒ समि॒द्भिर॒ङ्गिर॑ इत्या॑ह वा॒मदे॒व्यस्यै॑ष वर्णो॑ बृ॒हद॑ग्ने  
सु॒वीर्य॑मित्या॑ह बृ॒हत॑ ए॒ष वर्णो॑ यदे॒तं तृ॒चम॑न्वाह॒ यज्ञ॑मे॒व तथ्॑ साम॒न्वन्तं॑

करोत्य॒ग्निरमु॒ष्मिन् लो॒कआसी॑दादित्यो॒ऽस्मिन् तावि॒मौ

लो॒काव॑शान्ता - [ ] 44

### 2.5.8.2

वास्तां ते दे॒वा अ॒ब्रुव॑न्नेतेमौ वि पर्यू॑हा॒मेत्य॒ग्न आ या॑हि वी॒तय॑  
इत्य॒स्मिन् लो॒केऽग्नि॑मदधु बृ॒हद॑ग्ने सु॒वीर्य॑मित्य॒मुष्मिन्  
लो॒क आ॑दित्यं ततो वा इ॒मौ लो॒काव॑शाम्यतां यदे॒वम॒न्वाहा॑नयो  
लो॒कयोः॑ शान्त्यै शा॒म्यतो॑ऽस्मा इ॒मौ लो॒कौ य एवं वे॒द पञ्च॑दश  
सा॒मिधे॑नीरन्वाह पञ्च॑दश - [ ] 45

### 2.5.8.3

वा अ॒र्धमा॑सस्य रा॒त्रयो॑ऽर्धमा॑सशः सँव॑त्सर आ॒प्यते॑ तासां त्रीणि च श॒तानि॑  
ष॒ष्टिश्चा॑क्षराणि तावतीः सँव॑त्सरस्य रा॒त्रयो॑ऽक्षर॑श्च ए॒व सँव॑त्सरमा॒प्नोति॑  
नृ॒मेध॑श्च परु॒च्छेप॑श्च ब्र॒ह्मवा॑द्यमवदेताम॒स्मिन् दारा॑वा॒र्द्रेऽग्निं॑ ज॒नया॑व यतरो  
नौ ब्र॒ह्मीया॑निति नृ॒मेधो॑ऽभ्यव॒दथ् स धू॒मम॑ज॒नय॑त् परु॒च्छेपो॑ ऽभ्यव॒दथ्  
सोऽग्नि॑म॒ज॒नय॑दृष इत्यब्रवीद्-[ ] 46

**2.5.8.4**

यथ् समावद्वि॑ कथा॒ त्वमग्नि॑मजी॒जनो॑ नाहमि॒ति सामि॑धेनीना॒मेवाहं॑  
 ँवर्णं॑ वेदे॒त्यब्रवी॑द्यद् घृ॒तवत् प॒दम॑नूच्यते स आ॒सां ँवर्ण॑स्तं त्वा  
 समि॒द्धिरङ्गि॑र इत्याह सामि॑धेनी॒ष्वेव तज्ज्योति॑र्जनयति स्त्रिय॒स्तेन॑  
 यदृचः॑ स्त्रिय॒स्तेन॑ यद्-गाय॒त्रियः॑ स्त्रिय॒स्तेन॑ यथ् सामि॑धेन्यो  
 वृष॒ण्वती॑-मन्वाह - [ ] 47

**2.5.8.5**

तेन पु॒ऽस्वती॑स्तेन सेन्द्रा॒स्तेन मि॒थुना॑ अग्नि॒र्देवानां॑ दू॒त आसी॑दु॒शना॑  
 काव्यो॑ऽसुराणां तौ प्रजा॑पतिं प्रश्नमै॒ताऽस प्रजा॑पतिरग्निं दू॒तं  
 ँवृ॒णीमह॑ इत्यभि पर्या॑वर्तत ततो दे॒वा अभ॑वन् परा॑ऽसुरा यस्यै॒वं  
 ँवि॒दुषो॑ऽग्निं दू॒तं ँवृ॒णीमह॑ इत्यन्वाह भव॑त्यात्मना परा॑ऽस्य भ्रातृ॒व्यो  
 भव॑त्यध्वर॒वती॑मन्वाह भ्रातृ॒व्यमे॒वैतया॑ - [ ] 48

**2.5.8.6**

ध्वर॑ति शोचि॒ष्के श॒स्तमी॑मह इत्याह पवि॒त्रमे॒वैतद्-यज॑मानमे॒वैतया॑  
 पव॑यति समि॒द्धो अ॒ग्न आहु॑तेत्याह परि॒धिमे॒वैतं परि॑ दधा॒त्यस्क॑न्दाय

यद॑त ऊ॒र्ध्वम॑भ्याद॒ध्याद्य॑था ब॒हिः प॑रिधि॒ स्कन्द॑ति तादृ॒गेव॑ तत् त्रयो॒ वा  
अ॒ग्नयो॑ ह॒व्यवा॑हनो॒ देवानां॑ क॒व्यवा॑हनः पित॑रणां॒ सह॑रक्षा॒ असुरा॑णां त  
ए॒तर्ह्या॑ श॒सन्ते॑ मां व॑रिष्यते॒ मा - [ ] 49

### 2.5.8.7

-मि॒ति वृ॑णीध्वं॒ ह॒व्यवा॑हनमि॒त्याह॑ य ए॒व दे॒वानां॑ तं वृ॑णीत  
आ॒र्षेयं॑ वृ॑णीते ब॒न्धोरे॑व नै॒त्यथो॑ संत॒त्यै प॑रस्ताद॒र्वाचो॑ वृ॑णीते  
तस्मा॑त् प॒रस्ता॑द॒र्वाञ्चो॑ म॒नुष्या॑न् पि॒तरोऽनु॑ प्र पि॒पते॑ । 50

(अ॒शान्ता॑ - वा॒ह प॑ञ्चद॒शा - ब्र॒वी - द॒न्वाहै॑ - तया॑ - व॒रिष्य॑ते मा  
- मे॒कान्न॑त्रि॒ंशच्च॑) (A8)

### 2.5.9.1

अ॒ग्ने म॒हा अ॒सीत्या॑ह म॒हान् ह्ये॑ष यद॒ग्नि ब्रा॑ह्म॒णेत्या॑ह ब्रा॒ह्मणो॑ ह्ये॑ष  
भा॒रते॑त्याहैष हि दे॒वेभ्यो॑ ह॒व्यं भ॑रति दे॒वेद्ध॑ इत्या॒ह दे॒वा ह्ये॑तमै॒न्धत॑  
म॒न्विद्ध॑ इत्या॒ह म॒नुर्ह्ये॑तमु॒त्तरो॑ दे॒वेभ्य॑ ऐ॒न्धर्षि॑ष्टु॒त इत्या॑हर्षयो॒  
ह्ये॑तमस्तु॒वन् वि॑प्रा॒नुम॑दित॒ इत्या॑ह - [ ] 51

**2.5.9.2**

वि॒प्रा ह्ये॒ते यच्छु॑श्रु॒वाऽसः॑ क॒वि॒श॒स्त इ॒त्याह॑ क॒वयो॑ ह्ये॒ते यच्छु॑श्रु॒वाऽसो॑  
 ब्र॒ह्म॒सऽशित॑ इ॒त्याह॑ ब्र॒ह्म॒सऽशितो॑ ह्येष॒ घृ॒ताह॑व॒न इ॒त्याह॑ घृ॒ताहु॑ति॒र्ह्यस्य॑  
 प्रि॒यत॑मा प्र॒णीर्य॑ज्ञा॒नामि॒त्याह॑ प्र॒णीर्ह्येष॑ य॒ज्ञा॒नाऽर॒थीर॑ध्व॒राणा॒मि॒त्याहैष॑  
 हि दे॒व॒र॒थोऽतू॒र्तो हो॒तेत्या॑ह न ह्ये॒तं कश्च॑न – [ ] 52

**2.5.9.3**

तर॑ति तू॒र्णि ह॒व्यवा॑डि॒त्याह॑ सर्व॑ह्येष॒ तर॑त्या॒स्पात्रं॑  
 जु॒हूर्दे॒वाना॑मि॒त्याह॑ जु॒हूर्ह्येष॑ दे॒वानां॑ च॒म॒सो दे॒वपा॑न इ॒त्याह॑ च॒म॒सो ह्येष॑  
 दे॒वपा॑नोऽरा॒ऽ इ॒वाग्ने॑ ने॒मिर्दे॒वाऽस्त्वं॑ परि॒भूर॑सी॒त्याह॑ दे॒वान् ह्येष॑  
 परि॒भूर्य॑द्-ब्रू॒यादा॑ वह॒ दे॒वान् दे॒वय॑ते यज॒माना॑येति  
 भ्रातृ॑व्यमस्मै – [ ] 53

**2.5.9.4**

ज॒नये॑दा वह॒ दे॒वान् यज॑मा॒नाये॒त्याह॑ यज॒मान॑मे॒वैते॑न  
 वर्ध॑यत्यग्निम॒ग्न आ वह॑ सोम॒मा वह॑त्याह॒ दे॒वता॑ ए॒व तद्-य॑थापूर्वमु॒प  
 ह्वय॑त आ चाग्ने॒ दे॒वान् वह॑ सु॒यजा॑ च यज॒ जात॑वे॒द इ॒त्याहा॑ग्निमे॒व तथ्



स७ इ॒यति॑ सोऽस्य॑ स७ शि॒तो दे॒वेभ्यो॑ ह॒व्यं व॑ह॒त्यग्नि॑ ह॒र्ते - [ ] 54

**2.5.9.5**

-त्या॒हाग्नि॑र्वै दे॒वानां॑ होता॒ य ए॒व दे॒वानां॑ होता॒ तं वृ॑णीते॒स्मो  
व॒यमि॒त्याहा॑ऽऽत्मान॑मे॒व स॒त्त्वं ग॑मयति साधु ते यज॑मान  
दे॒वते॑त्या॒हाऽऽशि॑षमे॒वैता॒मा शा॑स्ते यद्ब्रू॒याद्-योऽग्नि॑ होता॒रम॑वृ॒था  
इ॒त्यग्नि॑नो॒भय॑तो॒ यज॑मानं॒ परि॑ गृह्णीयात् प्र॒मायु॑कः  
स्याद्-यज॑मानदे॒वत्या॑ वै जुहू॑र्भा॒तृव्य॑ दे॒वत्यो॑पभृद् - [ ] 55

**2.5.9.6**

यद्-द्वे इ॒व ब्रू॒याद् भ्रा॑तृव्यम॒स्मै ज॑नयेद् घृ॒तव॑तीमध्व॒र्यो  
स्रु॒चमा॑ऽस्यस्वेत्या॒ह यज॑मान मे॒वैते॑न॒ वर्ध॑यति दे॒वायु॑वमि॒त्याह॑ दे॒वान्  
ह्ये॒षाऽव॑ति वि॒श्ववा॑रामि॒त्याह॑ वि॒श्वः ह्ये॒षाऽव॑ती॒डाम॑है दे॒वाः  
ई॒डे॒न्यान्म॑स्याम॒ नम॑स्यान् यजाम॒ यज्ञि॑यानि॒त्याह॑मनु॒ष्या वा ई॒डे॒न्याः  
पि॒तरो॑ नम॒स्या दे॒वा य॒ज्ञिया॑ दे॒वता॑ ए॒व ( ) तद्-य॑थाभा॒गं  
य॑जति । 56

(वि॒प्रानु॑मदित॒ इत्या॑ह – च॒ना – ऽस्मै॑ – हो॒तो – प॒भृद् – दे॒वता॑ ए॒व  
– त्री॑णि च) (A9)

### 2.5.10.1

त्री॒ऽस्तृ॑चाननु॒ ब्रू॒याद्-रा॒ज॒न्य॒स्य त्रयो॑ वा अ॒न्ये रा॒ज॒न्या॑त् पु॒रुषा॑  
ब्रा॒ह्म॒णो वै॒श्यः शू॒द्र॒स्ता॒ने॒वास्मा॑ अनु॒कान् करो॑ति पञ्च॒द॒शानु॑  
ब्रू॒याद्-रा॒ज॒न्य॒स्य पञ्च॑द॒शो वै रा॒ज॒न्यः स्व॑ ए॒वैन॑ऽ स्तो॒मे प्र॑ति॒ष्ठाप॑यति  
त्रि॒ष्टु॒भा परि॑ द॒ध्यादि॑न्द्रि॒यं वै त्रि॒ष्टु॒गिन्द्रि॑य॒कामः॑ खलु॒ वै रा॒ज॒न्यो य॑जते  
त्रि॒ष्टु॒भैवा॑स्मा इन्द्रि॒यं परि॑ गृ॒ह्णाति॑ यदि॒ काम॑येत-[ ] 57

### 2.5.10.2

ब्र॒ह्म॒वर्च॑सम॒स्त्विति॑ गा॒य॒त्रि॒या परि॑ द॒ध्याद्-ब्र॒ह्म॒वर्च॑सं वै गा॒य॒त्री  
ब्र॒ह्म॒वर्च॑समे॒व भ॑वति स॒प्त॒द॒शानु॑ ब्रू॒याद्-वै॒श्य॒स्य स॒प्त॒द॒शो वै वै॒श्यः  
स्व॑ ए॒वैन॑ऽ स्तो॒मे प्र॑ति॒ष्ठाप॑यति॒जग॑त्या परि॒ द॒ध्याज्जा॑गता वै प॒शवः॑  
प॒शु॒कामः॑ खलु॒ वै वै॒श्यो य॑जते जग॒त्यैवा॑स्मै प॒शून् परि॑ गृ॒ह्णात्ये॑ क॒विः  
श॒ति॒मनु॑ ब्रू॒यात् प्र॑ति॒ष्ठाका॑मस्यै क॒विः शः॑ स्तो॒मानां॑ प्र॒ति॒ष्ठा  
प्र॒ति॒ष्ठित्यै॑ – [ ] 58

**2.5.10.3**

चतुर्विंशतिमनु ब्रूयाद्-ब्रह्मवर्चस-कामस्य चतुर्विंशत्यक्षरा गायत्री  
 गायत्री ब्रह्मवर्चसं गायत्रियैवास्मै ब्रह्मवर्चसमव रुन्धे त्रिंशतमनु  
 ब्रूयादन्नकामस्य त्रिंशदक्षरा विराडन्नं विराड् विराजैवस्मा अन्नाद्यमव  
 रुन्धे द्वात्रिंशतमनु ब्रूयात् प्रतिष्ठाकामस्य द्वात्रिंशदक्षरा ऽनुष्टुगनुष्टुप्  
 छन्दसां प्रतिष्ठा प्रतिष्ठित्यै षट्त्रिंशतमनु ब्रूयात् पशुकामस्य  
 षट्त्रिंशदक्षरा बृहती बार्हताः पशवो बृहत्यैवास्मै पशू - [ ] 59

**2.5.10.4**

-नव रुन्धे चतुश्चत्वारिंशतमनु ब्रूयादिन्द्रियकामस्य  
 चतुश्चत्वारिंशदक्षरा त्रिष्टुगिन्द्रियं त्रिष्टुप् त्रिष्टुभैवास्मा इन्द्रियमव रुन्धे  
 ऽष्टाचत्वारिंशतमनु ब्रूयात् पशुकामस्याष्टाचत्वारिंशदक्षरा जगती  
 जागताः पशवोजगत्यैवास्मै पशूनव रुन्धे सर्वाणि छन्दाऽस्यनु  
 ब्रूयाद्-बहुयाजिनः सर्वाणि वा एतस्य छन्दाऽस्य वरुन्धानि यो  
 बहुयाज्यपरिमितमनु ब्रूयादपरिमितस्या वरुध्यै । 60

(कामये॑त - प्रति॑ष्ठित्यै - प॒शून् - सप्त॑चत्वारि॒ंशच्च) (A10)

**2.5.11.1**

नि॒वीतं॑ म॒नु॒ष्याणां॑ प्रा॒चीना॒वीतं॑ पि॒त॒ृणामु॑प॒वीतं॑ दे॒वानामु॑प॒ व्यय॑ते  
 दे॒वल॒क्ष्ममे॒व तत् कुरु॑ते ति॒ष्ठन्न॑वा॒ह ति॒ष्ठन् ह्या॑श्रुत॒तरं॑ व॒दति॑ ति॒ष्ठन्न॑न्वा॒ह  
 सु॒वर्ग॑स्य लो॒कस्या॒भिजि॑त्या आसी॒नो यज॑त्यस्मिन्ने॒व  
 लो॒के प्र॑ति॒तिष्ठ॑ति यत् क्रौञ्च॑मन्वाहाऽऽसु॒रं तद्-यन्म॑न्द्रं मा॒नुषं॑  
 तद्य॑दन्तरा तथ् सदे॒वमन्तरा॑ऽनूच्य॑ सदे॒वत्वाय॑ वि॒द्वाऽसो॒ वै - [ ] 61

**2.5.11.2**

पु॒रा हो॑तारोऽभू॒वन् तस्मा॑द्-वि॒धृता॑ अध्वा॒नोऽभू॒वन् न प॑न्थानः  
 स॒मरु॑क्षन् नन्तर्वे॒द्यन्यः॑ पादो॒ भव॑ति ब॒हिर्वे॒द्यन्यो॑ऽथान्वाहाध्व॒नां वि॑धृत्यै  
 प॒थाम॑स॒ रोहा॑याथो भू॒तंचै॒व भ॑विष्यच्चाव रुन्धेऽथो परि॒मितं॑  
 चै॒वापरि॑मितं चाव रुन्धेऽथो ग्रा॒म्याऽश्चै॒व प॒शूना॑रण्याऽश्वा॒व  
 रुन्धेऽथो - [ ] 62

**2.5.11.3**

दे॒वल॒ोकं॑ चै॒व म॑नु॒ष्य लो॒कं चा॒भि ज॑यति दे॒वा वै सा॒मिधे॒नीर॑नू॒च्य  
य॒ज्ञं ना॒न्वप॑श्यन्त्स प्र॒जाप॑तिस्तू॒ष्णी-मा॑घार॒मा ऽघा॑रयत् ततो॒ वै  
दे॒वा य॒ज्ञम॑न्वप॒श्यन् यत् तू॒ष्णीमा॑घार-मा॒घार॑यति य॒ज्ञस्या॑नु॒ख्यात्या॑  
अथो॑ सा॒मिधे॒नीरे॒वाभ्य॑-न॒क्त्यलू॑क्षो भवति य ए॒वं वै॒दाथो॑  
तर्प॑यत्ये॒वैना-स्तृ॑प्यति प्र॒जया॑ प॒शुभि॑ - [ ] 63

**2.5.11.4**

-र्य ए॒वं वै॒द यदे॑कया ऽऽघा॒रये॑दे॒कां प्री॑णीयाद्यद् द्वाभ्यां द्वे  
प्री॑णीयाद्यद् तिसृ॒भिर॑ति तद्दे॒चये॑त्म॒नसा॑ ऽऽघा॒रय॑ति म॒नसा॑ ह्य॒नाप्त॑मा॒प्यते॑  
तिर्य॑ञ्च॒मा घा॑रयत्य॒छम्ब॑ट्कारं वाक् च म॒नश्चा॑ ऽऽर्ती॒येता॑म॒हं दे॒वेभ्यो॑  
हव्यं॑ वा॒हामी॑ति वा॒गब्र॑वीद॒हं दे॒वेभ्य॑ इति म॒नस्तौ॑ प्र॒जाप॑तिं प्र॒श्नमै॑ता॒ञ्  
सोऽब्र॑वीत् - [ ] 64

**2.5.11.5**

प्र॒जाप॑तिर्दू॒तीरे॒व त्वं म॑नसोऽसि यद्धि म॒नसा॑ ध्या॒यति॑ तद्वा॒चा वद॑तीति  
तत् खलु॑ तुभ्यं न वा॒चा जु॒हव॑न्नित्यब्रवीत् तस्मा॒न्मन॑सा प्र॒जाप॑तये

जुह्व॑ति॒मन॑ इ॒व हि॒ प्र॒जा॒पतिः॑ प्र॒जा॒पते॒राप्त्यै॑ परि॒धीन्त्सं॑ मा॒ष्टि॑  
 पु॒नात्ये॑वै॒नान्त्रि॑र्मध्य॒मं त्रयो॑ वै प्रा॒णाः प्रा॒णाने॒वाभि॑ जयति॒ त्रि॒र्दक्षि॑णा॒र्ध्यं॑  
 त्रय॑ - [ ] 65

### 2.5.11.6

इ॒मे लो॒का इ॒माने॒व लो॒कान॒भि ज॑यति॒ त्रि॒रुत्त॑रा॒र्ध्यं त्रयो॑ वै दे॒वया॒नाः  
 प॒न्थान॑स्ताने॒वाभि॑ जयति॒ त्रि॒रुप॑ वाजयति॒ त्रयो॑ वै दे॒वलो॒का  
 दे॒वलो॒काने॒वाभि॑ जयति॒ द्वा॒दश॑ सं प॒द्यन्ते॑ द्वा॒दश॑ मा॒साः सँव॑त्सरः  
 सँव॑त्सरमे॒व प्री॑णात्यथो सँव॑त्सरमे॒वास्मा॑उप॒ दधा॑ति सु॒वर्ग॑स्य  
 लो॒कस्य॑ स॒मष्त्वा॑ आ॒धार॒मा घा॑रयति॒ तिर॑ इ॒व - [ ] 66

### 2.5.11.7

वै सु॒वर्गो॑ लो॒कः सु॒वर्ग॑मे॒वास्मै॑ लो॒कं प्र॑रोचयत्यृ॒जुमा॑ घा॒रय॑त्यृ॒जुरि॒व  
 हि प्रा॒णः सं॑त॒तमा॑ घा॒रय॑ति प्रा॒णाना॑मन्नाद्यस्य सं॑त॒त्या अथो॑  
 रक्ष॑सामप॒हत्यै॑ यं का॒मये॑त प्र॒मायु॑कः स्या॒दिति॑ जि॒ह्वं तस्या॑ ऽऽघा॒रये॑त्  
 प्रा॒णमे॒वास्मा॑ज्जि॒ह्वं न॑यति॒ ताज॑क् प्र॒मीय॑तेशि॒रो वा ए॒तद्-य॒ज्ञस्य॑  
 यदा॑घा॒र आ॒त्मा ध्रु॒वा - [ ] 67

**2.5.11.8**

ऽऽघार॒मा॒घार्य॑ ध्रु॒वाꣳ सम॑न॒क्त्या॒त्मन्ने॒व य॒ज्ञस्य॑ शिरः॒ प्रति॑  
दधा॒त्यग्नि॑र्दे॒वानां॑ दू॒त आसी॒द् दै॒व्योऽसुरा॑णां॒ तौ प्र॒जाप॑तिं प्र॒श्नमै॑ताꣳ स  
प्र॒जाप॑ति ब्रा॒ह्मण॑मब्रवीदे॒तद्वि ब्रू॒हीत्या॑ श्रावये॒तीदं॑ दे॒वाः शृ॒णुते॑ति  
वाव॑ तदब्रवीद॒ग्नि दे॒वो हो॑तेति॒ य ए॒व दे॒वानां॑ तमवृणीत  
ततो॑ दे॒वा - [ ] 68

**2.5.11.9**

अभवन्॑ पराऽसुरा॒ यस्यै॒वं वि॒दुषः॑ प्र॒वरं॑ प्र॒वृण॑ते भवत्यात्मना  
पराऽस्य॑ भ्रातृ॒व्यो भ॑वति॒ यद्ब्रा॒ह्मण॑श्चा ब्रा॒ह्मण॑श्च प्र॒श्नमे॒यातां॑  
ब्रा॒ह्मणा॑याधि ब्रूयाद् यद् ब्रा॒ह्मणा॑याध्याहा ऽऽत्म॑नेऽध्याह॒ यद्ब्रा॒ह्मणं॑  
परा॑हाऽऽत्म॑नं पराऽऽह॒ तस्मा॑द् ब्रा॒ह्मणो॑ न परोच्यः । 69

(वा - आ॒र॒ण्याꣳश्चाव॑ रु॒न्धेऽथो॑ - प॒शुभिः॑ - सोऽब्र॑वीद् - दक्षि॒णा॒र्ध्यं  
त्रय॑ - इ॒व - ध्रु॒वा - दे॒वा - श्र॒त्वा॒रिꣳश॒च्च ) (A11)

**2.5.12.1**

आ॒यु॒ष्ट > [1], आ॒यु॒र्दा अ॒ग्न > [2], आ॒ प्या॒यस्व > [3], सं ते > [4],  
 ऽव॒ ते हे॒ड > [5], उ॒दु॒त्त॒मं > [6], प्र॒णो दे॒व्या > [7], नो॒ दि॒वो > [8],  
 ऽग॒ना वि॒ष्णू > [9], अ॒ग॒नावि॒ष्णू > [10], इ॒मं मे॒ वरु॒ण > [11], त॒त्त्वा या > [12],  
 म्यु॒ दु॒त्यम् > [13], चि॒त्रम् > [14] ।

अ॒पां न॒पा॒दा ह्य॒स्था॒दु॒प॒स्थं जि॒ह्मा॒ना॒मूर्ध्वो वि॒द्युतं॑ व॒सानः॑ ।

तस्य॑ ज्येष्ठं॑ म॒हि॒मा॒नं व॒ह॒न्ती हि॒र॒ण्य॒वर्णाः॑ परि॑ य॒न्ति य॒ह्वीः॑ । स-[ ] 70

**2.5.12.2**

–म॒न्या य॒न्त्यु॒प य॒न्त्य॒न्याः स॒मा॒न॒मूर्व॑ न॒द्यः पृ॒णन्ति॑ ।

त॒मू शु॒चि॒ꣳ शु॒चयो॑ दी॒दि॒वाꣳ स॒म॒पां न॒पा॒तं परि॑त॒स्थु॒रापः॑ ।

त॒म॒स्मो॒रा यु॒व॒तयो॑ यु॒वा॒नं म॒र्म॒ज्य॒मा॒नाः परि॑ य॒न्त्या॒पः ।

स शु॒क्रेण॑ शि॒क्व॒ना रे॒व॒द॒ग्नि॒र्दी॒दा॒या॒नि॒ध्मो घृ॒त॒नि॒र्णि॒ग॒प्सु ।

इ॒न्द्रा॒व॒रु॒णयो॒रह॑ꣳस॒म्रा॒जो॒रव॑ आ वृ॒णो ।

ता नो॑ मृ॒डा॒त ई॒दृ॒शे । इ॒न्द्रा॒व॒रु॒णा यु॒व॒म॒ध्व॒राय॑ नो – [ ] 71



**2.5.12.3**

वि॒शे॑ ज॒नाय॑ म॒हि श॒र्म य॑च्छ॒तं । दी॒र्घ॑प्र॒यज्यु॑म॒ति यो॑ व॒नुष्य॑ति  
व॒यं ज॑ये॒म पृ॑त॒नासु॑ दू॒ढ्यः॑ ।

आ नो॑मि॒त्रावरु॑णा><sup>15</sup>, प्र॒बा॒हवा॑><sup>16</sup> ।

त्वं नो॑ अ॒ग्ने व॑रु॒णस्य॑ वि॒द्वान् दे॒वस्य॑ हे॒डोऽव॑ या॒सि सी॑ष्ठाः ।  
यजि॑ष्ठो वह्नि॒ तमः॑ शो॒शुचा॑नो॒ विश्वा॑ द्वे॒षाऽसि॑ प्र॒मुमु॑ग्ध्य॒स्मत् ।  
स त्वं॑नो॒ अग्ने॑ऽवमो॒ भवो॑ती ने॒दिष्ठो॑ अ॒स्या उ॒षसो॑ व्यु॒ष्टौ ।

अ॒व यक्ष्व॑ नो॒ वरु॑णऽ - [ ] 72

**2.5.12.4**

र॒राणो॑ वी॒हि मृ॑डी॒कऽ सु॒हवो॑ न ए॒धि ।  
प्र॒प्राय॑म॒ग्निर्भ॑र॒तस्य॑ शृ॒ण्वे वि॒ यथ् सूर्यो॑ न रो॒चते॑ बृ॒हद्भाः॑ ।  
अ॒भि यः पू॒रुं पृ॑त॒नासु॑ त॒स्थौ दी॒दाय॑ दै॒व्यो अ॒तिथिः॑ शि॒वो नः॑ ।  
प्र ते॑ यक्षि॒ प्र त इ॒यमि॑ म॒न्म भु॒वो यथा॑ व॒न्द्यो नो॑ ह॒वेषु॑ ।  
ध॒न्वन्नि॒व प्र॒पा अ॒सि त्व॑म॒ग्न इ॒यक्ष्वे॑ पू॒रवे॑ प्र॒त्न राज॑न् । 73

**2.5.12.5**

वि पाजसा > <sup>17</sup>, वि ज्योतिषा > <sup>18</sup> ।

स त्वमग्ने प्रतीकेन प्रत्योष यातुधान्यः । उरुक्षयेषु दीद्यत् ।

तः सुप्रतीकः सुदृशः स्वञ्चमविद्वांसो विदुष्टरः सपेम ।

स यक्ष-द्विश्वा वयुनानि विद्वान् प्र हव्यमग्निरमृतेषु वोचत् ।

अः होमुचे > <sup>19</sup>, विवेष यन्मा > <sup>20</sup>,

विन इन्द्रे > <sup>21</sup>, न्द्र क्षत्र > <sup>22</sup>

मिन्द्रियाणि शतक्रतो > <sup>23</sup>, ऽनु ते दायि > <sup>24</sup> । 74

(यद्वाहीः स - मध्वराय नो - वरुणः - राजः - श्वतुश्च श्वत्वारिःश्च)  
(A12)

**Prasna Korvai with starting Padams of 1 to 12 Anuvaakams :-**

(विश्वरूप - स्त्वष्टे - न्द्रं वृत्रं - ब्रह्मवादिनः स त्वै -  
नाऽसोमयाज्ये - ष वै देवरथो - देवा वै नर्चि ना - यज्ञो - ऽग्ने महान्  
- त्रीन् - निवीत - मायुष्टे - द्वादश)

**Korvai with starting Padams of 1, 11, 21 Series of Panchaatis :-**

(वि॒श्वरू॒पो – नै॒नः शी॒तरू॒रा – व॒द्य व॒सु – पू॒र्वेद्यु॒ – वा॒जा इ॒त्य – ग॒ने  
म॒हान् – नि॒वी॒त – म॒न्या य॒न्ति – च॒तुः स॒प्ततिः )

**First and Last Padam of Fifth Prasnam of Kandam 2:-**

(वि॒श्वरू॒पो – ऽनु॒ ते दा॒यि)

॥ हरिः ओं ॥

॥ कृष्ण यजुर्वेदीय तैत्तिरीय संहितायां द्वितीयकाण्डे पञ्चमः प्रश्नः समाप्तः ॥

## 2.5.1 Appendix

2.5.12.1 – आयुष्ट ><sup>1</sup>, आयुर्दा अग्ने ><sup>2</sup>

आयुष्टे विश्वतो दधदयमग्नि वरेण्यः ।

पुनस्ते प्राण आयति परा यक्ष्मः सुवामि ते ।

आयुर्दा अग्ने हविषो जुषाणो घृतप्रतीको घृतयोनिरेधि ।

घृतं पीत्वा मधु चारु गव्यं पितेव पुत्रमभि रक्षतादिमं ।

(Appearing in TS –1.3.14.4 )

---

2.5.12.1 – आ प्यायस्व ><sup>3</sup>, सं ते ><sup>4</sup>

आप्यास्व समेतु ते विश्वतः सोम वृष्णियं ।

भवा वाजस्य संगथे ।

सं ते पयांसि समु यन्तु वाजाः सं वृष्णियान् यभिमातिषाहः ।

आप्यायमानो अमृताय सोम दिवि श्रवाऽस्युत्तमानि धिष्व ॥ (रेफ़्)

(Appearing in TS- 4-2-7-4)

---

---

2.5.12.1 – अव॑ ते॒ हे॒ड॒>[5], उ॒दु॒त्त॒मं>[6]

अव॑ ते॒ हे॒डो॑ वरु॒ण नमो॑भि॒रव॑ य॒ज्ञेभि॑रीमहे॒ ह॒वि॒र्भिः॑ ।  
क्षय॑न्न॒स्मभ्य॑मसुर॒ प्रचे॑तो॒ राज॑न्नेना॒सि शि॑श्रथः कृ॒तानि॑ ॥

उ॒दु॒त्त॒मं वरु॑ण पा॒शम॑स्मदवा॒धमं॑ वि॒मध्य॑म॒ श्रथा॑य ।  
अथा॑ वय॒मादि॑त्य व्र॒ते तवा॑ऽनागसो॒ अदि॑तये॒ स्याम॑ ॥

(Appearing in TS- 1.5.11.3)

---

2.5.12.1 – प्र॒णो दे॒व्या>[7], नो॑ दि॒वो>[8]

प्र॒णो दे॒वी सर॑स्वती॒ वाजे॑भिर्वा॒जिनी॑वती । धी॒नाम॑वि॒त्र्यव॑तु ॥

आ नो॑ दि॒वो बृ॒हतः॑ पर्व॒तादा॑ सर॒स्वती॑ यज॒ता ग॑न्तु॒ यज्ञं॑ ।  
हव॑ं दे॒वी जु॒जुषा॑णा घृ॒ताची॑ श॒ग्मां नो॑ वाच॒मुश॑ती शृ॒णोतु॑ ॥

(Appearing in TS - 1.8.22.1)

---

2.5.12.1 – अ॒ग्न॒ा वि॒ष्णू॑ > <sup>9</sup>, अ॒ग्न॒ा वि॒ष्णू॑ > <sup>10</sup>

अ॒ग्न॒ा वि॒ष्णू॑ म॒हि त॒द्वां म॒हि॒त्वं वी॒तं घृ॒तस्य॑ गु॒ह्यानि॑ ना॒म ।  
द॒मे॒द॒मे स॒प्त र॒त्ना द॒धा॒ना प्र॒ति वां जि॒ह्वा घृ॒त॒मा च॑र॒ण्येत् ॥

अ॒ग्न॒ा वि॒ष्णू॑ म॒हि धा॒म प्रि॒यं वां वी॒थो घृ॒तस्य॑ गु॒ह्या जु॒षा॒णा ।  
द॒मे॒द॒मे सु॒ष्टु॒तीर्वा॑वृ॒धा॒ना प्र॒ति वां जि॒ह्वा घृ॒त॒मुच्च॑र॒ण्येत् ॥

(Appearing in TS- 1.8.22.1)

---

2.5.12.1 – इ॒मं मे॑ वरु॒ण > <sup>11</sup>, त॒त् त्वा॑ या > <sup>12</sup>

इ॒मं मे॑ वरु॒ण श्रु॒धी ह॒व॒म॒द्या च॑ मृ॒डय॑ । त्वा॒म॒व॒स्यु॒रा च॑के ॥

त॒त्त्वा या॒मि ब्र॒ह्म॒णा व॒न्द॒मा॒नस्त॒दा शा॒स्ते य॒ज॒मा॒नो ह॒वि॒र्भिः ।  
अ॒हे॒ड॒मा॒नो वरु॒णे॒ह बो॒ध्यु॒रु॒श॒स् मा न॒ आ॒युः प्र॒मो॒षीः ॥

(Appearing in TS- 2.1.11.6)

---

2.5.12.1 – म्यु दु॒त्यं><sup>13</sup>, चि॒त्रं ><sup>14</sup>

उ॒दु॒ त्यं॑ जा॒तवे॑दसं दे॒वं व॑हन्ति के॒तवः॑ । दृ॒शे वि॒श्वाय॑ सूर्यं ॥

चि॒त्रं दे॒वाना॑-मु॒दगा॑दनी॒कं चक्षु॑ मि॒त्रस्य॑ वरु॒णस्या॑ऽग्नेः ।  
आऽप्रा॒ द्यावा॑पृथि॒वी अ॒न्तरि॑क्ष॒ञ् सूर्य॑ आ॒त्मा जग॑तस्तस्थुषश्च ॥

(Appearing in TS- 1.4.43.1)

---

2.5.12.3 – आ नो॑ मि॒त्रावरु॑णा><sup>15</sup>, प्र बा॒हवा॑><sup>16</sup>

आ नो॑ मि॒त्रावरु॑णा घृ॒तैर्गव्यू॑तिमुक्ष॒तं । म॒ध्वा रजा॑ऽसि सु॒क्रतू॑ ॥

प्र बा॒हवा॑ सि॒सृ॒तं जी॒वसे॑ न आ नो॑ गव्यू॒तिमुक्ष॑तं घृ॒तेन॑ ।  
आ नो॑ जने॑ श्रवय॒तं यु॒वाना॑ श्रु॒तं मे॑ मि॒त्रावरु॑णा ह॒वे॒मा ॥

(Appearing in TS- 1.8.22.3)

---

2.5.12.5 वि पाजसा> 17

वि पाजसापृथुना शोशुचानो बाधस्व द्विषो रक्षसो अमीवाः ।  
सुशर्मणो बृहतः शर्मणि स्यामग्नेरहं सुहवस्य प्रणीतौ ॥

(Appearing in TS- 4.1.5.1)

---

2.5.12.5 वि ज्योतिषा> 18

विज्योतिषा बृहता भात्यग्निरावि-र्विश्वानि कृणुते महित्वा ।  
प्राग्देवी-र्मायाः सहते-दुरेवाः शिशीते शृङ्गे रक्षसे विनिक्षे ॥

(Appearing in TS- 1.2.14.7)

---

2.5.12.5 अहोमुचे > 19, विवेष यन्मा > 20

अहोमुचे प्रभरेमा मनीषा मोषिष्ठ-दाव्ने सुमतिं गृणानाः ।  
इदमिन्द्र प्रति हव्यं गृभाय सत्याः सन्तु यजमानस्य कामाः ॥



वि॒वै॒ष य॒न्मा॑ धि॒षणा॑ ज॒जान॑ स्त॒वै पु॒रा पा॒र्यादि॒न्द्र म॒हः ।  
अ॒ह॒सो यत्र॑ पी॒पर॒द्यथा॑ नो॒ ना॒वे॒व या॒न्त मु॒भये॑ ह॒वन्ते॑ ॥

(Appearing in TS- 1.6.12.3)

2.5.12.5 वि॒न इ॒न्द्रे> <sup>21</sup>, इ॒न्द्र क्ष॒त्र> <sup>22</sup>

वि॒ न इ॒न्द्र मृ॒धो ज॒हि नी॒चा य॒च्छ पृ॒तन्य॑तः ।  
अ॒ध॒स्पदं॑ त॒मीं कृ॒धि यो॒ अ॒स्मा॒ अ॒भिदा॑सति ॥  
इ॒न्द्र क्ष॒त्रम॒भि वा॒ममो॑जो ऽजा॒यथा॑ वृष॒भ च॒र्षणी॑नां ।  
अपा॑ऽनु॒दो ज॒नम॑मि॒त्र य॒न्त मु॒रुं दे॒वेभ्यो॑ अ॒कृ॒णो॒रु लो॒कं ॥

(Appearing in TS- 1.6.12.4)

---

2.5.12.5 इन्द्रियाणि शतक्रतो> <sup>23</sup>, अनु ते दायि> <sup>24</sup>

इन्द्रियाणि शतक्रतो या ते जनेषु पञ्चसु ।

इन्द्र तानि त आ वृणे ॥

अनु ते दायि मह इन्द्रियाय सत्राते विश्वमनु वृत्रहत्ये ॥

अनु क्षत्रमनु सहो यजत्रेन्द्र देवेभिरनु ते नृषह्ये ॥

(Appearing in TS- 1.6.12.1)

-----

ओं नमः परमात्मने, श्री महागणपतये नमः,

श्री गुरुभ्यो नमः, हरिः ओं

## 2.6 द्वितीयकाण्डे षष्ठः प्रश्नः – अवशिष्टकर्माभिधानं

### 2.6.1.1

स॒मि॒धो॑ य॒जति॑ वस॒न्तमे॒वर्तू॑नाम॒व रु॒न्धे त॒नू॒नपा॑तं॒ य॒जति॑ ग्री॒ष्ममे॒वाव॑  
रु॒न्ध इ॒डो॑ य॒जति॑ वर्॒षा ए॒वाव॑ रु॒न्धे ब॒र्हि॒र्य॒जति॑ श॒रद॑मे॒वाव॑ रु॒न्धे  
स्वा॒हाका॑रं॒ य॒जति॑ हे॒मन्त॑मे॒वाव॑ रु॒न्धे तस्मा॑त् स्वा॒हाकृ॑ता हे॒मन्  
प॒शवो॑ऽव सी॒दन्ति॑ स॒मि॒धो य॒जत्यु॑ष॒स ए॒व दे॒वता॑नाम॒व रु॒न्धे त॒नू॒नपा॑तं  
य॒जति॑ य॒ज्ञमे॒वाव॑ रु॒न्ध - [ ] 1

### 2.6.1.2

इ॒डो य॒जति॑ प॒शूने॒वाव॑ रु॒न्धे ब॒र्हि॒र्य॒जति॑ प्र॒जामे॒वाव॑ रु॒न्धे स॒मान॑यत  
उप॑भृ॒तस्ते॒जो वा आ॒ज्यं प्र॒जा ब॒र्हिः प्र॒जास्वे॒व ते॒जो द॑धाति स्वा॒हाका॑रं  
य॒जति॑ वा॒चमे॒वाव॑ रु॒न्धे द॒श सं प॑द्यन्ते॒ दशा॑क्ष॒रा वि॒राड॑न्नं॒ वि॒राड् वि॒राजै॑

वान्नाद्यमव रुन्धे समिधो यजत्यस्मिन्नेव लोके प्रतितिष्ठति तनूनपातं  
यजति - [ ] 2

### 2.6.1.3

यज्ञ एवान्तरिक्षे प्रति तिष्ठतीडो यजति पशुष्वेव प्रतितिष्ठति  
बर्.हिर्यजति य एव देवयानाः पन्थानस्तेष्वेव प्रतितिष्ठति स्वाहाकारं  
यजति सुवर्ग एव लोके प्रति तिष्ठत्येतावन्तो वै देवल्लोकास्तेष्वेव  
यथापूर्वं प्रतितिष्ठति देवासुरा एषु लोकेष्वस्पर्धन्त ते देवाः प्रयाजैरेभ्यो  
लोकेभ्यो ऽसुरान् प्राणुदन्त तत् प्रयाजानां - [ ] 3

### 2.6.1.4

प्रयाजत्वं यस्यैवं विदुषः प्रयाजा इज्यन्ते प्रैभ्यो लोकेभ्यो भ्रातृव्यान्नुदते  
ऽभिक्रामं जुहोत्यभिजित्यै यो वै प्रयाजानां मिथुनं वेद प्र प्रजया पशुभि  
र्मिथुनैर्जायते समिधो बह्वीरिव यजति तनूनपातमेकमिव मिथुनं  
तदिडो बह्वीरिव यजति बर्.हिरेकमिव मिथुनं तदेतद्वै प्रयाजानां  
मिथुनं य एवं वेद प्र - [ ] 4

**2.6.1.5**

प्र॒जया॑ प॒शुभि॑ मि॒थुनै॑ र्जा॒यते॑ दे॒वानां॑ ँ॒वा अ॒नि॒ष्टा दे॒वता॑ आ॒सन्न॑था॒सुरा॑  
य॒ज्ञम॑जिघा॒ꣳ सन् ते॑ दे॒वा गा॒यत्रीं॑ व्यौ॒हन् प॒ञ्चाक्ष॑राणि प्रा॒चीना॑नि त्रीणि॑  
प्र॒तीची॑नानि ततो॒ वर्म॑ य॒ज्ञाया॑भ॒वद्व॑र्म यज॒माना॑य यत् प्र॒याजा॑नूयाजा  
इ॒ज्यन्ते॑ वर्मे॒व तद्य॒ज्ञाय॑ क्रि॒यते॒ वर्म॑ यज॒माना॑य भ्रातृ॒व्याभि॑भूत्यै  
तस्माद्-व॒रूथं॑ पु॒रस्ताद्-वर्षी॑यः प॒श्चाद्ध॑सीयो दे॒वा वै पु॒रा  
॥  
रक्षो॑भ्य - [ ] 5

**2.6.1.6**

इति॑ स्वा॒हाका॑रेण प्र॒याजे॑षु य॒ज्ञꣳ स॒ꣳस्था॑प्यमपश्यन् तꣳ स्वा॒हाका॑रेण  
प्र॒याजे॑षु स॒मस्था॑पयन् वि वा ए॒तद्-य॒ज्ञं छि॑न्दन्ति यथ् स्वा॒हाका॑रेण  
प्र॒याजे॑षु स॒ꣳस्था॑पयन्ति प्र॒याजा॑निष्ट्वा ह॒वीꣳष्य॑भि घा॒रय॑ति य॒ज्ञस्य॑  
सं॒तत्या॑ अथो ह॒विरे॑वाकरथो यथापूर्वमु॒पैति॑ पि॒ता वै प्र॒याजाः  
प्र॒जाऽनू॑याजा यत् प्र॒याजा॑निष्ट्वा ह॒वीꣳष्य॑भिघा॒रय॑ति पि॒तैव॑ तत् पु॒त्रेण॑  
सा॒धारणं॑ - [ ] 6

**2.6.1.7**

कुरु॑ते तस्मा॑दाहु॒र्यश्चै॒वं वै॒द यश्च॑ न क॒था पु॒त्रस्य॑ के॒वलं  
क॒था सा॒धारणं॑ पि॒तुरित्य॑स्कन्त्रमे॒व तद्यत् प्र॑याजे॒ष्विष्टेषु॑ स्क॒न्दति॑  
गाय॑त्र्ये॒व तेन॑ गर्भं॑ धत्ते सा प्र॒जां प॒शून् यज॑मानाय प्र॒जनय॑ति । 7

(य॒जति॑ य॒ज्ञामे॒वाव रु॒न्धे – त॒नून॑पातं यँजति – प्र॒याजा॑ना – मे॒वं वै॒द  
प्र – रक्षो॑भ्यः – सा॒धारणं॑ – पञ्च॑त्रिं॒शच्च॑ ) (A1)

**2.6.2.1**

चक्षु॑षी वा ए॒ते य॒ज्ञस्य॑ यदाज्य॑भागौ यदाज्य॑भागौ यज॑ति  
चक्षु॑षी ए॒व तद्-य॒ज्ञस्य॑ प्रति॑ दधाति पूर्वा॒र्धे जु॒होति॑ तस्मा॑त् पूर्वा॒र्धे  
चक्षु॑षी प्र॒बाहु॑ग्-जु॒होति॑ तस्मा॑त् प्र॒बाहु॑क् चक्षु॑षी दे॒वलोकं॑  
वा अ॒ग्निना॑ यज॑मानोऽनु पश्य॑ति पि॒तृलोक॑ सोमे॒नोत्तरा॑र्धे  
ऽग्नये॑ जु॒होति॑ दक्षि॒णार्धे॑ सोमा॒यैवमि॑व हीमौ लो॒कावनयो॑  
लो॒कयो॑रनु॒ख्यात्यै॑ राजा॒नौ वा ए॒तौ दे॒वतानां॑ – [ ] 8

**2.6.2.2**

यदग्नीषोमावन्तरा देवता इज्येते देवतानां विधृत्यै तस्माद्-राज्ञा मनुष्या  
विधृता ब्रह्मवादिनो वदन्ति किं तद्-यज्ञे यजमानः कुरुते येनान्यतोदतश्च  
पशून् दाधा-रोभयतोदत-श्चेत्यृच-मनूच्या ऽऽज्यभागस्य जुषाणेन  
यजति तेनान्यतोदतो दाधारर्चमनूच्य हविष ऋचा यजति तेनोभयतोदतो  
दाधार मूर्धन्वती पुरोऽनुवाक्या भवति मूर्धानमेवैनं समा नानां

करोति - [ ] 9

**2.6.2.3**

नियुत्वत्या यजति भ्रातृव्यस्यैव पशून् नि युवते केशिनं ह  
दाभ्यं केशी सात्यकामिरुवाच सप्तपदां ते शक्वरीं श्वो यज्ञे प्रयोक्तासे  
यस्यै वीर्येण प्र जातान् भ्रातृव्यान्नुदते प्रति जनिष्यमाणान् यस्यै  
वीर्येणोभयो लोको ज्योतिर्धत्ते यस्यै वीर्येण पूर्वार्धेनान्द्वान् भुनक्ति  
जघनार्धेन धेनुरिति पुरस्ताल्लक्ष्मा पुरोऽनुवाक्या भवति जातानेव  
भ्रातृव्यान् प्रणुदत उपरिष्ठाल्लक्ष्मा - [ ] 10

**2.6.2.4**

या॒ज्या॒ ज॒नि॒ष्य॒मा॒णा॒ने॒व॒ प्र॒ति॒नु॒द॒ते॒ पु॒र॒स्ता॒ल्ल॒क्ष॒मा॒ पु॒रो॒ऽनु॒वा॒क्या॒  
 भ॒व॒त्य॒स्मि॒न्ने॒व॒ लो॒के॒ ज्यो॒ति॒र्ध॒त्त॒ उप॒रि॒ष्ठा॒ल्ल॒क्ष॒मा॒ या॒ज्या॒ऽमु॒ष्मि॒न्ने॒व॒ लो॒के॒  
 ज्यो॒ति॒र्ध॒त्ते॒ ज्यो॒ति॒ष्म॒न्ता॒व॒स्मा॒ इ॒मौ॒ लो॒कौ॒ भ॒व॒तो॒ य॒ ए॒वं॒ वै॒द  
 पु॒र॒स्ता॒ल्ल॒क्ष॒मा॒ पु॒रो॒ऽनु॒वा॒क्या॒ भ॒व॒ति॒ त॒स्मा॒त् पू॒र्वार्धे॒ना॒न॒ड्वा॒न्  
 भु॒न॒क्त्यु॒परि॒ष्ठा॒ल्ल॒क्ष॒मा॒ या॒ज्या॒ त॒स्मा॒ज्ज॒घ॒नार्धे॒न॒ धे॒नुर्य॒ ए॒वं॒ वै॒द॒ भु॒ङ्क्ते॒  
 ए॒न॒मे॒तौ॒ व॒ज्र॒ आ॒ज्यं॒ व॒ज्र॒ आ॒ज्य॒भा॒गौ॒ – [ ] 11

**2.6.2.5**

व॒ज्रो॒ व॒षट्का॒रस्त्रि॒वृ॒तमे॒व॒ व॒ज्रं॑ स॒म्भृ॒त्य॒ भ्रा॒तृ॒व्या॒य॒ प्र  
 ह॒र॒त्य॒च्छ॒म्बट्का॒र॒म॒प॒गूर्य॒ व॒षट्क॒रो॒ति॒ स्तृ॒त्यै॒ गा॒य॒त्री॒ पु॒रो॒ऽनु॒वा॒क्या॒  
 भ॒व॒ति॒ त्रि॒ष्टु॒ग् या॒ज्या॒ ब्र॒ह्म॒न्ने॒व॒ क्ष॒त्र॒म॒न्वा॒रं॒ भ॒य॒ति॒ त॒स्मा॒द्ब्रा॒ह्म॒णो॒ मुख्यो॒  
 मुख्यो॒ भ॒व॒ति॒ य॒ ए॒वं॒ वै॒द॒ प्रै॒वैनं॒ पु॒रो॒ऽनु॒वा॒क्य॒या॒ ऽऽह॒  
 प्र॒ण॒य॒ति॒ या॒ज्य॒या॒ ग॒म॒य॒ति॒ व॒षट्का॒रेणै॒वैनं॒ पु॒रो॒ऽनु॒वा॒क्य॒या॒ द॒त्ते॒ प्र॒य॒च्छ॒ति॒  
 या॒ज्य॒या॒ प्र॒ति॒ – [ ] 12



**2.6.2.6**

व॒षट्कारेण॑ स्थापयति॑ त्रि॒पदा॑ पु॒रोऽनु॒वाक्या॑ भवति॑ त्रय॑ इ॒मे लो॒का ए॒ष्वेव॑  
लो॒केषु॑ प्र॒ति॒तिष्ठति॑ चतु॒ष्पदा॑ या॒ज्या चतु॒ष्पद॑ ए॒व प॒शून॑व रुन्धे  
द्व्यक्ष॑रो व॒षट्कारो॑ द्वि॒पाद्-यज॑मानः प॒शुष्वे॒वोप॑रिष्ठात् प्र॒ति॒तिष्ठति॑  
गा॒यत्री पु॒रोऽनु॒वाक्या॑ भवति॑ त्रि॒ष्टुग् या॒ज्यैषा॑ वै स॒प्तप॑दा श॒क्वरी॑  
यद्वा ए॒तया॑ दे॒वा अ॑शि॒क्षन् तद॑श॒क्नुवन्॑ य ए॒वं वैद॑ श॒क्नोत्ये॒व ( )  
यच्छि॑क्षति । 13 (दे॒वता॑नां - करो॒त्यु - परि॑ष्टाल्लक्ष्मा - ऽऽज्य॑भागौ -  
प्र॒ति - श॒क्रोत्ये॒व - द्वे च॑ ) (A2)

**2.6.3.1**

प्र॒जाप॑ति दे॒वेभ्यो॑ य॒ज्ञान् व्यादि॑शत् स आ॒त्मन्ना॑ज्यमधत्त॑ तं दे॒वा  
अब्रु॑वन्नेष वाव॑ य॒ज्ञो यदा॑ज्यमप्ये॒व नोऽन्ना॑स्त्विति॒ सोऽब्रु॑वीद्-य॒जान् व  
आज्य॑भागावुप॑ स्तृ॒णान॑भि॒ घा॑रयानिति॒ तस्मा॑द्-यज॒न्त्या-ज्य॑भागावुप॑  
स्तृ॒णन्त्य॑भि॒ घा॑रयन्ति॒ ब्रह्म॑वादि॒नो वद॑न्ति॒ कस्मा॑त् स॒त्याद्-  
या॒तया॑मा॒न्यन्या॑नि ह॒वी-ष्य॑या॒तया॑म-मा॒ज्यमि॑ति प्राजाप॒त्य - [ ] 14

**2.6.3.2**

–मिति ब्रूयादयातयामा हि देवानां प्रजापतिरिति छन्दाँसि  
 देवेभ्योऽपाक्रामन् न वोऽभागानि हव्यं वक्ष्याम इति तेभ्य  
 एत-च्चतुरवत्त-मधारयन् पुरोऽनुवाक्यायै याज्यायै देवतायै वषट्काराय  
 यच्चतुरवत्तं जुहोति छन्दाँस्येव तत् प्रीणाति तान्यस्य प्रीतानि देवेभ्यो  
 हव्यं वहन्त्यङ्गिरसो वा इत उत्तमाः सुवर्गं लोकमायन् तदृषयो  
 यज्ञवास्त्वभ्यवायन् ते – [ ] 15

**2.6.3.3**

ऽपश्यन् पुरोडाशं कूर्मं भूतँ सर्पन्तं तमब्रुवन्निन्द्राय ध्रियस्व  
 बृहस्पतये ध्रियस्व विश्वेभ्यो देवेभ्यो ध्रियस्वेति स नाध्रियत  
 तमब्रुवन्नग्नये ध्रियस्वेति सोऽग्नयेऽध्रियत यदाग्नेयो- ऽष्टाकपालो-  
 ऽमावास्यायां च पौर्णमास्यां चाच्युतो भवति सुवर्गस्य लोकस्याभिजित्यै  
 तमब्रुवन् कथाऽहास्था इत्यनुपाक्तो ऽभूवमित्यब्रवीद्-  
 यथाऽक्षोऽनुपाक्तो – [ ] 16

**2.6.3.4**

ऽवा॒च्छ॒त्ये॒वम॒वा ऽऽर॒मित्यु॒परि॒ष्टा-द॒भ्यज्या॒धस्ता-दु॒पा॒नक्ति॒ सुव॒र्गस्य॑  
लो॒कस्य॑ स॒म॒ष्ट्यै॒ सर्वा॑णि क॒पाला॒न्यभि॑ प्रथयति तावतः  
पुरो॒डाशा॒नमु॒ष्मिंँ लो॒केऽभि॑ जयति यो विदग्धः स नैर्ऋ॒तो योऽशृ॑तः स  
रौ॒द्रो यः शृ॑तः स सदे॒वस्तस्मा॒दवि॒दह॒ता शृ॑तंकृत्यः सदे॒वत्वाय॑  
भस्म॒नाऽभि॑ वासयति तस्मान्मा॒ञ् स॒ेना॒स्थि॑ छन्नं वे॒देना॒भि वा॑सयति  
तस्मात् - [ ] 17

**2.6.3.5**

केशैः शिरः छन्नं प्रच्युतं वा एतदस्मान् लो॒काद॑गतं दे॒वलोकं॑  
यच्छृ॒तञ् ह॒विर॒नभि॑धारित-मभि॒घार्यो॑द्-वासयति दे॒वत्रै॒वैन॑द्-गमयति  
यद्ये॒कं क॒पालं॑ नश्येदे॒को मा॒सः सँव॑त्सरस्यानवे॒तः स्या॒दथ॑ यज॒मानः॑  
प्रमी॑येत यद् द्वे नश्येतां द्वौ मा॒सौ सँव॑त्सरस्यानवे॒तौ स्या॒ताम॑थ यज॒मानः॑  
प्रमी॑येत सङ्ख्यायो॑द्-वासयति यज॒मानस्य॑ - [ ] 18

**2.6.3.6**

गोपी॑थाय॒ यदि॑ नश्ये॒दाश्विनं॑ द्विक॒पालं॑ निर्व॒पेद् द्यावा॑पृथि॒व्य-  
मेक॑क॒पालम॑श्विनौ॒ वै दे॒वानां॑ भिष॒जौ ताभ्या॑मेवास्मै॒ भेष॑जं करोति  
द्यावा॑पृथि॒व्य एक॑क॒पालो भव॑त्यनयो॒र्वा ए॒तन्न॑श्यति॒ यन्न॑श्य-  
त्यनयो॑रे॒वैन॑द्-विन्दति॒ प्रति॑ष्ठित्यै । 19

(प्रजा॑पत्यं - ते - ऽक्षो॑ऽनु॒पाक्तो॑ - वेदे॑नाभि वा॒सय॑ति॒ तस्मा॑द् -  
यज॑मानस्य - द्वात्रिं॑शच्च) (A3)

**2.6.4.1**

दे॒वस्य॑ त्वा स॒वितुः॑ प्र॒सव॑ इति॒ स्फ्य॑मा दत्ते॒ प्रसू॑त्याअश्विनौ॑  
र्बाहु॑भ्यामि॒त्याहा-श्विनौ॑ हि दे॒वाना॑मध्व॒र्यू आस्तां॑ पू॒ष्णो  
हस्ता॑भ्यामि॒त्याह॑ यत्यै॒ शत॑भृष्टि॒रसि॑ वानस्प॒त्यो द्विष॑तो॒ वध॑ इत्याह  
वज्र॑मे॒व तथ् स॑श्यति॒ भ्रातृ॑व्याय॒ प्रहरि॑ष्यन्थ् स्त॒म्ब य॒जु  
ह॑रत्ये॒ताव॑ती॒ वै पृ॑थि॒वी या॑वती॒ वेदि॑स्तस्या॒ एता॑वत॒ एव  
भ्रातृ॑व्यं निर्भ॑जति - [ ] 20

**2.6.4.2**

तस्मान्नाभा॒गं॒ निर्भ॑जन्ति॒ त्रि॒र्हर॑ति॒ त्रय॑ इ॒मे लो॒का ए॒भ्य ए॒वैनं॑  
लो॒केभ्यो॑ निर्भ॑जति॒ तूष्णीं॑ चतु॒र्थं॑ ह॒रत्य॑ परि॒मिता॑ दे॒वैनं॑ निर्भ॑जत्यु॒द्धन्ति॑  
यदे॒वास्या॑ अ॒मेध्यं॑ तदप॑ ह॒न्त्युद्ध॑न्ति॒ तस्मा॑दोष॒धयः॑ परा॑ भवन्ति॒ मूलं॑  
छिन॑त्ति॒ भ्रातृ॑व्यस्यै॒व मूलं॑ छिन॑त्ति॒ पितृ॑दे॒वत्याऽति॑खा॒तेय॑तीं॒ खन॑ति  
प्र॒जाप॑तिना – [ ] 21

**2.6.4.3**

यज्ञ॑मुखेन॒ संमि॑ता॒मा प्र॑ति॒ष्ठायै॑ खन॑ति॒ यज॑मानमे॒व प्र॑ति॒ष्ठां ग॑मयति  
दक्षि॑णतो॒ वर्षी॑यसीं॒ करो॑ति॒ दे॒वय॑जनस्यै॒व रू॒पम॑कः॒ पुरी॑षवतीं॒ करो॑ति  
प्र॒जावै॑ प॒शवः॑ पुरी॑षं प्र॒जयै॑वैनं॒ पशु॑भिः पुरी॑षवन्तं॒ करो॑त्युत्तरं॒ परि॑ग्राहं॒ परि॑  
गृह्णा॑त्ये॒ताव॑ती॒ वै पृ॑थि॒वी या॑वती॒ वेदि॑स्तस्या॒ एता॑वत॒ एव॑ भ्रातृ॑व्यं  
निर्भ॑ज्याऽऽत्म॒न उत्त॑रं॒ परि॑ग्राहं॒ परि॑गृह्णाति॒ क्रू॒रिम॑व॒ वा – [ ] 22

**2.6.4.4**

एतत्॑ करो॒ति यद्वेदिं॑ करो॒ति धा॑ अ॒सि स्व॑धा अ॒सीति॑ यो॒युप्य॑ते॒ शान्त्यै॑  
प्रो॒क्षणी॑रा॒ साद॑यत्यापो॒ वै रक्षो॑घ्नी॒ रक्ष॑साम॒पहत्यै॑

स्फ्यस्यवर्त्मन्थ सादयति यज्ञस्य सन्तत्यैयं द्विष्यात्

तंध्यायेच्छुचैवैनमर्पयति । 23

(भजति - प्रजापतिने- व वै - त्रयस्त्रिंशच्च) (A4)

### 2.6.5.1

ब्रह्मवादिनो वदन्त्यद्भि-हवींषि प्रौक्षीः केनाप इति ब्रह्मणेति  
ब्रूयादद्भि-ह्वेव हवींषि प्रोक्षति ब्रह्मणाऽप इध्माबर्हिः प्रोक्षति  
मेध्यमेवैनत् करोति वेदिं प्रोक्षत्यृक्षा वा एषाऽलोमकाऽमेध्या  
यद्-वेदिर्मेध्या-मेवैनां करोति दिवे त्वाऽन्तरिक्षाय त्वा पृथिव्यै त्वेति

बर्हिःसाद्य प्रो - [ ] 24

### 2.6.5.2

-क्षत्येभ्य एवैनल्लोकेभ्यः प्रोक्षति क्रूरमिव वा एतत् करोति यत् खनत्यपो  
निनयति शान्त्यै पुरस्तात् प्रस्तरं गृह्णाति मुख्यमेवैनं करोतीयन्तं गृह्णाति  
प्रजापतिना यज्ञमुखेन संमितं बर्हिः स्तृणाति प्रजा वै बर्हिः पृथिवी  
वेदिः प्रजा एव पृथिव्यां प्रति स्थापयत्यनतिदृशनं स्तृणाति प्रजयैवैनं  
पशुभिरनतिदृशनं करो- [ ] 25

**2.6.5.3**

-त्युत्तरं बर्हिषः प्रस्तरं सादयति प्रजा वै बर्हि र्यजमानः  
 प्रस्तरोयजमान-मेवायजमाना-दुत्तरं करोति  
 तस्माद्-यजमानोऽयजमानादुत्तरोऽन्तर्दधाति व्यावृत्त्या अनक्ति  
 हविष्कृतमेवैनं सुवर्गं लोकं गमयति त्रेधाऽनक्ति त्रय इमे लोका एभ्य  
 एवैनं लोकेभ्योऽनक्ति न प्रति शृणातियत् प्रतिशृणीयादनूर्ध्वं भावुकं  
 यजमानस्य स्यादुपरीव प्र हर - [ ] 26

**2.6.5.4**

-त्युपरीव हि सुवर्गो लोको नियच्छति वृष्टिमेवास्मै नियच्छति नात्यग्रं  
 प्र हरेद्यदत्यग्रं प्रहरेद-त्यासारिण्यध्वर्यो-र्नाशुका स्यान्न  
 पुरस्तात् प्रत्यस्येद्यत् पुरस्तात् प्रत्यस्येथ सुवर्गाल्लोकाद्-यजमानं  
 प्रति नुदेत् प्राञ्चं प्रहरति यजमानमेव सुवर्गं लोकं गमयति न  
 विष्वञ्चं वि युयाद्-यद्-विष्वञ्चं वियुयाथ - [ ] 27

**2.6.5.5**

स्त्र्यस्य जायेतोर्ध्वमुद्यौत्यूर्ध्वमिव हि पु॒ंसः पु॒माने॒वास्य॑ जायते  
यथ् स्फ्येन॑ वोपवेषेण॑ वा योयुप्येत॑ स्तृतिरे॒वास्य॑ सा हस्तेन॑ योयुप्यते॑  
यज॑मानस्य गोपी॒थाय॑ ब्रह्मवादिनो॑ वदन्ति किं य॒ज्ञस्य॑ यज॑मान इति  
प्र॒स्तर॑ इति तस्य॑ क्व सु॒वर्गो॑ लो॒क इत्या॑हवनीय इति ब्रूया॒द्यत्  
प्र॒स्तर॑माहवनीये॑ प्र॒हरति॑ यज॑मानमेव - [ ] 28

**2.6.5.6**

सु॒वर्गं॑ लो॒कं ग॑मयति वि वा ए॒तद्-यज॑मानो लिशते यत् प्र॒स्तरं॑ योयुप्यन्ते॑  
ब॒र्हि॒रनु॑ प्र॒हरति॑ शान्त्या॑ अ॒नार॑म्भेण इ॒व वा ए॒तर्ह्य॑ध्वर्युः स ई॒श्वरो॑ वे॒पनो॑  
भ॒वितो॑र्धु॒वा ऽसी॑ती॒माम॑भि मृ॒शती॑यं वै ध्रु॒वाऽस्या॑मेव प्र॒तिति॑ष्ठति न वे॒पनो॑  
भ॒वत्य॑गा(३)न॒ग्नीदि॑त्याह यद्ब्रूयाद्-ग॒न्नाग्नि॑रित्य ( ) -ग॒नाव॑ग्निं ग॒मये॑न्नि  
र्यज॑मानः सु॒वर्गा॑ल्लो॒काद्-भ॒जेद॑ग॒न्नित्ये॑व ब्रूयाद्-यज॑मानमेव सु॒वर्गं॑  
लो॒कं ग॑मयति । 29

(आ॒साद्य॑ प्रा - न॒तिदृ॑श्नं करोति - ह॒रति॑ - वि॒युयाद् -  
यज॑मानमे॒वा-ऽग्नि॑रिति - स॒प्तद॑श च ) (A5)



**2.6.6.1**

अग्ने॑स्त्रयो॒ ज्याया॑ꣳसो॒ भ्रातर॑ आसन् ते दे॒वेभ्यो॑ ह॒व्यं वँह॑न्तः  
 प्रा॒मीय॑न्त॒ सोऽग्नि॑र॒बिभेदि॑त्थं वँवाव॑ स्य आ॒र्तिमाऽरि॑ष्यतीति स॒ निला॑यत  
 सोऽपः॑ प्रा॒विश॑त् तं दे॒वताः॑ प्रैष॑मैच्छन् तं म॒थ्स्यः॑ प्राब्र॑वीत्  
 तम॑शप॒द्वियाधिया॑ त्वा व॒ध्यासु॑र्यो मा प्रावो॑च इति तस्मा॒न्मथ्स्यं॑  
 धियाधिया॑ घ्नन्ति श॒प्तो – [ ] 30

**2.6.6.2**

हि तम॑न्वविन्दन् तम॑ ब्रुवन्नुप॑ न आ॒ वर्त॑स्व ह॒व्यं नो॑ वहेति  
 सोऽब्र॑वीद्वरं वँवृणै॑ यदे॒व गृही॑तस्याहु॒तस्य॑ बहिः परि॒धि स्क्व॑न्दात् तन्मे  
 भ्रात॑रूणां भा॒गधे॑यमसदिति तस्मा॒द्यद् गृही॑तस्याहु॒तस्य॑ बहिः परि॒धि  
 स्क्व॑न्दाति तेषां तद्-भा॒गधे॑यं ताने॒व तेन॑ प्रीणाति परि॒धीन् परि॑ दधाति  
 रक्ष॑सामप॒हत्यै सꣳ स्पर्श॑यति – [ ] 31

**2.6.6.3**

रक्ष॑साम॒नन्व॑व॒चारा॒य न॒ पुर॑स्तात् परि॑ दधा॒त्यादि॒त्यो ह्ये॒वोद्यन्॑  
पुर॑स्ताद्-रक्षा॑स्य॒पह॑न्त्यू॒र्ध्वे समि॑धा॒वा दधा॑त्युपरि॑ष्ठादे॒व रक्षा॑स्य॒प  
हन्ति॑ यजु॒षाऽन्यां॑ तू॒ष्णीम॒न्यां मि॑थुन॒त्वाय॑ द्वे आ दधा॑ति द्वि॒पाद्-यज॑मानः  
प्रति॑ष्ठित्यै ब्र॒ह्मवा॑दिनो॒ वद॑न्ति स त्वै य॑जेत यो य॒ज्ञस्याऽऽर्त्या॑ वसी॒यन्थ्  
स्या॑दिति॒ भूप॑तये॒ स्वाहा॑ भुव॒नप॑तये॒ स्वाहा॑ भू॒तानां॑ - [ ] 32

**2.6.6.4**

पत॑ये स्वाहे॑ति॒ स्कन्न॑मनु॒ मन्त्र॑येत य॒ज्ञस्यै॒व तदा॑र्त्या यज॑मानो वसी॒यान्  
भव॑ति भू॒यसी॑र्हि दे॒वताः॑ प्री॒णाति॑ जा॒मि वा ए॒तद्-य॒ज्ञस्य॑ क्रि॒यते  
यद॑न्वञ्चौ पुरो॒डाशा॑ वुपा॑श्शु॒याज॑मन्तरा यज॑त्यजा॒मित्वा॒याथो  
मि॑थुन॒त्वाया॒ग्निर॒मुष्मिं॑ लो॒क आसी॑द्-यमो॑ऽस्मिन् ते दे॒वा  
अब्रु॑वन्नेते॒मौ वि पर्यू॑हामे॒त्यन्नाद्ये॑न दे॒वा अ॒ग्नि - [ ] 33

**2.6.6.5**

-मु॒पाम॑न्त्रयन्त रा॒ज्येन॑ पि॒तरो॑ यमं॒ तस्मा॑द॒ग्नि र्दे॒वाना॑मन्नादो॒ यमः॑  
पि॒तृणां॑ राजा॒ य एवं॑ वैद प्र॒राज्य॑मन्नाद्य-मा॒प्नोति॑ तस्मा॒

ए॒तद्-भा॒ग॒धे॒यं प्रा॒य॒च्छन् यद॒ग्नये॑ स्वि॒ष्टकृ॑तेऽव॒द्यन्ति॑ यद॒ग्नये॑  
स्वि॒ष्टकृ॑तेऽव॒द्यति॑ भा॒ग॒धे॒येनै॒व तद्-रु॒द्रं स॒म॒र्धय॑ति स॒कृ॒त् स॒कृ॒दव॑  
द्यति॑ स॒कृ॒दिव॑ हि रु॒द्र उत्त॑रार्धादव॒ द्यत्ये॑षा वै रु॒द्रस्य॑ - [ ] 34

### 2.6.6.6

दिक् स्वा॒यामे॒व दि॒शि रु॒द्रं नि॒रव॑दयते द्वि॒रभि॑ घा॒रय॑ति  
चतु॒रव॑त्तस्याऽऽप॒त्यैप॑शवो वै पूर्वा आहु॒तय॑ ए॒ष रु॒द्रो यद॒ग्निर्यत् पूर्वा  
आहु॑तीरभि जुहु॒याद्-रु॒द्राय॑ प॒शून॑पि द॒ध्याद॑प॒शुर्य॑ज॒मानः॑ स्यादति॒हाय॑  
पूर्वा आहु॑तीर्जुहोति प॒शूनां॑ गो॒पीथा॑य । 35 (श॒प्तः - स्पर्श॑यति - भू॒तानां॑  
- म॒ग्निं - रु॒द्रस्य॑ - स॒प्तत॑त्रिं॒शच्च॑ ) (A6)

### 2.6.7.1

मनुः पृ॒थिव्या॑ य॒ज्ञिय॑मैच्छत् स घृ॒तं निषि॑क्तमविन्दत् सोऽब्रू॒वीत्  
कोऽस्ये॑श्वरो य॒ज्ञेऽपि॑ कर्तो॒रिति॑ ताव॒ब्रूतां॑ मि॒त्रावरु॑णौ गो॒रेवाऽऽव॑मीश्वरौ  
कर्तोः॑ स्व इति॒ तौ ततो॑ गां स॒मैर॑यतां सा यत्र॑ यत्र॒ न्यक्रा॑मत् ततो॑  
घृ॒तम॑पीड्यत तस्माद्-घृ॒तप॑द्युच्यते तदस्यै

जन्मोपहूतं रथन्तरं सह पृथिव्येत्याह - [ ] 36

### 2.6.7.2

-यं वै रथन्तरमिमामेव सहान्नाद्-येनोप ह्वयत उपहूतं वामदेव्यं  
सहान्तरिक्षेणेत्याह पशवो वै वामदेव्यं पशूनेव सहान्तरिक्षेणोप ह्वयत  
उपहूतं बृहत् सह दिवेत्याहैरं वै बृहदिरामेव सह दिवोप ह्वयत उपहूताः  
सप्त होत्रा इत्याह होत्रा एवोप ह्वयत उपहूता धेनुः-[ ] 37

### 2.6.7.3

सहर्षभेत्याह मिथुनमेवोप ह्वयत उपहूतो भक्षः सखेत्याह  
सोमपीथमेवोप ह्वयत उपहूतां(3) हो इत्याहाऽऽत्मानमेवोप ह्वयत  
आत्मा ह्युपहूतानां वसिष्ठ इडामुप ह्वयते पशवो वा इडा पशूनेवोप ह्वयते  
चतुरूप ह्वयते चतुष्पादो हि पशवो मानवीत्याह मनुर्ह्येता- [ ] 38

### 2.6.7.4

-मग्ने ऽपश्यद्-घृतपदीत्याह य देवास्यै पदाद्-घृतमपीड्यत  
तस्मादेवमाह मैत्रावरुणीत्याह मित्रावरुणौ होनां समैरयतां

ब्रह्म देवकृत-मुपहूतमित्याह ब्रह्मैवोप ह्वयते दैव्या अध्वर्यव  
 उपहूता उपहूता मनुष्या इत्याह देवमनुष्यानेवोप ह्वयते य इमं  
 यज्ञमवान् ये यज्ञपतिं वर्धनित्याह - [ ] 39

### 2.6.7.5

यज्ञाय चैव यजमानाय चा ऽऽशिषमा शास्त उपहूते द्यावापृथिवी इत्याह  
 द्यावापृथिवी एवोप ह्वयते पूर्वजे ऋतावरी इत्याह पूर्वजे होते ऋतावरी  
 देवी देवपुत्रे इत्याह देवी होते देवपुत्रे उपहूतोऽयं  
 यजमान इत्याह यजमानमेवोप ह्वयत उत्तरस्यां देवयज्यायामुपहूतो  
 भूयसि हविष्करण उपहूतो दिव्ये धामन्नुपहूत - [ ] 40

### 2.6.7.6

इत्याह प्रजा वा उत्तरा देवयज्या पशवो भूयो हविष्करणं सुवर्गो लोको  
 दिव्यं धामेदम-सीदमसीत्येव यज्ञस्य प्रियं धामोप ह्वयते विश्वमस्य  
 प्रिय-मुपहूतमित्याहा-छंबट्कारमेवोप ह्वयते । 41

(आह - धेनु- रैतां - वैधानित्याह - धामन्नुपहृत दृ  
श्चतुस्त्रिंशच्च ) (A7)

### 2.6.8.1

पशवो वा इडा स्वयमा दत्ते काममेवाऽऽत्मना पशूनामा दत्ते न ह्यन्यः  
कामं पशूनां प्रयच्छति वाचस्पतये त्वा हुतं प्राश्नामीत्याह वाचमेव  
भागधेयेन प्रीणाति सदसस्पतये त्वा हुतं प्राश्नामीत्याह स्वगाकृत्यै  
चतुरवत्तं भवति हविर्वै चतुरवत्तं पशवश्चतुरवत्तं यद्धोता

प्राश्नीयाद्धोता - [ ] 42

### 2.6.8.2

ऽऽर्तिमाच्छेद्-यदग्नौ जुहुयाद्-रुद्राय पशूनपि दध्यादपशुर्यजमानः  
स्याद्-वाचस्पतये त्वा हुतं प्राश्नामीत्याह परोक्षमेवन-ज्जुहोति  
सदसस्पतये त्वा हुतं प्राश्नामीत्याह स्वगाकृत्यै प्राश्नन्ति तीर्थ एव  
प्राश्नन्ति दक्षिणां ददाति तीर्थ एव दक्षिणां ददाति वि

वा एतद्यज्ञं - [ ] 43

**2.6.8.3**

छिन्दन्ति॑ यन्मध्यतः॑ प्रा॒श्नन्त्यद्भि॑-र्मा॒र्जयन्त॑ आ॒पो वै सर्वा॑ दे॒वता॑  
 दे॒वता॑भिरे॒व य॒ज्ञं सं तन्व॑न्ति दे॒वा वै य॒ज्ञाद्-रु॒द्रमन्तरा॑यन्त्स  
 य॒ज्ञमवि॑ध्यत् तं दे॒वा अ॒भि स॒मगच्छ॑न्त कल्प॑तां न इ॒दमिति॑ तेऽब्रु॑वन्थ्  
 स्विष्टं॑ वै न इ॒दं भवि॑ष्यति य॒दिमं रा॑धयिष्याम॒ इति॑ तथ् स्विष्ट॑कृतः  
 स्विष्ट॑कृत्त्वं तस्या ऽऽवि॑द्धं नि - [ ] 44

**2.6.8.4**

-र॒कृन्तन् यवे॑न स॒मि॒तं तस्मा॑द्-य॒वमात्र॑मव  
 द्यौ॒द्-यज्ज्या॑योऽव॒द्-ये॒द्-रोप॑येत् तद्-य॒ज्ञस्य॑ यदु॒प च स्तृ॑णीयाद॒भि  
 च घा॑रयेदु॒भयतः॑ स॒ञ्चायि॑ कुर्याद॒वदा॑याभि घा॒रय॑ति द्विः संप॑द्यते  
 द्वि॒पाद्-य॑ज॒मानः॑ प्र॒तिष्ठि॑त्यै यत् ति॒रश्ची॑न-म॒ति-ह॑रे॒दन॑भि-वि॒द्धं  
 य॒ज्ञस्या॑भि वि॒ध्येद॑ग्रेण॒ परि॑ ह॒रति॑ ती॒र्थेनै॒व परि॑ ह॒रति॑ तत् पू॒ष्णे  
 पर्य॑हरन् तत् - [ ] 45

**2.6.8.5**

पू॒षा प्रा॒श्य द॒तोऽरु॒णत् तस्मा॑त् पू॒षा प्र॒पिष्ट॑भा॒गोऽद॒न्त॒को  
हि तं दे॒वा अब्रु॑वन् वि वा अ॒यमा॑र्ध्यप्रा॒शि॒त्रियो॒ वा अ॒यम॑भू॒दिति॒  
तद्-बृ॒हस्प॑तये॒ पर्य॑हरन्थ॒ सोऽबि॑भेद्-बृ॒हस्प॑तिरि॒त्थं वा॑व स्य  
आ॒र्तिमा॑रि॒ष्यती॒ति स ए॒तं मन्त्र॑मप॒श्यथ॒ सूर्य॑स्य त्वा चक्षु॑षा प्र॒ति  
प॒श्यामी॑त्यब्रवी॒न्न हि सूर्य॑स्य चक्षुः - [ ] 46

**2.6.8.6**

किं च॒न हि॒नस्ति॒ सोऽबि॑भेत् प्र॒तिगृ॑ह्णन्तं मा हि॒ऽसि॒ष्यती॒ति  
दे॒वस्य॑ त्वा स॒वितुः॑ प्र॒सर्वे॑ऽश्वि॒नो ब॒हुभ्यां॑ पू॒ष्णो हस्ता॑भ्यां  
प्र॒ति गृ॑ह्णामीत्यब्रवी॒थ स॒वितृ॑प्र॒सूत ए॒वैन॑द्ब्रह्म॒णा दे॒वता॑भिः  
प्र॒त्यगृ॑ह्णाथ॒ सोऽबि॑भेत् प्रा॒श्नन्तं॑ मा हि॒ऽसि॒ष्यती॒त्यग्ने॑स्त्वा  
ऽऽस्ये॑न प्रा॒श्नामी॑त्यब्रवी॒न्न ह्यग्ने॑रास्यं किञ्च॒न  
हि॒नस्ति॒ सोऽबि॑भेत् - [ ] 47



**2.6.8.7**

प्रा॒शितं॑ मा॒हि॒ऽसि॒ष्यतीति॑ ब्रा॒ह्मण॑स्यो॒दरे॒णे॒त्य॑ ब्रवी॒न्न हि॑ ब्रा॒ह्मण॑स्यो॒दरं॑  
किं॑ च॒न हि॒नस्ति॑ बृ॒हस्प॑ते॒र्ब्रह्म॑णेति॒ स हि॑ ब्र॒ह्मि॒ष्ठोऽप॒ वा ए॒तस्मा॑त् प्रा॒णाः  
क्रा॑मन्ति॒ यः प्रा॑शि॒त्रं प्रा॑श्नात्य॒द्भिर्मा॑र्जयित्वा प्रा॒णान्त्सं॑ मृ॒शते॑ऽमृतं॒ वै  
प्रा॒णा अ॒मृत॑मापः प्रा॒णाने॒व यथा॑स्थानमुप॒ ह्वय॑ते । 48

(प्रा॒श्नीया॑द्धोता॒ - य॒ज्ञं - नि॒ - र॒हरन्त॑ - च॒क्षुः - रा॒स्यं किञ्च॑न  
हि॒नस्ति॑ सोऽ॒बिभे॑ - च॒तुश्च॑त्वारि॒ऽश॑च्च ) (A8)

**2.6.9.1**

अ॒ग्नी॒ध आ॑ द॒धा-त्य॑ग्निमु॒खा-ने॒वर्तून्॑ प्री॒णाति॑ स॒मिध॑मा  
द॒धात्यु॑त्तरासा-माहु॒तीनां॑ प्र॒तिष्ठि॑त्या अथो॒ समि॑द्वत्ये॒व जु॑होति॒ परि॑धीन्त्  
सं मा॒र्षि पु॒नात्ये॒वैनान्त्सं॑ कृ॒थ् स॒कृथ्॑ सं मा॒र्षि प॒राडि॒व ह्ये॒तर्हि॑  
य॒ज्ञश्च॑तुः संप॒द्यते॑ च॒तुष्पा॑दः प॒शवः॑ प॒शूने॒वाव रु॒न्धे ब्र॒ह्मन् प्र॑स्थास्याम  
इत्या॒हात्र॑ वा ऐ॒तर्हि॑ य॒ज्ञः श्रि॒तो - [ ] 49

**2.6.9.2**

यत्र॑ ब्र॒ह्मा यत्रै॒व य॒ज्ञः श्रि॒तस्त॑त ए॒वैन॑मा र॒भते॑ यद्ध॒स्तेन॑  
 प्र॒मीवे॑द्वेप॒नः स्या॒द्यच्छी॒र्ष्णा शी॒र्ष॒क्ति॒मान्थ्-स्या॒द्यत् तू॒ष्णीमा॒सीता॑  
 ऽसंप्र॑त्तो य॒ज्ञः स्या॒त् प्र॒तिष्ठे॒त्येव॑ ब्रूयाद्-वा॒चि वै य॒ज्ञः श्रि॒तो यत्रै॒व  
 य॒ज्ञः श्रि॒तस्त॑त ए॒वैन॑ सं प्र य॒च्छति॑ दे॒व स॒वित॑रे॒तत् ते प्रा - [ ] 50

**2.6.9.3**

-ऽहे॒त्याह॑ प्र॒सू॒त्यै बृ॒हस्प॑ति ब्र॒ह्मे॒त्याह॑ स हि ब्र॒ह्मि॒ष्ठः स य॒ज्ञं  
 पा॒हि स य॒ज्ञप॑तिं पा॒हि स मां पा॒हीत्या॑ह य॒ज्ञाय॑ य॒जमा॑नायाऽऽ॒त्मने॑ तेभ्य  
 ए॒वाऽऽशि॑ष॒मा शा॒स्तेऽना॑र्त्या आ॒श्राव्या॑ऽह दे॒वान् य॒जेति॑ ब्र॒ह्मवा॑दि॒नो  
 वद॑न्ती॒ष्टा दे॒वता॑ अथ॑ क॒तम॑ ए॒ते दे॒वा इति॑ छन्दा॒सीति॑ ब्रूयाद्-गा॒यत्रीं  
 त्रि॒ष्टुभं - [ ] 51

**2.6.9.4**

जग॑ती॒मित्य॑थो ख॒ल्वाहु॑र्ब्रा॒ह्मणा॑ वै छन्दा॒सीति॑ ता॒नेव॑ तद्-य॒जति॑  
 दे॒वानां॑ वा इ॒ष्टा दे॒वता॑ आ॒सन्न॑था॒ग्निर्नो॑दज्ज्वलत् तं दे॒वा  
 आ॒हुती॑भि-र॒नूया॑जे॒ष्वन्व-वि॒न्दन् यद॑नूया॒जान् य॒जत्य॑ग्निमे॒व तथ्

समिन्ध ए॒तदु॒र्वे॒ नामा॑ऽसुर॒ आसी॑त् स ए॒तर्हि॒ य॒ज्ञस्या॑ ऽऽशिषमवृ॒ङ्क

यद् ब्रू॒यादे॒त - [ ] 52

### 2.6.9.5

-दु॒ द्यावा॑पृथि॒वी भ॒द्र-म॒भूदि॒त्येत॑दु॒-मे॒वाऽसुरं॑ य॒ज्ञस्या॑ऽशिषं  
गमये॒दिदं॑ द्यावा॑पृथि॒वी भ॒द्रम॒भूदि॒त्येव॑ ब्रू॒याद्-य॒जमान॑मे॒व  
य॒ज्ञस्या॑ऽशिषं गमय॒त्याध॑र्म॒ सूक्त॑वाकमु॒त  
नमो॑वाकमि॒-त्याहे॑दमरा॒थ्-स्मेति॑ वावै॒तदा॑होप॒श्रितो॑ दि॒वः  
पृथि॒व्योरि॒त्याह॑ द्यावा॑पृथि॒व्योर्हि॒ यज्ञ॑ उप॒श्रित॑ ओम॒न्वती॑ तेऽस्मिन् य॒ज्ञे  
य॒जमान॑ द्यावा॑पृथि॒वी - [ ] 53

### 2.6.9.6

स्तामि॒त्याहा॑ ऽऽशिषमे॒वैता॑मा शा॒स्ते॒ यद्ब्रू॒याथ् सू॒पाव॑सा॒ना च॑  
स्व॒ध्यव॑सा॒ना चेति॑ प्र॒मायु॑को य॒जमानः॑ स्याद्य॒दा हि॑ प्र॒मीय॑ते  
ऽथे॒मामु॑पाव॒स्यति॑ सू॒पच॑रणा च स्व॒धिच॑रणा चे॒त्येव॑  
ब्रू॒याद्-व॒रीय॑सीमे॒वास्मै॑ गव्यू॒तिमा॑ शा॒स्ते॒ न प्र॒मायु॑को भवति  
तयो॒रावि॑द्य॒ग्निरि॒दं ह॒विर॑जुष॒तेत्या॑ह या अ॒याक्ष्म॑ - [ ] 54

**2.6.9.7**

दे॒वता॑स्ता अ॒रीर॑धामेति वावै॒तदा॑ह यन्न नि॒र्दिशे॑त् प्र॒तिवेशं॑ य॒ज्ञस्या॑  
 ऽऽशी॑र्गच्छे॒दा शा॑स्तेऽयं य॒जमा॑नोऽसा॒वित्या॑ह नि॒र्दिश्यै॑वैनं सु॒वर्गं  
 लो॒कं ग॑मय॒त्यायु॑रा शा॒स्ते सु॑प्रजास्त्वमा शा॒स्त इ॒त्याहा ऽशि॑षमे॒वै  
 तामा॑ शा॒स्तो स॑जात॒वन॑स्यामा शा॒स्त इ॒त्याह प्रा॑णा वै स॒जाताः

प्रा॒णाने॒व – [ ] 55

**2.6.9.8**

ना॒न्तरे॑ति तद॒ग्नि॑र्दे॒वो दे॒वेभ्यो॑ व॒नते॑ व॒यम॑ग्ने॒र्मानु॑षा इ॒त्याहा॑ग्नि॒र्देवे॑भ्यो  
 व॒नुते॑ व॒यं म॒नुष्ये॑भ्य इति वावै॒तदा॑हेह ग॒तिर्वा॑मस्ये॒दं च न॑मो  
 दे॒वेभ्य॑ इ॒त्याह या॑श्चै॒व दे॒वता॑ य॒जति॑ याश्च न ता॒भ्य ए॒वोभ्यी॑भ्यो  
 नम॑स्करो॒त्यात्म॑नोऽना॒त्यै ॥ 56 (श्रि॒तः – ते॒ प्र – त्रि॒ष्टुभ – मे॒तद् –  
 द्या॒वापृ॑थि॒वी – या अ॒याक्ष॑म – प्रा॒णाने॒व – षट्च॑त्वारि॒ंशच्च॑ ) (A9)

**2.6.10.1**

दे॒वा वै य॒ज्ञस्य॑ स्व॒गाक॑र्तारं॒ नावि॑न्दन् ते शँ॒युं बा॒र्हस्प॑त्यम॒ब्रुव॑न्निमं  
 नो य॒ज्ञः स्व॒गा कु॒र्विति॑ सोऽब्र॑वीद्वरं॒ वृ॒णै यदे॒वा-ब्रा॑ह्म॒णोक्तो॑-  
 ऽश्र॑द्धानो यजा॒तै सा मे॑ य॒ज्ञस्याऽऽशी॑रसदिति॒ तस्मा॑द्-  
 यदब्रा॑ह्म॒णोक्तोऽश्र॑द्धानो यज॒ते शँ॒युमे॒व तस्य॑ बा॒र्हस्प॑त्यं य॒ज्ञस्या  
 ऽऽशी॑र्गच्छ॒त्येत॑न्ममे॒त्यब्र॑वीत् किं मे॒ प्रजा॑या - [ ] 57

**2.6.10.2**

इति॑ योऽप॒गुरा॑तै॒ शते॑न या॒तया॑द्यो नि॒हन॑त् स॒हस्रे॑ण या॒तया॑द्यो लो॒हितं  
 क॒रव॑द्यावतः प्र॒स्कृ॒द्य पा॒ञ्च॒सून्त् सं गृ॑ह्णात् तावतः सँव॑त्स॒रान्  
 पि॒तृलो॒कं न प्र॑जा॒नादि॑ति॒ तस्मा॑द्-ब्रा॒ह्म॒णाय॑ नाप॒ गुरे॑त न नि॒ ह॒न्यान्  
 लो॒हितं कु॑र्यादि॒ताव॑ता है॒नसा॑ भवति॒ तच्छँ॑योरा वृ॒णीम॑ह इत्या॒ह य॒ज्ञमे॒व  
 तथ् स्व॒गा क॑रोति॒ त - [ ] 58

**2.6.10.3**

-च्छँ॑योरा वृ॒णीम॑ह इत्या॒ह शँ॒युमे॒व बा॒र्हस्प॑त्यं भा॒गधे॑येन  
 स॒म॒र्धय॑ति गा॒तुं य॒ज्ञाय॑ गा॒तुं य॒ज्ञप॑तय इत्या॒हा ऽऽशि॑षमे॒वै ता॑मा

शास्ते॑ सोमं॑ ँयजति॑ रेत॑ ए॒व तद्-दधाति॑ त्वष्टारं॑ ँयजति॑ रेत॑ ए॒व हि॒तं  
 त्वष्टा॑ रूपाणि॑ वि॒ करोति॑ दे॒वानां॑ पत्नीर्यजति॑ मिथु॒नत्वाया॑ग्निं गृहपतिं॑  
 ँयजति॑ प्रतिष्ठित्यै॑ जामि॒ वा ए॒तद्-यज्ञस्य॑ क्रियते॑ - [ ] 59

#### 2.6.10.4

यदाज्ये॑न प्रयाजा॑ इज्यन्त॑ आज्ये॑न पत्नीसँयाजा॑ ऋचमनूच्य॑  
 पत्नीसँयाजानामृचा॑ यजत्यजामित्वायाथो॑ मिथु॒नत्वाय॑ पङ्क्ति॑ प्रायणो॑ वै  
 यज्ञः॑ पङ्क्त्युदयनः॑ पञ्च॑ प्रयाजा॑ इज्यन्ते॑ चत्वारः॑ पत्नीसँयाजाः॑  
 समिष्टयजुः॑ पञ्चमं॑ पङ्क्तिमेवानु॑ प्रयन्ति॑ पङ्क्तिमनूद्यन्ति॑ । 60

(प्रजायाः॑ - करोति॑ तत् - क्रियते॑ - त्रयस्त्रिंशच्च॑) (A10)

#### 2.6.11.1

यु॒क्ष्वाहि॑ दे॒वहू॑तमा॒ अश्वा॑ अ॒ग्ने रथी॑रिव । नि होता॑ पू॒र्व्यः स॑दः ।  
 उ॒त नो॑ दे॒व दे॒वा अ॒च्छा वो॑चो वि॒दुष्ट॑रः । श्रद्धि॑श्चा वा॒र्या कृ॑धि ।  
 त्व॒ ह य॑द्यविष्ट्य॑ सहसः॑ सू॒नवा॑हुत । ऋ॒तावा॑ य॒ज्ञियो॑ भुवः ।  
 अ॒यम॒ग्निः स॒हस्रि॑णो वा॒जस्य॑ श॒तिन॒स्पतिः॑ । मूर्धा॑ क॒वी रयी॑णां ।

तं ने॒मि॒मृ॒भवो॑ य॒था ऽऽन॑मस्व स॒हूति॑भिः । ने॒दीयो॑ य॒ज्ञ - [ ] 61

### 2.6.11.2

—म॒ङ्गिरः॑ । तस्मै॑ नू॒ नम॑भिद्यवे वा॒चा वि॑रूप॒ नित्य॑या । वृ॒ष्णो चो॑दस्व सु॒ष्टुतिं॑  
 । क॒मु ष्वि॑दस्य से॒नया॑ऽग्नेरपा॒कच॑क्षसः । प॒णिं गो॑षु स्तरामहे ।  
 मा नो॑ दे॒वानां॑ वि॒शः प्र॑स्नातीरि॒वो॒स्राः । कृ॒शं न हा॑सुर॒घ्नियाः॑ ।  
 मा नः॑ समस्य दू॒ढ्यः परि॑द्वेषसो अ॒ह॒तिः । ऊ॒र्मिर्न ना॒वमा॑ व॒धीत् ।  
 नम॑स्ते अ॒ग्न ओ॒जसे॑ गृ॒णन्ति॑ दे॒व कृ॑ष्टयः । अ॒मै - [ ] 62

### 2.6.11.3

—र॒मि॒त्रम॑र्दय । कु॒वि॒थ्सु॒नो ग॒वि॒ष्टये॑ऽग्ने सँ॒वेषि॑षो रयिं ।  
 उ॒रु॒कृ॒दुरु॑ णस्कृ॒धि । मा नो॑ अ॒स्मिन् महा॑धने॒ परा॑ व॒र्गभृ॑द्यथा ।  
 सँ॒वर्ग॑ स॒ रयिं॑ जय । अ॒न्यम॑स्मद्भिया॒ इय॑मग्ने॒ सिष॑क्तु दु॒च्छुना॑ । व॒र्धा  
 नो॑ अ॒मव॑च्छवः । यस्या॑जुष॒न्नम॑स्विनः श॒मीम॑दु॒र्मख॑स्यवा ।  
 तं घे॒दग्नि॑र्वृ॒धाऽव॑ति । प॒रस्या॑ अ॒धि - [ ] 63

**2.6.11.4**

सँवतोऽवराँ अ॒भ्या तर । यत्रा॒हमस्मि ताँ अ॒व । वि॒द्मा हि ते पु॒रा वयम॑ग्ने  
पितु॑र्यथावसः । अथा ते सु॒म्नमी॑महे । य उ॒ग्र इ॒व शर्य॑हा ति॒ग्मशृ॑ङ्गो न  
वँस॑गः । अ॒ग्ने पु॒रो रु॒रोजि॑थ । सखा॑यः सं वँः सं यँज्च॑मिषँ स्तोमं  
चा॒ग्नये॑ । व॒र्षि॑ष्ठाय क्षिती॒नामू॑र्जो न॒प्त्रे स॑हस्वते । सँ समि॑द्युवसे वृष॒न्न  
( ) -ग्ने विश्वा॑न्यर्य आ । इ॒डस्प॑दे समि॒ध्यसे॑ स नो वसू॒न्या भर॑ ।

प्रजा॑पते >[1], स वे॒द>[2], सोमा॑ पू॒षणे>[3], मौ दे॒वौ>[4] । 64

(य॒ज्ञ - म॒मै - रधि॑ - वृष॑ - त्रेका॒न्न विँश॑तिश्च॑) (A11)

**2.6.12.1**

उ॒श॒न्तस्त्वा ह॒वाम॑ह उ॒श॒न्तः समि॑धीमहि । उ॒श॒न्नु॒शत॑ आ वह॑ पित॒न  
ह॒विषे॑ अ॒त्तवे॑ । त्वँ सोम॑ प्रचि॒कितो॑ मनी॒षा त्वँ रजि॑ष्ठमनु॒ नेषि॑  
पन्थां॑ । तव॑ प्रणी॒ती पि॒तरो॑ न इ॒न्द्रो दे॒वेषु॑ रत्न॒म भ॑जन्त॒ धीराः॑ ।  
त्वया॑ हि नः पि॒तरः॑ सोम॑ पूर्वे॒ कर्मा॑णि चक्रुः पव॒मान॑ धीराः ।  
व॒न्वन्न॑वातः परि॒धीँ रपो॑र्णु॒ वीरे॑भिरश्चैर्म॒घवा॑ भवा - [ ] 65



**2.6.12.2**

नः । त्व॑ स॒ोम॑ पि॒तृभिः॑ सँ॒वि॒दानोऽनु॑ द्या॒वापृ॑थि॒वी आ॑ त॒तन्थ॑ ।  
तस्मै॑ त इ॒न्द्रो ह॒विषा॑ वि॒धेम॒ वय॑ स्या॒म प॑तयो रयी॒णां ।  
अ॒ग्नि॒ष्वात्ताः॑ पि॒तर॑ ए॒ह ग॑च्छ॒त स॒दः स॒दः स॒दत॑ सु॒प्रणी॑तयः ।  
अ॒त्ता ह॒वी॒षि प्र॑य॒तानि॑ ब॒र्हिष्य॑था रयि॑ सर्व॒वीरं॑ दधा॒तन॑ ।  
ब॒र्हिष॑दः पि॒तर॑ ऊ॒त्यर्वा॑गि॒मा वो॑ ह॒व्या च॑कृ॒मा जु॑षध्वं॑ ।  
त आ॑ ग॒ताऽ\*व॒सा शं॑ तमे॒नाथा॑स्मभ्य॑ - [ ] 66

**2.6.12.3**

शं यो॑र॒रपो॑ दधा॒त । आऽहं॑ पि॒तृन्थ॑ सु॒वि॒दत्रा॑ अ॒वि॒त्सि॒  
न॒पातं॑ च वि॒क्रम॑णं च वि॒ष्णोः॑ । ब॒र्हिष॑दो ये स्व॒धया॑ सु॒तस्य॑ भ॒जन्त॑  
पि॒त्वस्त॑ इ॒हाऽऽ ग॑मि॒ष्ठाः । उ॒प॒हू॒ताः पि॒तरः॑ सो॒म्यासो॑ ब॒र्हिष्ये॑षु नि॒धिषु॑  
प्रि॒येषु॑ । त आ॑ ग॒मन्तु॑ त इ॒ह श्रु॑व॒न्त्वधि॑ ब्रु॒वन्तु॑ ते अ॒व॒न्त्व॒स्मान् ।  
उ॒दी॒र॒ताम॑व॒र उ॒त् प॒रा॒स उ॒न्म॒ध्य॒माः पि॒तरः॑ सो॒म्यासः॑ । अ॒सुं - [ ] 67

**2.6.12.4**

ॐ ई॒युर॑ वृ॒का ऋ॒त॒ज्ञा॒स्तो नो॑ऽवन्तु पि॒तरो॑ ह॒वेषु॑ । इ॒दं पि॒तृ॒भ्यो नमो॑  
अ॒स्त्वद्य॑ ये पूर्वा॒सो य उप॑रास ई॒युः । ये पा॒र्थि॒वे रज॑स्या निष॒त्ता ये वा  
नू॒नꣳ सु॒वृ॒जना॑सु वि॒क्षु । अ॒था यथा॑ नः पि॒तरः॑ प॒रासः॑ प्र॒त्नासो॑ अ॒ग्न  
ऋ॒तमा॑शुषा॒णाः । शु॒ची॒दय॑न् दी॒धिति॑ मु॒क्थशा॑सः क्षा॒मा भि॒न्दन्तो॑  
अ॒रु॒णीर॑प व्रन् । यद॒ग्ने - [ ] 68

**2.6.12.5**

क॒व्यवा॑हन पि॒तृन् यक्ष्य॑तावृ॒धः । प्र च॑ ह॒व्यानि॑ वक्ष्य॒सि दे॒वेभ्य॑श्च पि॒तृ॒भ्य  
आ । त्वम॑ग्न ई॒डितो॑ जा॒तवे॒दोऽवा॑ङ्ढ॒व्यानि॑ सु॒रभी॑णि कृ॒त्वा ।  
प्रा॒दाः पि॒तृ॒भ्यः स्व॑धया ते अ॒क्षन्न॑द्धि त्वं दे॒व प्र॑यता ह॒वीꣳषि॑ ।  
मा॒तली॑ क॒व्यैर्य॑मो अ॒ङ्गिरो॑भि बृ॒हस्प॑तिर् ऋ॒क्वभि॑र्वावृ॒धानः॑ । याꣳश्च॑ दे॒वा  
वा॒वृ॒धुर्ये॑ च दे॒वान्थ् स्वा॑हाऽन्ये स्व॑धयाऽन्ये म॒दन्ति॑ । 69

**2.6.12.6**

इ॒मं ॐ॑म प्र॒स्तर॑माहि सी॒दाङ्गि॑रोभिः पि॒तृभिः॑ सँ॒वि॒दानः॑ । आ॒त्वा म॒न्त्राः  
क॒वि॒श॒स्ता व॑हन्त्वे॒ना राज॑न् ह॒विषा॑ मा॒दय॑स्व ।

अङ्गि॑रो॒भिरा॑ ग॒हि य॒ज्ञिये॑भि॒र्यम॑ वैरू॒पैरि॑ह मा॒दय॑स्व ।  
 वि॒वस्व॑न्त॒ हुवे॑ यः पि॒ता तेऽस्मि॑न् य॒ज्ञे बर्हि॑ष्या निष॒द्य ।  
 अङ्गि॑रसो नः पि॒तरो॑ नव॒ग्वा अथ॑र्वा॒णो भृ॒गवः॑ सो॒म्यासः॑ ।  
 तेषां॑ व॒यं सु॒मतौ॑ य॒ज्ञिया॑नामपि भ॒द्रे सो॒मन॑से ( ) स्या॒म । 70  
 (भवा॑ - ऽस्म॒भ्य - म॒सुं - यँद॑ग्ने - म॒दन्ति॑ - सो॒मन॑स॒ दृ  
 ए॒कं च॑ ) (A12)

**Prasna Korvai with starting Padams of 1 to 12 Anuvaakams :-**

(स॒मिध॑ - श्र॒क्षुषी॑ - प्र॒जाप॑तिराज्यं - दे॒वस्य॑ स्फ्यं - ब्र॒ह्मवा॑दिनो  
 ऽद्भि॑ - र॒ग्नेस्त्र॑यो - म॒नुः पृ॑थि॒व्याः - प॒शवो॑ - ऽग्नी॑धे - दे॒वा वै  
 य॒ज्ञ्यस्य॑ - यु॒क्ष्वो - श॒न्तस्त्वा॑ - द्वा॒दश॑ )

**Korvai with starting Padams of 1, 11, 21 Series of Panchaatis :-**

(स॒मिधो॑ - या॒ज्या - तस्मा॑न्नभा॒गं - हि॑ तमन्वि - त्या॒ह प्र॒जा वा  
 - आ॒हेत्या॑ह - यु॒क्ष्वा हि॑ - स॒प्ततिः॑ )

**First and Last Padam of Sixth Prasnam of Kanda 2 :-**

(स॒मि॒धः – सौ॒म॒न॒से॒ स्या॒म )

**Kanda Korvai with starting Padams of Six Prasnas of Kanda 2 :-**

(वा॒य॒व्यं – प्र॒जा॒प॒ति – रा॒दि॒त्ये॒भ्यो – दे॒वा – वि॒श्व॒रू॒पः –  
स॒मि॒धः – षट् )

॥ हरिः ओं ॥

॥ कृष्ण यजुर्वेदीय तैत्तिरीय संहितायां द्वितीयकाण्डे षष्ठः प्रश्नः समाप्तः ॥

॥ इति द्वितीयं काण्डं ॥

-----

---

## 2.6.1 Appendix

2.6.11.4– प्रजापते॑> 1

प्रजापते॑ न त्वदे॒तान्यन्यो॑ विश्वा॑ जा॒तानि॑ परि॒ ता ब॑भूव ।  
यत्कामास्ते॑ जुहु॒मस्तन्नो॑ अस्तु वय॑ꣳ स्याम॑ पतयो॑ रयी॒णाम् ॥  
(Appearing in TS-1.8.14.2)

---

2.6.11.4– स वेद॑> 2

स वेद॑ पु॒त्रः पि॒तरꣳ स मा॒तरꣳ स सू॒नुर्भु॑वथ् स भु॒वत् पु॑नर्मघः ।  
स द्यामौ॑र्णो॒दन्तरि॑क्षꣳ स सु॒वः स विश्वा॑ भुवो॑ अभवथ् स  
आ\*ऽभवत् ॥

(Appearing in TS - 2.2.12.1)

---

**2.6.11.4** – सो॒मा पू॒षणो॑ > <sup>3</sup> , मौ॒ दे॒वौ > <sup>4</sup>

सो॒मापू॒षणा॑ ज॒नना॑ र॒यीणां॑ ज॒नना॑ दि॒वो ज॒नना॑ पृ॒थिव्याः॑ ।  
जा॒तौ वि॒श्वस्य॑ भु॒वनस्य॑ गो॒पौ दे॒वा अ॒कृ॒ण्वन्न॑मृ॒तस्य॑ नाभिं ॥

इ॒मौ दे॒वौ जा॒यमा॑नौ जु॒षन्ते॒मौ तमा॑ँ॒सि गू॒हता॑मजु॒ष्टा ।  
आ॒भ्यामिन्द्रः॑ प॒क्वमा॑मास्वन्तः सो॒मापू॒षभ्यां॑ ज॒नदु॒स्रिया॑सु ॥  
(Appearing in TS- 1.8.22.5)

### Details of Anuvakam, Panchati and Padam for Kandam 2

	Anuvakam	Panchati	Padams
Prasna 1	11	65	3278
Prasna 2	12	71	3526
Prasna 3	14	56	2965
Prasna 4	14	48	2406
Prasna 5	12	74	3665
Prasna 6	12	70	3433
Totals	75	384	19273